

EDUKONE KA EKALE EITAABO LO ESISIANA- KINAN

Aijulakinet Na Esipokina Abeit - Eitaabo : Edukone ka Ekale v3.3 Copyright ©2017¹¹_{SEP} Reconciled World, Phoenix, Arizona, United States of America. www.reconciledworld.org

Asisian Na Ecamakitai otupitete nu Ejaasi Alasis Naka Creative Commons Attribution-Share Alike 3.0. Ecamakitai ijo ido da Aisinyikoikitai Aitwasam Asisian Na, Aijerunun Ka Akoranar da Mama Ejaasi icie da Otupite Nuta:

Aitijenaar ilope – Ibusakinit ijo Aimarakin Aswam na Oipone lo ijo Alimit Akiro nu Kwape Nat: Copyright © 2017. Itolomunte Reconciled World (www.reconciledworld.org) Otupitete Nu Ejaasi Alasis Naka Creative Commons Attribution-Share Alike 3.0. Arai ikoto Ajenun Nu ipu, Owanyu Olago www.creativecommons.org.

Mam Erai Nagwelara – Mam ecamakitai ijo Aitwasam Asisian Na Kwape Nagwelara.



Arai ilosikinit ijo Aijulanakin Asisian Na, Oany ebe iwadikaikini ijo ber: info@tctprogram.org.

Asiomete kere Nu Obaibuli Nu Ejaasi Aisidian Na Elemunitai Kotoma:
Holy Bible, New International Version®, NIV®. Copyright ©1973, 1978, 1984, 2011 by Biblica, Inc.TM
Kede Ecamakinio Naka Zondervan. All rights reserved worldwide. www.zondervan.com The “NIV” and “New International Version” are trademarks registered in the United States Patent and Trademark Office by Biblica, Inc.TM.

Aisialamikineta

Itunnga luipu iyatanakitos akiro nuetojokaasi asisian na eitaabo kalo kosodete aijaikin ainapeta nuu kere araun nu iswamaete ojokan noi. Edite eipone lo epedorere aisialamikin kesi kere / Emamei eipone lo edoli kanu aisialamikina kesi kere.

Akiro nuipu kotoma asisian naka eitaabo kalo elomunitos kama ejai **Kate Marsden**, na abu omorata ka ajalite kere ka etau loejok akiro nu isisianakina nu adaunit ngesi aitemokinit ido da abu itetemoritor / itwasamitor kotoma akwapu naka O’ Bangladesh. Akiro nu aisisianakin ke A’ Kate araasi nu adaunitai aitolomuun ojaute ne lo ejaara ejare loka itunga ido ileleba kede aboliasio ka aitetemuneta nu ejiim noi isipedooria aisisia. Abu itapatan noi aimorikikin naka akiro nu asisian kana kere nepepe. Apak nasodit na eong aigee aisisianakin akiro nu ejaasi oitaabo loo, abu asesen ikiliok lu epolooritos emonyete ka aibworar naara ajenutu ebee ejaasi iwaitin icie lu epedorata kesi alecora ka aiteten iduwe kec kilema aibungaa kesi ka ebala. Ti mam eong nepecep da apedorit aoomoomoun ngun kwape eipud loepol, konye ajeni Kate ngun kere. Eyalama noi, Kate.

Akoto da bobo eong aisialamikin **Heather Hicks**, na abu isipedoo asisianakineta nuu aitodolikinio adoketait acie kosodi aiyatakin asisian na epudai noi kanu ikamunitos angor. Eong duc ekaipone erai arasakinit ibore atipe atipe, mere aitemun airereonor ka acoite noi ajenun nu edepanara. Kanuka angun, epol eong noi alakara kanu itunganan yen einakina ido ocamunite ka atitingu naepol aitemun aitor airereoor asisianakineta nuu kere kitoni aanyun ebee iriamara kesi kede amorio aitwasam koipone lo enyanyaara noi / koipone lo itanyanyaara noi. Eyalama noi, Heather.

Arai bobo eong lo epol aiyalama noi nejaasi etutuorok lu eswamaata nepepe kasio adaun ikaru luipu, isisiaete ka aitodolinikin aibwaikin aomisio nuu toma aswamusioit. Ngun kesi “ipirin lu apedorak” ka lu abeit. Eipone lo kesi aibwaikin toma aswamusioit ka aomisio kec nu itojokaaret aitutuonoreta nuu kesi apotu oraunos nu ameda naepol noi aingarakinia isio aitolomuun akiro nu ingarakinete noi kotoma aitutuonor, ido kakere aisinyikoinikineta kec esipedonosio eong ainyikokinit alosit iingaren apakio nuipu ne abu eong adolokitor ne akotor ti ajalakin ka apalun. Aroko eong ajaasi kede aisialamikinet naepol noi mama ejai etiimu losodit lo etutuorok, lu apotu iboiyenenete kotoma “aipurujauna” (*ne ationor amisiikin*) apakio nu ajaar eong aisisiaun eipone lo isisianakineta kanu isisianakina. Kapotu kotamata ka atitingu kere amisiikin, ka aisisianakin da, aomisio nu apotu ekaulo amisiikisi ebe araasi nu atioko noi airiamaror keda ejautene lo aiboisio kec ka ejare kec. Konye koipone kangon da, abu Edeke olemu itunga lu atutubeta kangun da kinga kotoma obakor— arai na aisiitunet na mam imurokini eong ebee mam apirianut naa arai naka bon elopet, arai bo nu ajai eong aswamu, konye Edeke kanu ajai Ngesi aswamu. Epupi ekatau atiroro naepol noi ebe abu Edeke ocamu aitarau eong ediopet kotoma akirot kana ido da abu itwasam eong karaida ejaa eong anonokusio ka. Ngesi bon odumu aibuses.

Nawasia ke, akoto eong aisialamikin okilenika, lo abu isisianik eong ibore ebakai edukone lo ajokan. Korai omamei ngesi, ti mam adio kanu kere epedoro. Ajeni eong agangan kon naepol ka ajalit nu aswamau ijo kotoma okaru ngun kere kanu aisipedoor nu kere aiswamaun. irai ijo ekwamu lo ijai kwapu naka abebenoka ka ido amina eong ijo noi.

Anna Ho
Executive Director (Na Epolokit ka Eyait Ainapeta)
Reconciled World

Eroko ijo Egeuna

Aitijenikinet na itegelikina kanu Esisianakinan Oitaabo loka Edukone Ka Ekale

Aisidianakineta nuu arai angin adiopot kakesi nepetai isawan 2 — mere lo lem esawa 1 ka atutubet (1.5). Olimok esisiak anyaraun okilenike / akeberu da ajaikin toma aitutuori naa. Itolomu aitegelikineta adis kanuka aimor aitamitam kalu edukokina. isinyikoik angin itunganan kere aimor aomisio kotoma aitutuor kana karaida mam kesi edukokina arai bo nat emameete kesi kede iduwe. Eraasi Akou nuka aisidianakineta kanu nu epol ameda noi mama ejai angin itunganan kere kanu aisisiaun adukun iidicasinei lu engaleikitos kotoma atutubena kere.

Aputosia kere nu isipedoritos asisian ejaasi apapulai nu okau naka Eitaabo loka Esisianakinan. Arai mam ijo ipritingauni / ijeruni Eitaabo loka Esisiak kanu esisiak kere, itolomu angin itunganan ekopi ediope loka “Amisiikin Aitegelikineta wok” kotoma Asisian 2. Angoli Ekanisa Emina okotokin aitac isirigin lu Eitaabo ediope loka Esisiak tetere aitunitor Akiro nu Epelok nuka Eitaabo kalo.

Aitemonokin Kanu Aisidianakin Asisian

1. Osiom **Eitaabo loka Esisianakinan** Jokaan noi Ka Acoit, arai epatana, inyogonok irwana pu. Igiranak arai bo aiwadikainikin osiepon naka apapula akiro nu epelok tetere ijo itunit.
2. Irereo **alosikineta** nuka angin asisian tetere ijo ijeni nu ibusakinit Esisian aisisiaun kotoma aisisia
3. Oge alingakin sek aisiomaar **iwaitin luka Asiometa nuka Obaibuli** kere Eroko Asisian egeuna
4. Irereo owany aani bo **iboro** ipudai kotoma angina asisian ka ijo aitolomunit itaabon lu Esisiak ka iwanyuneta lu itwasama kotoma asisian
5. Koany ebe imisiarit angin **aswamisioit** na ejaun asisian (abolia, aboliatio ka iwanyuneta lu isidianakineta). Ipedori ijo aitemonon ber kede itunga lu okalekon arai ipaperokon.
6. Koyangaik apak **ailip** kanu Edeke isikapikini esisiak, tetere esisiak iirarete nu ekoto Edeke kesi aira ka Ngesi aisipedor ijo aisidianakin akiro nu. iitu da ebe erai toma agogong/apedor naka Edeke bon ngesi iwanyuna oni itunga ijulakinos.

Eipone Lo Itwasamaet Eitaabo Loka Esisianakinan

1. **Alosikineta ka iboro lu itwasama:** Angin asisian egeuni keda ewai lo.
 - a. **Alosikineta** — ejaasi aomisio nu ejokuka kotoma angin Asisian, konye ekoto ikesisiak omisiikisi ojokaan aomisio nuu akaulo na engetakinor asisian. Ejok aingitakin bon arai apotu alosikineta ngun itodolikinon akaulo na ingarenikina ijo asisian. Icebokite ayangaikin apak aisiitikin kesi akiro nu epelok tetere ingarakini kesi aitunit.
 - b. **Iboro lu itwasama** — iboro lu itebeikina ibusakinite aitwasam itijenaritari kotoma angin asisian, aimoriarit aputosia nu isipedoritos asisian ka eitaabo loka Esisiak. Ebuni eitaabo lo loka Esisianakinan aitijenuun ne ebeitor aitwasamaa:
 - Eitaabo loka Esisiak — iwanyuni ijo ejenunet kalo owai kalo oteten naka apapula ne ebeitor aitwasam eitaabo loka Esisian.
 - Aputosia nu isipedoritos asisian — iwanyuni ijo ejenunet kalo owai kalo okediany naka apapula ne ebeitor aitwasam aputosia nu isipedoritos asisian.



2. **Nutupitono Kanu Esisianakinan:** Ejaasi aicoranakineta nu itebeinikitai kotoma asisian nu angarakinete ijo aingarenikin aitutuooro ojokan. Mam nuu erai nu ebeit aimor kede esisiak. Olingak aigee aisiom nuu sek tetere ijo ikapakina ojokan aingarenikin aimor atamitameta nu ejaunos toma asisian ka aswamusinei nu eponio aipudakin kesi aswam. Aingiseta acie ejaunos ka abongonokineta nu awadikatai **opungete** kanu aingarakin ijo kwape etutuooron ajenun aomisio nu ibusakinit aitigogongoikin ikesisiak. Mam erai nu bon abongonokineta nu ejokuka, eraasi kesi acie bon kotoma abongonokineta nu ajokak.

Asisian 1: Ipelueik Kotoma Odukone

Akiro Nu Epolok

- Ejaasi ikiliok ka ipelueik iyarei (2) kotoma odukone. Kesi ebeit arautu engarenon loka ekale ido eraasi kesi lu ebeit amina angorokey koipone angopekangon kwa abu Kristo ominar Ekanisa ido da koipone kalo eminatar ka apodokite aijarakey ikulepek.
- Ejaasi angor ka ipelueik iyarei (2) kotoma odukone. Ebeit kesi amina, ayongite ka anonokikit ikiliok key koipone lo isisianakina Ebaibuli ka arautu akengarakinan na eyongit Edeke.

Iboro Lu Itwasamaa

Eitaabo loka Esisiak:

- Ipelueik luka Ikiliok ka Angor
- Aiwadikaunet na ikamunit Amina ka Ayonganara (Arai Aseunet arai epedor)

Nuitegearete

AIMOR AITAMITAM OGURUPU LO EPOL

Akerianar naka idukonesiawok eyangaikini ikiliok ka angor aiboyenen kotoma aimorikikina ka acamanara kosodete aiswamanara koipone lo apeleikitor Kristo. Adiope akiro nu epolok kanuka adukunn edukone kon ngesi amisiiking ipelueik lu egelegela luka kalu edukokina.

Nutupitono Kanu Esisianakin: *initu ngun lu epedorete ainakin asiomun angin akirot na itatamuunitai kosodete aimor aitamitam nuka aingiseta kotoma Ogurupu lo Epol.*

Akirot na ikamunit Leah

Ajai Leah ekukumit okey itemonokini idiyasio lukuwii kanu inyamat lu abong. Isawan kere arai ngesi aijanganar (**aiyiga**) aperit na ikoku na ijekokitai kanu asaiya ikoku tetere aiiga ngin esubit bala aingainga / aitobolia ikoku ijanga do ngesi lailo ka laiye. Tataake (*toto ekilokit*) ajai eperi opari / osaapa osiepi kanepekanen angororoi akasaya moti-mot osawan lu apaaran emwana akwapu. Arai Leah na adaunit ikaru iyarei bon kotoma odukone ido adaunit aijarake aitegelikin adepar kwa aomitor ngesi. Apupi do ngesi aijar bala na amojongaa ido opasite. Abu otwania ipapero ka apapero ke ido omuno bala tie lot aipejokin Totoke ka Papake. Konye nuajaasi, arai ngesi aidara aisaa ikoku ka aidarit etogo lo okale key ekilenike.

Ajeni Leah ebe amunokina tataake akwenyun adumun ebe akokoto iboro kere kanu inyamat lu abong. Abu Leah itenari kwana kosodi ararapaar kau naka emoosing ke aiboisit na ejai ajimi. Apakio ngun nepe edukokinos ngesi kede Timeo, amina ngesi alingakin abongun ore sek kotoma aswamu kosodete alosit asakasak na abong arai bo nat anapari eilate kede epikipik key. Konye kwana epaikini aiboi awai kede ipaperoke toni iware cut. Abonguni ore ouru ajon keda esigala ido aitam ebe aitingaun alimun akiro adis kwana, eroko elomara / ibirokin ojamu / akapet.

Apotu Leah ka Timeo iriamunos ogurupu loka atumunak okanisa. Eroko kesi edukokina osubiti bala aminakit Timeo alosenen okanisa. Abu ngesi oomite ebe abuni Timeo araun ekilokit lo ajokan ka Papa loka iduwe lo ajokan. Mam Timeo adedeng. Mam ibungat Leah ido ajeni ngesi ebee mam eperenenei kede angor acie nu okinga, konye alwana duc eketau. Karaida angin apaaran na Esabiiti isawan lu apaaran ne ejaari ngesi ore, esubit bala lo elwana kanen. Mam ecaki abolia keda ikoku karaida eineri ka Leah. Arai ngesi lo aperi-aperi bon ka asesene etelebision (TV.) Arai emony ikoku arai bo totoke angurian nu ikamunit Leah, arai Timeo agear epeget kede Leah ka airetanakin da ngesi. Abu Leah ogea aomoom orai alope komam edukokina. Mam ngesi aomit bala ti aijar etionuu kwangen.

Akirot na ikamunit Timeo

Ekaulo ke abong kangipengin, abu Timeo iboikin aimat amajani na *Emwaanyi (Coffee)* nepepe kede ipaperoke. Ogeari Baara eyala itetemi nu ikamunitos angor ibore abu ijaik kesi kere akwena. Abu Timeo oomoom nu ekamunitos Leah kosodi aiterot aikamun. Ajeni ebe ejaun kwana idaret ngesi ne edolia ngesi ore ebuni Leah anyunyurikin. Mam ngesi cut eyalama. Anguriaenenei ngesi duc nu ikamunitos totoke Timeo kanu ikamunitos aswamusinei kere nu ikamunitos etogo nu ajai ngesi aiswaar. Ajeni Timeo ebee epedori totoke orai na etioko ipenesio, konye amunoke arai ebee orai Leah opedo noi ka kere atitingikit. Totoke eswama lem kede agogongu noi adaun ikaru ngun kere luka aijarake ido ebusakinit do ti kwana ngesi da odumu aiyengun kwado kwana emojongitor. Ekoto Leah amisiikin kwangin.

Abu do Timeo ogea aiboyenen awai nepepe kede ipapero ka adumun aoyanareta nu ngesi alwanus ore naarai mam ngesi akoto aipup iceleta ka ipegeta kiding Leah ka totoke. Abu opas ngesi aipup angurian ke Leah na ikamunit aswamuke nepepe ka ikoku. Asubit do Leah bala anyunyurasi kede ngesi isawan kere. Mam do Leah amisiikit ebe ajai nan ngesi aswamu isawan ngun kere ido epuda do ber ngesi da adumun apak obong na ainapakin ka aiyengun?

Abu do ogea ailokonyoenen aupanar kede Leah kitoni okanisa da. Mam ngesi akoto aisoswaikit / aijoseikit bala ejokuka iboro kere kiding kec kwape ekale. Neduc alosioto kesi aijaanakin na atupuruc kana Esabiiti, etanapikini Leah ikoku igoen lu alosit ailip kosodi ainomaarit ka epaasi esaati lo emina Timeo ka kere. Asubit bala akoto ngesi angin itunganan kere ocamu bala ajaasi kesi ejok noi okalekec ido eyalamasi. Abeit ngesi nata ebe autaara kesi kanu amanunun isirigin lujaret ido mam cut eyalamasi ore. Abu Timeo ogea abuinikin ebe arai teni idio itunganan eyalama kwape ejoseikinitor bala eyalama teni abeit. Abu kopup aitiguikinet ka aipirisaara naka aomisio kitoni ne mam akotor bobo alosit okanisa cut. Mam ngesi acamunit bala ajai do bobo adio ameda toma angun. Mam ngesi aomit bala epedori ti aijar araun na itolutulun / igurokin kwangin.

- Nunyoika apotu iswamaunos kotoma akiro nu atatamuutai nuu aarei?
- Koipone aani itiirianere nuu kede ikalia kotoma atutubetewok?
- Nanyoin ti aicoretait iinak ijo Leah? Oomoom nu ikamunitos nu ti epuda Timeo: Nunyoika ti iswama ngesi kanu aidarun / aidarenen Timeo ojokan?
- Nanyoin ti aicoretait iinak ijo Timeo? Oomoom nu ikamunitos nu ti epuda Leah: Nunyoika ti iswama ngesi kanu aidarun / aidarenen Leah ojokan?

Kotoma asisian kana, ilosi oni airereor epelu loka ekilokit ka loka aberu kotoma odukone. Einakit Edeke oni akiro nutupitono nu isangarenikitos aingarakin oni kanu ajautu ka edukone lo ekeriana jokan.

Epelu loka Ekilokit

AIMOR AITAMITAM OGURUPU LO EPOL

- Koipone ti aani itetemuuna ijo epelu loka ekilokit kotoma odukone?

Kosiom Ipeson 5:23, 25, 28-29.

- Nunyoika inerasi ikokoron lu nu ikamunitos epelu loka ekilokit?
 - *Erai ekilokit akou naka aberu*
 - *Erai ekilokit amina akeberu kwape abu Kristo ominar ekanisa*
 - *Erai ekilokit amina akeberu kwape eminar ngesi ka apodokite aidarite akuwanake elopet*

- Erai ekilokit arautu akou naka akeberu kwape eraar Kristo akou naka ekanisa. Koipone aani ejaar Kristo iswamai kwape akou naka ekanisa? Koipone bo aani ti ebeitor ekilokit aswamu kwape akou naka akeberu? Aani bo acie aanyununeta nu etakanete?
 - *Erai ekilokit engarenon*
 - *Abu Yesu opal aijarake ka apedorosio ke kwape Edeke kanu araun eketajaraniwok koipone kangope- kongan ibusakinit ekilokit ainanikin aswamu nuetai noi kanu aidarenen, ayuwarit ka aituduminikin ipudesia luka akeberu konye mere aismamainikin akuwanake bon nu ejokuka kakere.*
 - *Mam ngesi ebuikini akeberu arimaarit, konye emina ngesi komam itutubikit nuitodolikina kanu aminunio (Emina komam aikisilikinit). (Mam Kristo ebwuinikini ekanisa anonokinikin Ngesi.)*
 - *Ne itojokaara ekilokit nu ibusakinit aswamu, ekoto ngesi aimor aitamitam ngun ka akeberu kosodi aitojokaar ngun nu iriamaros ejok noi kede akeberu, mere nu ejokuka kanuke bon*
- Kwape ti ebeitor ekilokit amina akeberu kwape eminar Kristo ekanisa ke, koipone ti aani itetemuuna ijo amina naka Edeke?

AIMOR AITAMITAM OGURUPU LO EDIT

Itwasam Eitaabo loka Esisiak - Asisian 1: Ipelueik luka Ikiliok ka Angor.

Kosiom 1 Ikorinton 13:4-8 Ka Ipilipin 2:1-8 kosodi abongonokin Aingiseta Nu etupakinete:



- Koipone aani itetemutotor angin idiopie kotoma okokoron kalu amina naka Edeke?
 - *1 Ikorinton: 13:4-8 – engirikinit, esiana, mam elilit, mam edakunun, mam epogana, mam itisili, mam emoot nuke bon, mam epatana aitunyunyurikin, mam idari akiro nu arokok nu iswamatai, mam elelakinit numam adolit konye elelakinit abeit. Eyuwarit, emunokina, emuno, engirikinit. Mam amina enangi cut.*
 - *Ipilipin 2:1-8 – Kitasono, ogee ber aitojokaarit ipudesia kalucie, ijaanakini ka ainanikin aswamu nuetai noi*
 - *Yokana 13:2-17 – aijaanakin lucie*
- Nunyoika ti iswamau Timeo (kotoma akirot na nan sek etatamuutai) neajai ekeberu, Leah, koipone lo isisianakina Ebaibuli?
 - *Ojaun aingarakit kotoma aswamusinei nuka otogo ka arai bo ti abolia nepepe kede ikoku*
 - *Ayangaikin apak aiboyenen nepepe ka Leah*
 - *isinyikoik Leah ayangainikin apak nepepe ka akale ke*
 - *inerananasi nepepe ka aigangakit Leah kotoma oidicane ke nepepe ka Totoke okilenike*
- Koipone aani epedora ekilokit aitodiar amina kanuka akeberu kotoma owaitin kalu? Kotoma ogurupun kus, kitolomuutu iboro luka otoma aswamusioit 10 lu ti epedori ekilokit aswamu kanu aitodiaara kana kanuka akeberu.
 - *Aitim akeberu ne ejaunor kesi amamus acamanar /apegakin kanuka adio akirot*
 - *Apupokin aomisio nuka akeberu ne ejaatatar kesi aitojokaar nu ebeit aswamu*
 - *Aingarakin aisaa ikoku / aingarakin aidara ikoku – angarakin ailongar ikoku*
 - *Alosit atan aomikin akeberu akipi*
 - *Arautu lomunot mama ejai akeberu*
 - *Aidaar iduwe tetere akeberu adumuni apaki na epedora ngesi aipejonikin lucie itunga*
 - *Aigee apodokite ber ipudesia luka akeberu eroko itojokaara luke ipudesia*
 - *Arautu aanyunet najokan kotoma akiro nu omoyo – koanyu ebe elosenenete itunga lu okalekon okanisa angin esabiiti*
 - *Ailipenen kanu akeberu / Ailipanakin akeberu*
 - *Aisisiaun amoun aomisio ke kosodete aimor einer kanu ikamunitos aitojokanareta nu epolok nepepe*

- Nunyoika iswamaunos arai mam ekilokit itodolikini epeluke kwape itetemuutor Ebaibuli?
- Orai ekilokit oyaite akeberu kwa isisianakina Ebaibuli, nunyoika ti iwomit ijo eyangau ejautene kangon nejai edukone?

INYAKUTU NU IMORATA YESI / ERIPOTA

Nutupitono Kanu Esisianakinan: *Itemu airereor aingiseta ngun nuejaasi kuju. Kolimok angin egurupu aimor aswamusinei nu iwadikautos kesi aswamu. Eminasi nuka aingal nuka inonosio icie ikeunos; obongo irereo n inera Ebaibuli kosodi aisinyikoikin kesi ailipenen kanu kangun.*

AIMOR AITAMITAM OGURUPU LO EPOL

Einakit Edeke ikiliok ipelueik iyarei lusodit ido opolok kotoma odukone — arautu akou naka aberu nepepe ka amina angorokec kwape eminar aijarakec ikulepek bon, kwape ejaar Kristo iswamai kanuka ekanisa. Abu Yesu itodiarite etau loka ekejaanakinan, ailot akejen nuka ikesisiaka ke kosodi aijaikin aijarake kwape asubanit kanuka aitajario wok. Ajai Yesu apodokit ido kosiana, abu kopal apedorosioke kwape Edeke, ido mam arai lo akoto aibwokite angin ibore kere Ngesi bon.

Erai ibore yeni epol noi oni amisiikin eipone lo abu Yesu itodiaritor aanyunet naka ipelueik kalu kasodete aanyun ebe mam oni itupakini ediope koiponesio kalu iyarei (2) luka ipelueik enyeikiisi apalun locie. Arai kisesen oni aijara naka Aburaam apakio acie amina aitopoloorit epelu ediope aitelekaarit locie ido angin apak na eswamauna kwangin, ayangaunenei atiokisio.

1. **Aswamu kwape akou / ekayaiton konye omamei amina (Ageun 12:10-16):** Abu Aburaam koyanga akeberu akwapu naka O' Misiri kanu aikuu ebeli (*etengei lo apurie*) abu kolimok akeberu atemar atiaar mama ejai idio itunganan kere ebe erai ngesi inacike tetere mam iswamaikinio ngesi nu arokok. Konye ejaa ngun da, abu akirot na koinak Parao ayangaar Sara kwape adiopot kotoma angoroke. Kotoma ojautene kalo, iwanyuni oni ebe abu Aburaam iswamaa kwape akou naka ekale ido kotamite aitemokin ationis naka ebeli / etengei kanuka ekaleke. Konye ejaa ngun da, mam ngesi amina akeberu koipone lo alimokin ngesi einer aingal tetere eraun aberu etunganan ecie. Abu oraun Edeke aijesun agwoun ka alakun Sara kotoma ojautene kangon.
2. **Emina, konye komam iswamai kwape akao naka ekale (Ageun 16:1-4):** Abu Sara kolimok Aburaam ajaanar nepepe ka Kagar tetere ngesi edumuni ikoku kotoma ke, kosodi neke edakunotor akiro, abu kolimok Aburaam airutar Kagar. Abu Aburaam kiswama kwape ajaar eipud loka Sara komam aibwaikin toma ailip kanu ikamunitos akirot ngain, arai kerai aisekunet najokan na ebecokina. Abu komina Sara konye kwape akou naka akeberu, ti ngesi isiitikit Sara nu ikamunitos Aicorakineta nuka Edeke kanu aelo ebe ekoto korai kanu kalu edukokina bon kosodi ti angerokin mam aupakin kede ainapeta ke Sara.

Kotoma atinak kanu kere aarej, mam Aburaam abu korai ekilokit loajokan. Arai ekoto etunganan araun ekilokit loajokan, ibusakinit ngesi arautu akou naka akeberu kosodi amina akeberu koipone lo abu Yesu kominar ekanisa. Adiope komamei nacie, imusungi edukone.

Epelu Loka Aberu

AIMOR AITAMITAM OGURUPU LO EPOL

- Kotoma atutubetekon, lonyoin epelu lo ejenaara loka aberu?

Kosiom Ageun 2:18, 20.

- Koipone aani itetemuunitor Edeke aberu? (*Akengarakinan*)

- Koipone aani ti itetemuuna ijo ‘Akengarakinan’? Lunyoika iboro lu ejenasi iswamai ikengarakinan?

Kosiom Ikisila 33:29 Ka Isabulin 121:1-2.

- Ingai bo ekengarakinan wok kotoma okokoron kalu?
- Koipone aani ipedoria ijo aitetemuun ekengarakinan kotoma okokoron kalu?

Nu abeit kesi nuta kotoma Aburanian (Angajep Na itegearitere Aijulun Ebaibuli) akirot Na eputo kanuka ekengarakinan itwasamitai kotoma angin idiope kotoma okokoron kalu. Ne etetemuuna Edeke angor kwape akengarakinan, abu itwasam akirot na eputo kwape kangin na etwasamit Ngesi kanuka aanyunet na iyareikini. Engalingal Satan oni kosodi ainakin oni amisiikinet naibucaara naka ‘akengarakinan.’ Mam eputosi apolou kede na arautu abulesit. Aitetemuunet obee naka ‘ikengarakinan’ na abu Edeke itwasam kanuka aberu ngesi na iyareikini. Akengarakinan kotoma Obaibuli apolouke ‘itunganan yeni egogong yeni ebuni aigangakin, aitudumikin agangat kanuka itunganan kayen ejai toma oipud.’ Akirot napana itwasamitai irwana tomon - akanyikape (16) kitodiarite eipone / ejautene loka Edeke: Erai Ngesi agogongu wok, Ekayuunan wok, Ekedaran wok, ka Aingarakinio wok! Abu Edeke kosub Keba kanu aitudumikin agogongu naejok noi ka aingarakinio kanuka Adamu.

- Koipone lo amisiikin aomisioit kwa inheritor Ebaibuli naka ‘akengarakinan’, koipone aani ijulakina nen amisiikinete wok kanuka epelu loka aberu?

Kosiom Ipeson 5:22,24, 33; Ka I Petero 3:5.

- Nunyoika inerasi ikokoron lu nu ikamunitos epelu loka aberu?
 - *Ekoto aberu anonokikin okilenike kwape kotoma Ojakait.*
 - *Ekoto aberu ayaite ngesi kede angosibib / ayaite ngesi kede ayongio.*

Einakit Edeke angor ipelueik iyarei lusodit ido opolok kotoma odukone. Losodit ngesi amina, ayongit ka anonokikinit ikiliok kec kwape engarenon loka ekale. Loiyareikini, ngesi arautu akengarakinan na eyongit Edeke na egogong ido opedorite.

AIMOR AITAMITAM OGURUPU LO EDIT

Itwasam Eitaabo loka Esisiak - Asisian 1: Ipelueik luka ikiliok ka Angor kanu abongonokina aingiseta nu etupakinete:



- Lunyoika icie owaitin lu ti eswamauna Leah kanu arautu “akengarakinan” ka ayaite Timeo nepepe ka ayongio?
- Lunyoika icie owaitin lu arautu ‘akengarakinan’ ka aitodiar anonokikinit naka edekeone ka ayongio mama ejaasi ikiliok? Kotoma ogurupun, otamata aomoomoun aanyununeta 10 .
 - *Aitemonokin inyammat (aipo inyammat), aitalaunun etogo / aitalaunun ekai ka acie da*
 - *Aanyun ebee ejaasi itunga lu ore kede igeon lu elaete*
 - *igangakite ngesi kotoma aswamu ke*
 - *itolomuu ere lo iyalamana / itolomuu ere lo italakaara*
 - *Aisinyikoinikin ikiliok wok*
 - *Aimor aimisio wok nu iswamaa kanu iwomit oni nepepe ka ikiliok wok*
 - *Ailipanakin ikiliok wok*
 - *Arimaarit ikiliok wok*
 - *Einer ejok nu ikamunitos ikiliok wok*
- Koipone ti aani ijulakina edukone orai aberu kiswama iboro kanat kalu?
- Nunyoika iswamaunos arai mam aberu itodokini epelu ke kwape itetemia Ebaibuli?

INYAKUTU NU IMORATA YESI / ERIPOTA

Nutupitono Kanu Esisianakinan: Koinak angin egurupu omorata akiro nu iwadikautos kesi aiswamaun. itemutu airereor aingiseta nu ejaasi kaju ngun. Arai ejai amamus acaunit ejok / arai aingiseta nu ikamunitos apolou na angor anonokikin ikiliok kec, isinyikoik kesi abongor bobo kosodete aisiom esula kere lo 5 kotoma oitaabo lo Ipeson kosodete ailip Edeke ainakin kesi acoa.

AIMOR AITAMITAM OGURUPU LO EPOL

Nutupitono Kanu Esisianakinan: Arai idila angor nu akwapu kus aswamu nepetai angin aswamu, apolouke mam ewai loo emina iriamara kede yesi. Epedori aticepak aiyatakin aitigogong aingal ebee ekoto angor iswamaete bala abulesin konye iboyeete ikiliok aiteikite kesi bon eutaara. Konye arai ejaa ngun, arai erai angor nu itikokitai amamus aswamu icie iboro, apolouke ebe ewai loo emina oraun lo ingarakini noi ainakin eipone lo inheritor Ebaibuli nuka eipone lo aswamusinei nu iriamara kanu angor aswamu.

Kosiom Awaragasia 31:10-31.

- Luangai iwadikatai ikokoron luu kanukec? (aberu na angosibib / aberu naejok.)
- Nejaasi Luangai ewadikaikitai ikokoron luu? (ikokoron 2 – ikiliok)
- imaru maru aiwadikaun / imarimar aswamusinei nu iswamai aberu na:
 - Iswamai ngesi ka akanin ke aisub iboro – igoen ka iboro icie lu otogo
 - Iteomonokini inyamata lu ejokuka / ipoenenei inyamata lu ejokuka kanuka ekale
 - Egweli amisiri
 - Iraikini emanikor loka emusabibu
 - Egweli ka agwelanar kakerianut kaiboisio nuka agwelanareta
 - Iswamai ngesi ka akukuranut / iswamai ka agogongu
 - Epodo lukican kalu emamei eipone (Lu ilwaritos)
 - Idari ka apodikite luka okaleke ojokan
- Nunyoika aswamusinei nu idilas kanu angor aswamu kotoma atutubetkon? Aanu bo nuejenasi numam ecamakitai angor aswamu kotoma atutubetkon?
- Kanuinyo einakitere aberu naa angosibib? (Mam ngesi ekalanyana ido erai ngesi na epedorit noi kosodi isialamikitai.)
- Nunyoika aswamusinei nu iswamai ekoniberu? Koipone bo aani iinakitok ijo ngesii angosibib?

Nu ibwaikina toma Aswamusioit

AIMOR AITAMITAM OGURUPU LO EPOL

Kosiom Ipeson 5:21.

- Nunyoika itodikitos onio ikokoron lu nu ikamunitos ipelueik luka ikiliok ka angor kotoma odukone lo ayongite Edeke?

Nutupitono Kanu Esisianakinan: itwasam apalula na ekorakitao na ikamunit “Amina ka Ayongio” arai ejaasi ikiliok ka angor inyalakina, arai ejai ationis einer nepepe ka ikiliok kotoma aiboisit. Erai da bobo na apapula naejok (eitaabo loejok).

Irwana duc imin ooni aoomoom ka amunokina nu tti ikoto ooni ikiliok wok arai angor wok ti aiswamaikin ooni. Ipupuni ooni aitikadikin arai anyunyurikin kanu iboro kere lu mam kesi iswamaete. Aticepak iboro akiro nuu ijaikitos ooni aumokite arai teni ikiliok wok arai angor wok eminasii arai ainakite ooni ayongio. Atamakisi ber ooni iwaitin icie lu itegelikina aoomoomaa ka aiswamaa.

NEPEPE KA IPAUPA

1. Itolomuu aiwadikaet na iboro lu iswamaenenei okilenikon arai ekoniberu aingaranakina ijo.
(Kanu alumam edukokina, nunyoika iswamai Papa lokon ka toto nakon kanu aingaranakina ijo?).
2. Aso irereo nu iwadikautai, ilip kosodi aimal Edeke kanu okilenikon arai ekoniberu (arai bo auriak kon).

OYANGAIK APAK IJO BER BON AITONOR AOMOOM NU ISISIAU

Nunyoika bo ibuni ijo apedor aismamaun kojokan akaulo na aitutuoro kana kanu aitojokaara eidicane kon kana / kalo owaikon arai bo kede ekale kon?

1. Kotoma apaaran na etupakini:
 - **Ikiliok:** olimok ekoniberu isialamikina etaukon noi kanuke kanu iswamai ngesi kanu apodokite aidar ekale kus. Ingitu ngesi arai ejai idio ibore yeni ipedori ijo aismamaun kanu aitapatan aijarake? Kiitu ebe ekoto ngesi ajenun ebe imina ijo ngesi.
 - **Angor:** olimok okilenikon isialamikina etaukon noi kanuke ido da isialamikit ijo akeswamu kagongu apodokite aidar ekale kus. Ingitu ngesi arai ejai idio ibore yeni ipedori ijo aswamu kanu aitapatan aijarake? Kiitu ebe ekoto ngesi ajenun ebe iyongit ijo ngesi.
 - **Lumam Edukokina:** olimok auriak kon ebe isialamikina etaukon noi kanukec kanu iswamaete kesi kere kanuka ekale kus. Ingitu kesi arai ejai idio ibore yeni ipedori ijo aismamaun kanu aitapatan aijarakec?
2. Ekaulo ke, angin apaaran otama aswamu nepetai idiope ibore aitodikina okilenikon arai ekoniberu (arai auriak) ebe imina ijo ngesi arai ebe iyongit ijo ngesi. Kwape aanyunet:
 - Ti Leah etamakit amamus angurian ne iyapia Timeo abungun ore, ti ngesi etamakit aiyatakite atitingikit noi kede Totoke Timeo.
 - Ti Timoe ebonguni ore akaulo naka asamu kosodi abolia nepepe kede ikoku, kosodi ti einer kede Leah nu ikamunitos eipone lo elositor apaaran ke kosodi aimor ka ngesi eipone lo elositor nake da apaaran.
3. Oyangaik kwana apak aiwadikaun akiro adis (aomisio adis) nukon ilopet ngun nu ipedori ijo aswamu angin apaaran kotoma osabiiti kalo. ilip kosodi alimokin Edeke ingaraki ijo aswamu akiro ngun.

Eminasi adokena nu iswamaa nu osubitos bala etioko. Arai mam ijo ikapakina ber ainerakin ka okilenikon arai bo nat ekoniberu (arai bo auriak), aso ogea koipone lo ijo ailipanakin ngesi angin apaaran. ilip angoli esawa lo ipupuna ijo aiturur arai anyunyurikin. imalaenenei Edeke kanu okilenikon arai kanu ekoniberu kosodi ailip / alimokin Edeke ingaraki ijo kotoma odukone kus.

Asisian 2: Edukone Lo iyalamana

Akiro Nu Epolk

1. Ipedori ooni ajaun kede idukonesia lu iyalamasi koipone lo araun lu ijenuni aitegelikineta nu ijaatatar ooni nepepe kana owaikon / owaikon kotoma odukone arai bo nat itunganan yeni ibeit ooni kotoma okale.
2. Ekoto ooni aisiaun iwaiting lu engaleikitos / luejokuka kwa ekotor Ebaibuli kanu oni aitetenanaara amamus acamanara wok ka aitemonokina ingungeta.

Iboro Lu Itwasama

Eitaabo Loka Esisiak:

- a. **Komisiik Aitegelikineta wok (1 copy angin itunganan ka ido iyatakina adis kanu amucalan arai ijaka kec)**
- b. Aitemonokin ingungeta wok

Aboliasit Naitegearet

ASWAMUSIOIT NA EGURUPU LO EPOL

Nutupitono Kanu Esisianakinan: *Ingitu angor auni (3) nu ecamunete. Koinak angin adiopet kakesi oraun idiopet kotunga kaluta: **Mara, Toto Make, ka ijaake – Susanna.***

Na Etetemuunan: Ejai Mara iboiyei oicolong kotogo loka Totoke, itikadikina. inerasi ka Toto nake.

Mara: “Otukuii, etubusikina epeeta kosi noi aomit eong bala ti edukone kosi da ti erai ejokuna noi. Do kwana toma olap ediope bon, amunaaros iboro keere.”

(kolomuni ijaake, Susanna.)

Susanna: “inyobo amunaun?”

Mara: “emamei ibore ngesi abu eong emunokina. Nothing is what I expected. Abu eong aomite ebe ti eong eyalama noi adau eong adukokin. Konye do kwana isubit isio bala ipega isio isawan keere. Mam isio nepecep isubit bala ijaa ka acamanar odio ibore keere.”

Susanna: “Ooo, ajai kolo eong da ationis kwape kangin kede okilenika ! Konye abu ijaaka adiopet inerakinos ka eong kosodi aingarakin koipone loejok noi. Obiya nee. Aso amorata einer nu eyangautos ngun.”

AIMOR AITAMITAM OGURUPU LO EPOL

- Nunyoika apotu iswamaunos kotoma aboliasit kana?
- Biyai nuu iswamaunar cut aiboisit kana?
- Kanuinyo iswamaunor?
- Biyai itunga duc emorete nu ikamunitos atiokisio kec kwa abu Mara omoriata nepepe ka ijaake Susanna? Kanuinyo? / Kanuinyo mam ?
- Nanyoin aicoretait ipedori ooni ainakin Mara?

Edukone Lo iyalamana / Edukone Lo Italakaara

Ingungeta icie elosete duc aiswamaun karaida kotoma odukone lo engaleikit eidicane kec ejok. Arai

elimoki ijo idio itunganan ebe mam kesi engungakinar karaida ajaun ka amamus acamanara kotoma odukone kec, epedori aticepak komam erai abeit ka itawon kec keere.

- Lunyoika duc iboro lu idilar lu edukokina amamus acamaanar / arai angunganakinor?

AIMOR AITAMITAM OGURUPU LO EPOL

Kosiom ikokoron lu etupakitos luta — Nunyoika ipedori ooni amisiikin kotoma okokoron kalu nu isipedorete oni amisiikin eipone lo itetenanaret ingungeta ojokan?

- 1 Ikorinton 15:41 Ka 1 Ikorinton 12:4-7 – *Iswamaunit Edeke angin idiopet kaoni itegelikina; ijaa ooni kanu kolo okau wok nu egelegela ido iinakinitai ooni atalantan nu egelegela. Ekoto ooni amisiikin aitegelikineta ka arautu lu iinakina acamun eipone lo iswamator Edeke angin idiopet kaoni itegelikina.*
- Ipeson 4:32 – *ekoto ooni arautu lu isiaka kalu itodiarit itawon apodokitos ido ainakina aitim, eitunitos ebee mam ooni da idolit.*
- 1 Petero 3:9 Ka Matayo 5:23-24 – *ekoto ooni akapakina ailip aitimio. Karaida erai yenicie kon abu ogeu ationis, ekoto ooni akapakina aitetenaar angin akirot kere ojokan.*
- Ipilipin 2:3-4 – *ekoto ooni aomit kanuka yenicie wok bonik ka bonik kwape nuepolok aitelekaarit nuwok ikulepek.*

INYAKUTU NU IMORATA YESI / ERIPOTA

Nutupitono Kanu Esisianakinan: olimk egurupu omorata nu esisiautu kesi nu ikamanara kede aitemonokin ingungeta kotoma okokoron angun lu ageio ainakin. Olimok egurpu ecie omorata kotoma okokoron alucie kui.

AIMOR AITAMITAM OGURUPU LO EPOL

Acie kotoma amamus acamanara elosete aiswamaun. Iswamat Edeke angin idiopet kaoni itegelikina. Ijaa ooni kanu kolo okau wok nu egelegela ido ne ilomara ooni odukone, ijaa ooni ka nu ipudakina ooni nu egelegela. Ooni keere ijaa kanu iwomit ooni eipone lo ebeitor okileniwok / aberu wok ajaun, konye emamei eipone lo epedoriata aputoor kwa iwomitor ooni.

ASWAMISIOIT NA ITUNGANAN IDIOPE- DIOPEN KALU EDUKOKINA

Nutupitono Kanu Esisianakinan: Angin itunganan ipudakin ajaikin kede ekopi loka Oitaabo Loka Esisiak – Amisiikin Aitegelikineta wok. Erai ibore yeni epol noi ijo aiticaikin esisiak nutupitono ojokan kanuka aswamisioit kana! Arai mam itunga epedorotos aisiom, arai bo mam emisikitos akirot, ipedori do ijo aisiom kangin etopik kosodi alimokin kesi aibwaikin ejenunet toma okokoro. Kiswamaata nasodit nepepe. Olimok angin idiopet ibwaik X arai ekirorkec toma okokoro lo ebwoikit nu eminas kesi kotenen aswamu. Isinyikoik kesi arautu lu abeitonut kanu eminas / isimaaritos kesi. nasodit kakere, edaunete ber kesi apapula kere kanu aibwainikin ejenunet nejai nu eminesi kesi / nu isimaaritos kesi. Kosodi itetemik kesi aitemun bobo adaun apapula kere aibwainikin O ne eminas nu owaikec / lu owaikec . itigogongoo ebe **MAM** ber aimor aitamitam nu eomitos kesi kosodete ebwaikisi kanu kalo owaike / kana owaike. Arai emamei itunganan yeni owaike kane, okorak kesi bobo apapula acie namam ilelebitai (ibwikitai ejenunet) oyangaa ore tetere na owaike / lo owaike ilelebi, ekaulo ke kosodete kesi aimor aitamitam nepepe. Edautu kesi kere aitor airereonor ka aibwainikin ejenunet toma apapulai kec keere, asodo kwana kesi omarata aanyun nepepe kwa ilelebotor yenicie ke.



Angin itunganan ipudakin ajaikin kede ekopi loka Oitaabo Loka Esisiak, ibuni ooni aimor aitor Oitaabo kere nepepe irwana aarei (2) kanu aisisiaun eipone lo ebeitor aibwainikin **ejenunet**:

1. irwana nasodit – kosiom angin Etopik kosodi aibwaikin toma okokoro ejenunet loka **X** kosodi aiwadikaikin ekonikiror kanu aitoduun ebe imina / isimaarit ijo.
 - Aso eswamaasi nasodit nepepe. Amamus acamanara – Ne ijaunotor yesi ka amamus acamanar / engunget, biyai ijo ti ijokikit aisunyar aitemokin akirot atipet arai bo aitam aiyamakin ber kanu ayangaun ainapakin? Arai ipupi ijo kotoma kon ebee ejok nuc aidarit ainapakin kotoma oidicane kon, ibwaik do ijo **X** eiduny kede esange loka ekokoro lo eyapie oteten. Arai ikoto ijo airotar keere aarei, ekotokin do ijo aibwaikin **X** aibucit arautu akidingot naka ekokoro.
 - Aso itor toma apapula keere kosodi aibwaikin ejenunet ne itojokaarit / isimaarit ijo kotoma angoli ejautene.
2. irwana naiyareit - kosiom angin Etopik kosodi aibwaikin ejenunet okokoro nepepe ka anyukuta **O** ne iwomit ijo ebe ti emina / isimarit / itojokaarit **na owaikon / lo owaikon arai itunganan yeni okale**. Siri / mam ber imorete aitamitam nepepe kede na owaikon / lo owaikon. ibwaik ejenunet ne iwomit ijo bala ti na owaikon / lo owaikon eminakit / isimaarit/ itojokit.
3. Ne idaunata ijo ka na owaikon arai lo owaikon ewai 1 kalo 2, aso do itodiki yeniciekon apapula kon. Omorata Aitamitam angin akou naka akirot na isisiao nepepe ka aingiseta nuejaasi apapulai nu okau naka Eitaabo loka Esisiak.

Asisian 2: Amisiikin Aitegelinikineti Wok

1. Kanu angin Akirot na Esisiai (Etopik) iwadikaik **X** okokoro loka angun nu iminakito **ijo**.
2. Kanu angin Akirot na Esisiai (Etopik) iwadikaik **O** nu owomit ijo emina na / lo owaion arai nu imnasi ipapero kon.

Amamus Acamanara / ingungeta		
Aitemokin atipet	_____	Aidarite ainapakin
isirigin		
Aitwasam	_____	Aimono/ Aingadan-akin
itunga		
Ayangaikit Apak Aiboi kede Lucie	_____	Ayangaikit Apak Aiboi bon
Aitolomuunun Ainapeta		
Aitolomuunun Ainapeta ka Asal-ite Nepenen	_____	idio ibore Yepe Etakanuuni
Aidarite Apak		
Adolun Sek	_____	Adolun nepe Edoli Esawa / arai Aiyapite
Aipup Ailajaara / Adumun Aiyengun		
Alosite Eilate	_____	Aiboi Ore

Aiyap Alosite Ajoo	Ajoo ---	Alingakin Akwenyun
Emina Etaui Noi	Aboliasio	Mam Eminakit
Lu Ariamara Ked Eswaman	igoen	Mam Epodokit Lu Epol Etiai
Elai Noi	Aidara Aila	inyalasi iboro tai otogo
Agwetakit	T.V.	Acakar Kinga

Kosodi konye, Ne adauniata yesi, itodik yenicie kon nu idau ijo aibwaikin toma apapula kon kosodete aimor aitamitam nepepe:

- Biyai ijo ijaatatar amisiikinet naejok na ikamunit iboro lu eminakitos yenicie kon? Biyai ejai icie ibore yeni abu isumuik ijo?
- Biyai ijo kede na / lo owaikon / arai itunganen yen okale eputoonoro abongonokineta kus kanuka angin Akirot na isisiatai / etopik?
- Toma owaitin bo aanu ipuwakatar nu ipototor yesi ido opatanikite yesi acamanar?
- Toma owaitin bo aanu itegelikinatar yesi noi kakere?
- Aanu bo Itopiks (Akou na Asisian) nu opotu oyangaunitos yesi ingungeta luipu / amamus acamanar naepol kotoma odukone kus?
- Omorata einer eipone lo ipedoriata yesi aitetenaanar iwaitin luu aitegelinikina kus luu?
- Koipone aani ipedoria ijo aitwasam agogongu na yenicie kon adukunia edukone kus / arai eidicane kus?

Arai mam ijo idukokina adaun aojau naepol, apolouke ebe itegelinikina yesi owaitin luipu kakesi. Aiboisit na aitam aijulakin yenicie kon, ibusakinit ijo airereor iwaitin lu agogongu kec kosodi aingarakin kesi kotoma owaitin lu enonokatar kesi. Arai bo imina aomoom ebe ikidioko noi aitegelikineta naarai mam ijo itei bala itegelinikina yesi ber kwape kwana. Ebuni aipudakin yesi aitemun aismamaun eipone lo irereoret loo (aibwikin ejenunet X / O) ekaulo ne ideleleunatar aitegelikineta kus ojokan.

4. **Itolomuutu Ainapeta nepepe:** Itolomuu ainapeta kanu eipone lo ilosioto yesi aitemonokin iwaitin lu itegelikinatar yesi. Koseutu iwaitin 2 luka agelegela kosodi aiwadikaun ainapeta kus kanu eipone lo ilosio yesi aitemokin kesi.

Aanyunet 1 – isirigin

Arai eminakit yeni owaikon aitwasam isirigin ido ijo ominakite aimonoinikin, aso do itolomuutu ainapeta nu itwasamatar yesi icie isirigin kosodi eipone lo imonoinikinatar yesi icie isirigin. Arai bo yesi acamanar etiai lo isirigin lu imonoinikina, konye ekoto ojaasi akaniberu ka icie lu itwasamai kangin esabiiti / angin elap kanuka ipudesia luka ekale otupitete nu icamanaros yesi nepepe.

Aanyunet 2 – Aipup Ailajaara

Arai erai eipone kon lo aipup ailajaara / Adumun Aiyengun lo ijo ajaute ore ido ominakite yeni owaikon alosenen eilate kinga aiboisio acie, ekoto yesi acamanar oipone lo ipedoriata yesi kere luyarei aiyalamikin. Epedorete yesi acamanar alosit eilate akuware adiopet kangon esabiiti kosodete aiboikin ore ailajaara, kosodete bobo aipup ailajaara nepepe akuware adiope angin esabiiti. Arai bo icamanaros ebe adaun akuware adiopet arai aarei, kotoma osabiiti yeni owaikon alosite aipup ailajaara aiboisit acie kinga na okale kus opaikini ijo ore.

INYAKUTU NU IMORATA YESI / ERIPOTA

Nutupitono Kanu Esisianakinan: *olimok ekale ediope (Lu edukokina) arai iyarei aimor ainapeta kec nuka aitegelikinet adiopet na elosikitos kesi aitemokin.*

Aitegelikinet wok epedorete ayangaun ailingulongun arai mam ooni imori aitamitam kesi kasodete aitolomuun ainapeta nu iriamaros kanuka yesi kere luarei.

Aitemonokin ingungeta / Aitemonokin Amamus Acamanara

Epote duc amamus acamanara nu edio eipone kere ajaunun, konye ibusakit ooni aisisiaun aitemonokin kesi koipone loejok lo engaleikit. Mam ooni ipedori aiteikin engunget enyanyaar (*edukun apoloor*). Ibusakinit ooni aitam nu ipedori kere aitemokin edio engunget eroko edumuna apak na ngesi anyanyaar.

Ipeson 4:26 ilimokit ooni ebee mam ekoto anyunyura wok oyangaik kitoni akolong alomar. Erai na aisiitunet naejok na ibusakinit acoikit tetere isunyakini aitemokin ne ejai amamus acamanar atipet noi enyekikisi ajalakin apaarasia nuipu etuboros. Eraasi nu nuepolok noi kotoma odukonesia wok, mere nen bon, konye kotoma oidicasinei wok da kere.

AIMOR AITAMITAM OGURUPU LO EDIT

Itwasam Eitaabo Loka Esisiak - Aitemonokin Amamus Acamanara / Aitemonokin ingungeta. Kosiom angin ekokoro. Kosodi iwadikau akiro nu epolok atupakinit nu ikamunitos eipone lo aitemonokin / aluconokin amamus acamanareta / ingungeta wok.



- Matayo 7:3-5 – *Nasodit ka kere koanyu ebe imisiikinit ijo aibucarete kon — Siri kisunyt adodite aibucanareta nuka alucie.*
- Matayo 18:15 – *Omorata akirot ngin yesi ber bon (kwape aiyeiyea kus), mere oingaren naka itunga icie, noi noi iduwe kus.*
- Awaragasia 15:1 – *Omorata amamus acamanara ngin kotoma ainapaara. Arai inyunyura ijo isukunyikisi apaaran na yesi aimor aitemokin engungete ngon.*
- Ikolosain 4:6 – *Itetemu akiro kon kotoma asianut komam asurokinit yenicie kon.*
- Ipilipin 2:3 – *Kotam amisiikin aomisioit na ayenicie kon. Aticepak edolit ngesi ido ibucarit ijo.*
- Ipeson 4:26 – *Akaulo na aitetemuun ewaik kon, ojalak kwaen. Siri itepeg, arai aitam aipikor yenicie kon acamun nukon. Aticepak ibusakinit yesi angerokin tetere icamanaros. Arai iswamaunos nu kowai loka aminanut epedorete yesi aidarun ainapakin.*
- Awaragasia 19:11 – *Siri kitodia aimusunguuna naka aomisio kon arai aiswamaun nuka anyunyura. Koorai yen iminana noi aitelekaar neduc tetere ainapakin esalenenei togo kon. (togo kus).*

INYAKUTU NU IMORATA YESI / ERIPOTA

Nutupitono Kanu Esisianakinan: *Ne edauniata igurupun aisisiaun (aitijenuun) akiro nu epolok atupakin, itemutu airereor kesi bobo itwasamaete akiro ngun nu okuju. iwadikata akiro nu epolok atupakin kanuka angon ekokoro toma abao.*

ASWAMUSIOIT NAKA EGURUPU LO EDIT (Erai aseunet)

Itwasamai akiro nu epolok nu aseun (nu Esisiaun), itolomu aboliasio aarei — adiopet itodiarite eipone lo aronon lo itemonokinet aitegelinikineta / atiakatiakaeta kosodi adiopet na itoduunit eipone loejok lo aitemonokin amamus acamanar / ingungeta / aitegelinikineta. Koseu ejautene lo idila lo epatanar aomisio atiakatiakaun / amamus acamanar. ipedori ijo aitwasam adiopet kotoma aanyununeta nu nan elimunitai.

Nutupitono Kanu Esisianakinan: olimok angin idiopet kotoma ogurupun iswamautu aboliasit (bala edrama kwangin) adaun igurupun kere. ingitu lucie lu ogurupu nunyoia akitro nu epolok nu eanyunitos kesi nu apotu itunga iswamautu / arai ngun numam aponi kismamaunai.

AIMOR AIREREOR NU ESISIAUN OGURUPU LO EPOL

Kotoma asisian kana, isisiau ooni amisiikin aitegelikineta kotoma oidicasinei wok, aitolomuun ainapeta nu itemokinet aitegelikineta wok, kasodete aisiaun eipone lo itemokinet amamus acamanareta wok.

- Aani bo kotoma akirot na epol atupakin kotoma aitemonokin engunget na idila ijo duc aimuronokin kotoma apak na amamus acamanara?
- Nunyoika acie aomisio kotoma owaitin lu iitunet abeitonut naa koingaren ne ijaunotor yesi ka amamus acamanar?

Kiitu ebee, akiro nu epol atupakin nuu, mam erai kanu itunga lu ejaasi toma odukone bon, kanu kesi aitwasam nepepe kanu owaieck arai bo kalu owaieck. Ipedori ooni aitwasam akiro nu epol atupakin nuu kotoma oidicasinei wok kere neduc ijaunor oni ka amamus acamanar.

Nutupitono Kanu Esisianakinan: Ongetakisi koipone lo ailip ebe opedo Edeke aingarakin angin idiopet kakesi amamus acamanar koipone kalo engaleikit, koipone lo ayongit Edeke kosodete aanyun ebe aitegelikineta kec ngun mam eraunos ipegeta / ecelet ka ijiisinei (ajijionut).

Asisian 3: Aitemonokin Nu Imusungitos

Akiro Nu Epolok

1. Ibusakinit ooni amisiikin ka aitemokin eipone lo itipipilitor ooni yenicie wok naarai aitipipileta numam itemokitai epedorete amudiaar edukone.
2. Ailp aitimio na elomunit kotoma otai mama ejaasi ngun lu itipipilit oni angarakini aitemun aisiteteun iidicasinei wok.

Iboro Lu Itwasama

Aputosia Nu Isipedorete Asisian (Ejaasi owai loka Aputosia nu Isipedorete Asisian, idumakini ijo osange loka Aisisiaeta kanu kere, kau na Eitaabo):

- a. Aputo naka Ekale (Ekopi ediope kangoli egurupu – Lo esiarakin)

Eitaabo Loka Esisiak:

- a. Aisisiaun Aitipipileta / amusungeta (Ekopi ediope angin itunganan)
- b. Adokena nutupakina kanu ailip aitimio (Ekopi ediope angin itunganan)

Eselitop / Amasikini Tep (Na edoli angin egurupu kere aitwasam ainamanakina aputosia nu ekale lo isiarakina bobo nepepe)

Aimor Airereor Nu Esisiaun Ka Nuitegearete

AIMOR AITAMITAM OGURUPU LO EPOL

Nutupitono Kanu Esisianakinan: ingitu egurupu arai itunitos kesi idio ibore kotoma aisisianakineta nu atuboros. itemu airereor Asiomar ikokoron lu Obaibuli kanu aisitikina egurupu akiro nu epolok.

- Nunyoika acie kotoma akiro nu epol atupakinit nu ibu ijo isisiau koipone lo ipedoria aimor aitemitem kanu aitemokin atiakatiakaeta wok?

Karaida kotoma odukone loejok kakere, ejaunos apakio nu itipipila ekilokit arai aberu arai bo nat kesi kere yenicie kec bonik ka bonik. Acie apakio epedori aitipipilet / amusungut orai na apeleikitai, konye acie apakio arai namam apeleikitai.


ASWAMISIOIT NA EURUPU LO EPOL

Nutupitono Kanu Esisianakinan: Koinak angin egurupu ekopi loka aputosia nu ekale lo esiarakin (kotoma atutubeta 4-6) ka eselitop / amasikin tep. Olimok kesi itemutu ainamanakin aputosia ngun abongokin bobo nepepe.

Korai omamei eselitop / amasikin tep, ti mam epatana ainyakakin aputosia nuu bobo kere nepepe. Aitim ngesi “eselitop / amasikini tep” kotoma oidicasinei, noi noi kakere kotoma odukone. Imakakini atutubeta nuka aputosia nepepe karaida ajai aitipipilio / aimusungio ka iidicasinei lu apotu otiakakina.

Aitipipileta / amusungeta emudiarete idukosinei. Ijaikini itunga amamus aidicanara ido komam bobo iganganara bonik ka bonik.

Kotoma asisian kana, ibuni ooni aanyun eipone lo itemunet aisiteteun edukone lo amunaarit aitipipilio / amusunget.



Nasodit kakere – Omisiik Aitipipilio / Nu imusungitos Aomisio

AIMOR AITAMITAM OGURUPU LO EPOL

Nutupitono Kanu Esisianakinan: itoroto eirereor Eitaabo kere loka Esisiak - Amisiikin Aitipipileta / Aimusungeta Nepepe. Ocamak apak kanu aitemun airereonor/aitoonor angin itunganan ber bon akaulo na asiomaar ka aimor aitamitam angin ediopet kotoma okokoron.



Kosiom Matayo 5:23-24.

- Kotupitete ekokoro loo, oipone aani iwomitor ijo eraar ibore yeni epol aitupucikin aitipipilio / amusunget arai bo nat engunget?
- Nunyoika apolou naka ekokoro lo ne ebalar ebee “ejaasi akiro numam ejok kajo”?
- Nunyoika ibusakinit ooni aswamu arai ejai aitipipilio / aimusungio toma odukone wok?

Itacaunit Ebaibuli ebee ibusakinit ooni aitupucinikin iidicasinei. Eomit Edeke ebee erai ibore yeni epol noi ido elimokit oni anyoun kotoma aijanakin naka ailip, kolot amoun onacekon iswamautu ngun. Adoketait na isunyakina ooni aitupucikin iidicasinei, ngesi mam amusunget / aitipipilet icasiata apoloor. Akaulo na ilapio idis, ibore yeni abu ogear kwape aitipipilet / aimusungio na edite, epanikini apoloor araun ationis naepol.

Kotoma okokoro loo, isiitikit ooni ebee, arai itakadik ooni icie itunganan, ibusakinit ooni alosite ailip aitimio. Kotoma okokoro lo etupakini, iwanyuni ooni ebee arai itakadiki icie itunganan ooni, eroko erai epelu wok ooni araun lu ilosi mama ejai yeni iswamaikit oni erono.

AOMOOM IJO ILOPET BON

ilosu ooni ayangaikin idakikan idis etitio ailip Edeke aitodikin ooni arai ejaasi idio owaitin lu itipipilitor / imusungitor ijo Lowaikon arai naowaikon kotoma odukone kus, arai bo nat mam ijo idukokina, oomoom nu ikamunitos epapero / apapero kon cut arai itunganan cut yeni okale. Oomoom nu ikamunitos iwaitin luta:

- Biyai ejai kereka idio ibore yeni amene ijo aswamu yeni ti abeiti ijo iswamai?
- Biyai ejai kereka idio ibore yeni iswamau ijo (arai bo yeni ijai ijo iswamai) yeni ti mam abeit ijo aswamu?
- Biyai ijo amene aiswamaun ibore yeni ijeni ijo ekoto okilenikon / akoniberu ijo aswamu?
- Biyai ijo ilimunitor icie ibore yeni etipipilit arai bo yeni imusungi yenicie kon?
- Biyai ijo amene aitodiar amina ka aisinyikoikinet?

AIMOR AITAMITAM OGURUPU LO EPOL

Kosiom Matayo 18:15.

Mam ooni bon ibusakinit amisiikin iwaitin lu iinakitor ooni lu idukor oni apipilu ka aimusungunio kotoma odukone wok, Konye ekoto ooni da bobo akapakina alimokin lu idukosi kaoni ne idumuutor ooni da aimusungio / aitipipilio kamakec kotoma odukone. Acie apakio mam amucaalan wok arai ijaka wok alosikinitos aimusung / aitipipil ooni, konye ejaa ngun da idumuni ooni aimusunguun / aitipipilio. Mam aticepak eminasu omisiikisi nu eswamautu kesi. Arai mam yesi ilimokinete kesi, epedori kereka aitipipilet / amusunget ngin ayangaun adea (*aigee aibwang / aitiak*) kotoma odukone kus. Mam na owaikon arai lowaikon epedori ajenun ibore yeni eroko kanuka angun, mam epedori aitemokin ne ajaun adea ngin kotoma odukone kus.

AOMOOM IJO ILOPET BON

Aso kwana oyangaik apak kosodi aomoom nu ikamunitos iwaitin lu itipipilitere / imusungitere ijo.

Aticepak erai ibore yeni ejenikit ipaupaa kon, arai bo nat mam ajenikit da ebe ejai imusungit / aitipipilit ijo.

- Biyai ejaa iwaitin lu imusungitor / itipipilitor ijo na owikon arai lo owaikon?

AIBWAIKIN TOMA ASWAMUSIOIT

ilip kosodi ainakin aitegear aimor aitamitam iboro luu (*arai akiro nuu*) nepepe ka na owaikon arai lo owaikon osabiiti kalo.

Emamei idio kaoni yeni edolit. Ooni kere imusungitor / itipipilitor lucie kosodi ooni da kere imusungitere / itipipilitere. Kotoma asisian na kere ibuni oni aisisiaun nuipu nu ikamunitos eipone lo itupucikinet iidicasinei wok kotoma aimusungeta / aitipipileta kanu. Osabiiti kalo ibusakinit ijo aitun iboro / akiro nu obu ijo oomoom kopaana kosodi aimor aitamitam kesi nepepe ka ipaupa kon — abilakin ailip aitimio ka aitmenen ne eraar ngun ibusakinit aswamu.

Naiyareikini – Obilakin Ailip Aitimio Ne Itipipilia/ Imusungia ijo Aomisio kalucie

AIMOR AITAMITAM OGURUPU LO EPOL

Nunyoika acie kotoma aitolitoleta nu itereinikitor oni ka abilakin ailip aitimio ka ailip lucie aitim ooni?

- *Epoget*
- *Apupun aitisilio / apupun aisurumio ileic*
- *Adumun apak*
- *Akurianu*

Kosiom Luka 15:11-22.

- Nunyoika aitolitoleta abu esapat lodidi itereikinotor?
- Nunyoika abu esapata lodidi iswama kanu aitemun aisiteteun eidicane ke nepepe ka Papa ke?
- Nunyoika bo ipedori ooni aisisiaun kotoma akirot kana nu ikamunitos abilakin ailip aitimio?

Nutupitono Kanu Esisianakinan: iwadikaik Adokena nutupakina nuu toma abaoi arai apapula na epol olal (amanula) Kosodi ailipa icie kotoma esisiak lu ecamunete asiomunun kotoma Oitaabo loka Esisiak – Adokena nutupakina nuka Abilakin Ailip Aitimio – Kanu Aitetemuun angin adoketait. Ne emisiikina itunganen keere angin adoketait, Ongetak do koipone lo ijo ainakn kesi itodiasi aboliasio nu ikamunitos abilikin ailip aitimio.



Ejaasi adokena 6 kanu abilakin ailip aitimio kanu aitemun aisiteteun iidicasinei ne itipipilia / imusungia ijo lucie:

1. Olimo aitoronikin mama ejai Edeke
2. Itironikin mama ejai yeni icie itunganen komam ijainikini aiyaanari
3. Obilakin Ailip Aitimio kotenan kanu iswamaunit ijo
4. ilip aitimio
5. ijulak iponesio kon
6. Ocamu Nu Epote Aitereikin kajo kotupitete aswamisio kon

Eyatakisi einer nuipu nu ikamunitos adokena nutupakina ibilakin ailip aitimio :

Adokena Nutupakina ibilakin Ailip Aitimio

1. **Olimo aitoronikin mama ejai Edeke** – Ne itipipilia /imusungia ooni yeni owaiwok ijai ooni da bobo aimwang Edeke. ibusakinit ooni alosite nejai Edeke kasodete ailip aitimio ke kanu iswamaa ooni numam ejokuka. Acamun aitimio naka Edeke einakina ooni etau loebilakina

aitoronikin ka ailip aitimio kama ejai itunganan ice.

2. **Itironikin mama ejai yeni icie itunganan komam ijainikini aiyaanari** – Neduc itironikinor oni, ikoto ooni aitetemuun kanu inyo apotu ooni eswamaunatar nu apotu ooni eswamautu. Konye ejaa ngun da, emina nen ijaik yenicie itunganan ationikin aitim ooni.

Aanyunet Na 1:

Aitoron: Ajeni eong abu eong etoron ijo koingaren naka ipaperokon biyan, konye ti mam eong eswamaunit kwangen orai ijo komam aijaikin isio aiyap adaun esawa ediope kere.

Naibecokina: Abu eong etipipil / emusung ijo biyan koipone lo aitoron ijo koingaren naka ipaperokon; arai ngin aswamusioit namam ajokuna kamaka. Itimoi eong!

Aanyunet Na 2:

Aitoron: Ajeni eong akuware na abiyan apolo eong anyunyura noi ido adedeng eong asurokite ijo, konye akoto ti ijo aitunit ebee toto nakon da apakio nupenuu icebokit aitecelenen eong, ido bobo apasite eong aswamu na lolo ngin kere.

Naibecokina: Arai cut ibore yeni asil mam etodiarit asianu naka etau eong anyunyurikin ka adedengikit ijo adoketait kangin akuware na abiyan. itimoi abu eong etipipil ijo.

itiirian aanyununeta ngun aarei nu okuju. Owai bo ti aani kakesi nepetai ti itwasam ijo aitimia?

3. **Obilakin Ailip Aitimio** – koanyu ebee itebeikit ijo alimun nu ikamunitos ibore yeni ipupiya erono kanuka aswamusioit kon kosodi aitodiar aiturur kabeitonut otau. Olimu icie ibore bala nat “elipit eong aitimio noi noi kanu abu eong eswamau” arai bo nat ebee “apupi eong erono noi noi kanu ikamuutos eipone lo abu eong ayangaara ijo / arai kanu eipone lo abu eong eswamaikina ijo kwangin.”
4. **Ailip Aitimio** – ibusakinit ooni amisiikin ebe ipuda ooni aitimio. Aticepak mam ipaupakon ekapa-kina aitim ijo atipet atipet, kanuka angun, emina aipudakin ooni atitingikinite. ilip ebee opedo Edeke aingarakin ipaupakon aitim ijo. Mam ekotokin ijo abuikin kesi alimun ebe etimoto ijo komam erai kotoma akotekec.
5. **Ijulak iponesio Kon** – Mam isilosikina oni aitironikin ka abilakin ailip aitimio arai mam ooni ikapakina kanu aijulakin arai bo nat arai ikoto oni aiyatakit aiswamaunun aibucaret kangipekangin. Ediope eipone lo aitemun aisiteteun eidicane ngesi aanyun ebee iinakina ijo ido opeleikite eipone lo aijulakin iponesio kon da. Kadoketait na ipedoro ijo kere kotam aanyun ebee mam ijo iswamauni bobo.
6. **Ocamu Nu Epote Aitereikin kajo kotupitete aswamisio kon** – Aticepak emina itunganan ipuda apak kanu aitim ijo, ibusakinit ijo atitingu kede iyunganan ngin ido ilipi Edeke ingarak kesi aitim ijo. Aitipipileta / amusungun acie aticepak eminas komudiaasi Amuno kotoma oidicane. Ibusakinit ijo amissikin ebee aticepak mam na owaikon / lo owaikon emina opatanik amunokina ijo kwape ajaar bin sek. Erai ngun nu ayangautu aswamisio kon. Abilakin ailip aitimio mam erasakini kotenan aituluor ibore / akiro kere aitetiaar. Apakio acie erai ijo apaikite ijari nepepe kede nu edupoosi aswamusio kon ijo itori toma. Eyangaikini apak kanu amusungut / aitipipilet na abu ijo idupo iswamaun anyoun awai kama kon.

ASWAMUSIOIT NA IJO KA YENICIE KON

Oomoom ejautene lo etapit aismamaunun lo ti ipudakinor yenicie kon ailip aitimio kama ejai lo owaiké arai na owaiké arai bo nat itunganán cut yeni okale. Oyangaikisi apak abeinikin aitetemoonor eipone lo ti ibilakinor ijo kosodi ailip aitimio.

Nutupitono Kanu Esisianakinan: *ipedori ijo anyaraun ngun lu ipudakinós aítodiaar aboliásit kec na eipone lo abilakin ka ailip aitimio ingaren naka atukot / egurupu kosodete kesi aítodiaar.*

Nungetakinét

Ipeson 4:31-32 ebala ebe, “Kolemasi awai kamakús adwaris kere, adedengu, anyunyura... Koraasi luisiaka bonik ka bonik kalu itimonoros bonik ka bonik kwape isionio Edeke da yesi kotoma Kristo.”

Kotoma Asisian kana, apotu ooni aanyutu iwaitin iyarei lusodit luka aitemun aisiteteun iidicasinei lu amunau aítipipilio / aimusungio.

Adoketait 1: Aisiaun aítipipilio / aimusungio napotu ooni ayangautu ka ngin na ipupi ooni.

Ainaki Edeke ooni epelu lo aitemonokin / alucokin iwaitin ngun keere iyarei.

Adoketait 2: Obilakin Ailip Aitimio (Aso katipet, irereosi adokena 6 keere)


1. Olimo aitoronikin mama ejai Edeke
2. Itironikin mama ejai yeni icie itunganán *komam ijainikini aiyaanari*
3. Obilakin Ailip Aitimio kotenán kanuka aswamusioit na iswamaunit ijo
4. Ailip Aitimio
5. ijulak iponesio kon
6. Ocamu Nu Epote Aitereikin kajo kotupitete aswamisio kon

Nuetupakinete, ibuni ooni airereor adokena nuka aitim ka aitemun bobo aisiteteun eidicane.

ABWAIKIN TOMA ASWAMISIOIT

ilipi Edeke itodik ijo arai ejai idio ibore kotoma odukone kon yeni ibusakinit ijo abilakin kosodi ailip aitimio kanu angun.

1. Itolomu ainapeta ne ibunia ijo ainerakin nepepe kana owaikon / kalo owaikon. Ne ineratár ijo nepepe ka na owaikon / ka lo owaikon, obilakin ilip aitimio kanu aítipipileta / aimusungeta nu obu ijo kitolomu mama ke. Kotam itorite toma adoketa nuu. Arai mam ijo idukokina, ipedori ijo aítwasam adoketa nupenuu aitemokina edio engunget / aítipipiluna kotoma oidicane edio kere lo ijaatatár ijo — kwape aanyunet, nepepe keda auriak, iinacan / ainacan, ipajana, arai bo nat keda ipapero.
2. Odumu apak naejok na iriamara kanukús kere iyarei ainerakin. Odumutu apak namam ekoto itolitolai ido komam yesi kere luarei iraasi lu ipupete epasone loepol noi.
3. ilip kosodi alimokin Edeke ainakin ijo etau lo iyapapaara / loepatana kosodi oinak Edeke ijo akiro nu ibecokina einer. ilip ebee isikapik Edeke amucaalat kon arai ejakait kon acamun airar ijo ido da oinakina aitim ijo.
4. Oinakin mama ejai Edeke ebe ibuni ijo aismamaun nuu. Biyai ejai idio itunganán nen yeni epedori ailip nenepe kajo kosodi aanyun aibwapakin ebee itupakini ijo aismamaun ngun nu iinakin ijo aismamaun. itunganán **yeni imunot** yeni ingitaanari ijo eipone lo kwana ijaari ijo aitolot aismamaun apuconor naa?



Asisian 4: Aitimio

Akiro Nu Epolok

1. itimi ooni lucie kotoma aisialamikinet mama ejai Edeke lo adau aitim ooni.
2. Erai aitim eipone lo ibusakinit ooni aitorite toma angin duc kanu aitangaleuna aimusungeta / aitipipileta kotoma oidicasinei wok.

Iboro Lu itwasama

Eitaabo Loka Esisiak:

- a. Adokena Nuka Aitimio

Aitemun Airereor Nu Adaun Aisiaun

AIMOR AITAMITAM OGURUPU LO EPOL

- Nunyoika aswamisinei aarei nusodit kotoma Asisian na angetakin kotoma Aitemun Aisiteun iidicasinei lu amunaun / lu emusungunos?
 - *Aisiaun Amusunget / Aitipilunet ka Adokena nutupakina kotoma Abilakin Ailip Aitimio Ne Itipipilia ijo Lucie.*
- *Nunyoika adokena akanyikape nutupakina nuka abilakin ailip aitimio?*
 1. *Olimo aitoronikin mama ejai Edeke*
 2. *Itironikin mama ejai yeni icie itunganan komam ijainikini aiyaanari*
 3. *Obilakin Ailip Aitimio kotenan kanuka aswamusioit na iswamaunit ijo*
 4. *ilip aitimio*
 5. *Ijulak iponesio kon*
 6. *Ocamu Nu Epote Aitereikin kajo kotupitete aswamisio kon*

itim itunga Lu Emusungata / Etipipilata ijo

AIMOR AITAMITAM OGURUPU LO EPOL

Kosiom ikokoron lu etupakitos kosodi aitolomuun kaurianut nu inera Ebaibuli kanu ikamunitos aitimio

- Luka 23:34 – abu Yesu itim kosodi amisiikin ebee mam lucie ngun ajenete nu eswamaete
- Matayo 18:21-22 – abu Yesu kolimok Petero aitim irwana 77 (isawan kere)
- Ikolosain 3:13 – Kitimonoros kayenicie bonik ka bonik kwape kitimio ooni Ejaikait

Etim God ooni kama ejaasi nuipuak noi. icorakit oni aitimonor bonik ka bonik. Apakio acie etiono aitim lucie itunga ne itipipilatar / imusungatar ooni.

- Kotoma kanu itorit ijo toma/ arai bo nu iwanyuutor ijo iswamaikina icie, nunyoika acie nu eyangauni amamus aitim (nu edoikinete / iswamaunos) kotoma odukone?
 - *Adwaris - Adukun nu itipipilito / aimusungeta*
 - *Amuno na abila (na alemar) kama ejai yenicie kon bonik ka bonik*
 - *Amamus aisimonikina kama ejai odukone ka aticepak amamus amunoonut*
 - *Etasuro lo ejai okale – kitoni iduwe mam epupete ayuwaara ido epol akurianu*

Aitim erai ibore yeni epol noi kanu aanyun ebee icasi edukone agogongoor. Kotoma Obaibuli, icorakitai ooni irwana ipu aitim. Konye nasodit kakere, ibusakinit oni amisiikin ojokan noi ibore ebakai aitm ka ibore yeni mam eari aitim.

Nutupitono Kanu Esisianakinan: igiru aitiak abao okiding (epuwai kede epuwai) kosodi aiwadikaikin “Mam Aitim Erai” (opuwai ediope) kosodi iwadikaik “Aitim Erai” (iwadikaik owailocie) Kotoma angoli ewai. Iwadik angin akirot kosodi aitetemikin kesi akirot ngin.

Aitim MAM Erai	Aitim ERAI
<ol style="list-style-type: none"> 1. Eipone Lo Epupiata Aomisio 2. Acamun ayaiyio erono / arai aiteikinit eponesio lu imusungenenete ka aitipipilenen 3. Aipudakin itunganan aijulakin eroko ooni itimo kesi 4. Aimurokin 5. Aisoswaikit bala mam ngun epolok da 	<ol style="list-style-type: none"> 1. Asekunet Na Itojokaari oni Aiswamaun 2. Ooni aitereikin ka aibucaret na aponi iswamaunai, kasodete aitojokaar amamus aimakakin ngun otaw aitoronitor na owaikon arai lo owaikon 3. Amunokin Edeke aitetenaar yenicie itunganan kasodete aitim karaida eroko kesi ijulakina 4. Ajalakina yeni owaikon toma akanin nuka Edeke ne ipupiya oni anyunyura arai ai-musungio komam imoot aiswamaun enyangit 5. Acamun atwanare naka Yesu kwape etacit kanuka arokisio kere

Aitim **MAM** Erai:

- **Eipone Lo epupiata aomisio.** Erai Aitim aseunet na itojokaari oni aiswamaun. Mam ibusakinit ooni aidar aitodol ne epupiya oni bala aitim, konye erai oni aitojokaar ebe itimi oni yenicie itunganan. Mam oni ingisi awatewok “Biyai eong apupi bala ti aitim?” konye erai oni apeleikin aitojokaar aitim kasodete aipal aipup aiturur ka etau loimiela ti akote enyangit..
- **Aipudakin itunganan aijulakin eroko ooni itimo kesi.** Mam oni ipedori abuikin yenicie itunganan aijulakin. itimi ooni naarai abu Kristo odau aitim ooni ido icorakit ooni aitim lucie, mere kanu ipuda ooni kama ejai itunganan.
- **Acamun ayaiyio erono / arai angirikinit eponesio lu imusungenenete ka aitipipilenen.** Ne itimia oni yenicie itunganan, mam ekoto ooni acamun ebee ngun nu apotu kesi iswamautos adolito. Ipedori ooni amisiikin ebe nu apotu kesi iswamatos aroko / ebucara konye ejaun ooni aitim kesi kwape kwangin. Mam erai naarai apotu ooni etimoto yenicie itunganan apolouke ebe icamakit oni kesi ainyikokit aitipipilenen / aimusungenen oni. Aitim mam erai ooni aiteikit iponesio lu itipipilitos arai bo lu imusungunete.
- **Aimurokin.** Apakio acie ne idauna oni aitim mam epatana oni aimurokin apipilu ngin atipet na aponi itodoikin ooni toma. ibusakinit ooni ainyikokit aitmenen yenicie itunganan nepe igeari ijo apupun anyunyura, itim ngesi.
- **Aisoswaikit bala mam ngun epolok da.** Ne itimio ooni yenicie itunganan, mam ooni ibala ebee nu apotu kesi iswamata eraasi nu ejokuka, arai bo nat ebe mam ngun apotu ikumutu ooni. Konye ibala oni ebee karaida apotu kesi imusungata / itipipilata ooni, iseuni ooni aitojokaar aitim kesi. imunokina ooni Edeke iswamaanaros ka yenicie itunganan ngin.

Aitim **ERAI**:

- **Asekunet na itojokaari oni aiswamaun.** Erai eipone lo acamun aitim naka Edeke kanuwok ido orai kotoma ariimaarit Ngesi.
- **Aitereikin kede aibucaret na aponi kiswamaunai.** Ibusakinit ooni amisiikin ebe abu yenicie itunganan iswamau ibore yeni arono mama ijai oni, ido apotu ngun itipipilata / imusungata ooni, Konye iseuni ooni amamus asalakin toma aitipipiluna ngin.

- **Amunokin Edeke iswama kotoma aijar naka lucie.** Ooni acamakin Edeke oyangau aitepesenet kasodete ooni aitim karaida eroko yenicie itunganan ijulakina.
- **Ajalakina ngesi ngon / arai ngin toma akanin nuka Edeke.** Kwape itimio ooni, itapalauni ooni apedorosio wok nuka enyangit arai bo nat nu aipudakin itunganan ber aige aijulakin eroko oni itimo. Konye do icamakini ooni Edeke alecor / arai aijulakin itunganan kwape ekotor Ngesi.
- **Acamun atwanare naka Yesu kwape etacit kanuka arokisio kere.** Akaulo na idauna ooni aitim itunganan, mam edolit ooni aicebokite aisiitinikin itunganan nu apotu kesi iswamautos kasodete aitwasam nen kanu kesi apatanikin aishwamaikin ooni ibore yeni ikoto ooni.

Epedori aitim korai na etiono, noi noi kakere arai teni itipipilit / imusungit itunganan ngin ooni. Ebalu Ebaibuli isiitikit oni ebee itimi ooni kolomunite kotoma aisialamikinet kanu iswamaikit edeke ooni, mam erai bee naarai arai itunganan ngin yeni “ebusakinit” aitimio. Ne itimia oni mam ooni ibala ebe nu apotu kesi iswamaata ajokuka, konye ibala oni ebe iinakina ooni acamakin Edeke oraun ekatubon kosodi aitojokaar eipone lo ekotor aishwamaanaror kede aswamusio kec.

AOMOOM IJO ILOPET BON

- Nunyoika aomisio nu itetiak nu isisiau ijo nu ikamunitos aitim?
- Koipone aani ipedora ijo aibwaikin toma aswamusioit nu isisiau ijo kotoma odukone kon osabiiti kalo etupakini?

Adokena Nutupakina nuka Aitimio

AIMOR AITAMITAM OGURUPU LO EPOL

Nutupitono Kanu Esisianakinan: *Kosiom Akirot naa Kwa itatamutere:*

Apasit Adam ka Keba noi akaulo na kesi adaun apaaraan kere eoja kwaen omanikor. Ageun na enyamata araito naka ekitoi lo ecorakit Edeke kesi mam ainyam kotoma, esubit bala apotu oraunos lu apegananasi isawan kere. Kotoma ageunet mam kesi asubitos bala lu etakadinikinos kanu aitegelinikinet kec, konye kotoma osabiitin iyarei bon apotu opegakinos kitoni amaus acamanar oboro kere. Akoto Adamu alosit aiyengun akaulo na adaun aswamu apaaran angin kere, konye akoto Keba kesi alosit airimor eilate aimaniman omanikor. Akoto Adam araito ainyam, konye Keba akoto ainyam idiyasio lu kuii. Akoto Keba kesi adumun iduwe, konye eyalama Adam ngesi asalakite iboyete bon kede Keba. Aminakit Adam ajotoo ne larong iteete aaceri, konye Keba akoto kesi ajotoo toma abuwa ne erapaara ne apesikitai akuwii nu niepuk. Luyarei lu kere, Adam ka Keba apotu itakadikinos ido apol epeget noi lo abu oyau iboro luipu lu etipipilete / emusungete kotoma koineri kec. Abu Keba koge aaimony, onyouni Adam alosit awai.

Kwa abu Adam onyouna alosit awai, abu omisiik ebe etipipil / emusung ngesi Keba kede akiro ke ka anyoun kama ejai ngesi. Abu ngesi kopup erono, konye etikadikina ebe mam Keba abu kocamu apupokin ngesi karaida aitam amisiikin nu akoto ngesi arai bo nat nu aminakitos ngesi. Abu ngesi oomite ebe “abu ngesi aremo eong awai koipone lo amamus apupokin eong, aso kwana ejeni ngesii kwa abu eong apupuna.” Abu Adam opupu Edeke itepeseni ngesi kanu ejautene loka aomisio ke lo aronon, ido abu kojenu ebee arai abeit. Abu kogwou kosodi aiboikin kwapu, kosodi ailip:

“Wu Edeke, ajeni eong mam eong etodiarit amina karaida asianut naka etau mama ejai Keba. Acamunit eong ebe akoto eong ngesi da apupun apipilu kwa abu eong apupunia ido abu eong etei ebe ajokuka nu abu eong eswamaik nges. Abu eong ebuca ido ejautene loka aomisio ka mama ke arono. Wu Edeke, biyai ijo itimi eong kosodi aingarakin eong aitim Keba? Ajai eong amunokina ijo aswamu otauke loka Keba ido mam eong abuni ainyangar kanu iboro lu abu

ngesi iswama lu apotu itipipilata / imusungata eong. Wu Edeke, biyai ijo ingarakini eong aipal apipilu / amusunget na apupi eong? Mam eong arai akatubon ke. Erai ngin aswamu kon, wu Edeke. ingarak eong enyeki arautu lo apupi adwaris otauca karai aitikadikina. ingarak eong aitim ngesi kosodi itangaleu aimusungununa / aitipipileta nu ijaatatar iso. Wu Edeke ingarakinai eong araun eipone lo ekilokit lo ikoto ijo eong araun ka isio ajaun ka edukone lo ajokan. Eyalam noi Papa, kanu aitim eong ka aingarakin eong aitim Keba kasodi amina ngesi ojokan ageari lolo kitoni apakio kere nu oingaren.”

Obongo Adam ainerakin nepepe ka Keba....

isiitikit ooni aitatamuunet na ebe kanu aronis nejai toma akwapu, ibuni oni ajaun kanu etioko ido ipedori oni aitipipil itunga ngun da lu imina oni. Adam da etodiki oni adokena nu aitim nu ibusakinit ooni aitor toma ne itipipilai / imusunga yenicie itunganan oni.

- Nunyoika bo icie oboro lu abu Adam iswama tetere epedori aitim Keba kanu aitipipilet / aimusungio na apupi ngesi otauca?

Adokena Nutupakina kanu Aitimio

Nutupitono Kanu Esisianakinan: *Itwsam Eitaabo Loka Esisiak – Adokena kanu Aitimio einer nu ikamunitos angin adoketait. Akaulo na aitor adokena, itoduu / itacau eipone lo abu Adam kotoma aitatamuunet iswamauna / arai bo nat lomam ngesi abu iswamauna adoketait naa. Kosodi ingarak aitacaun idio ibore yeni mam kesi ejenutos / emisiikinitos nuke ojokan.*



Arai erai aitipipilet / amusunget na idumunit ijo na adite, apolouke emina opatanik ijo aitor toma adoketa nuu. Arai erai aitipipilet / amusunget na epol noi, apolouke emina oyangaik ijo apak noi itorit ijo toma adoketa nuu.

1. Ocamu amisiikin ebe nu aponi iswamaikinai ijo mam araasi nu ajokuka / mam ebecokina.
2. Ocamu angin anyunyura kere na abu ijo itodia ka eipud kon lo aitipipil yenicie itunganan.
3. ilipi Edeke ingaraki ijo aitim yenicie itunganan.
4. Koseu aitojokaar amamus aiswamaun enyangit.
5. Ocamu aipal eipud kon lo akoto aitipipil / aimusung yenicie itunganan.
6. Ojalakina aswamusioit naka etube mama ejai Edeke.
7. Olimok / ilipi Edeke olema awai adwaris adio kere ka aitunyurikina kama kon.
8. ilip Edeke itangaleu apipilu kon ka numam ajokuka kere nu opotu iswamaikinos toma aijara kon.

NEPEPE KA IPAUPA (Mere kede Na owaikon / Lo owaikon)

- Aanu bo kotoma adokena nu aitimio nuu etionikitos ijo kakere?
- Nunyoika bo ti ingarakisi ijo aitapatan adokena nuu?
- inyoin bo idiope ibore yeni ibusakinitor ijo aitimia amucalata kon / arai ejakait kon?

Arai mam ijo ipedori aoomoomun idio ibore yeni ikamanara nepepe ka na owaikon / lo owaikon, aso ooomoom nu ikamunitos icie itunganan yeni aticepak abu iswamaik ijo numam ibusakinito. Arai mam ijo ipedori aoomoomun idio ibore, aso do ilip kaililinga kanu angun lu itoritos toma ojautene kalo.

AITEMUN AIREREOR NU ADAUN AISISIA

Nutupitono Kanu Esisianakinan: *osiomanak Esisiak angin adiopet kotoma adoketa ikeute eporoto kon noi kuju olimok lu ajaasi asisian naa kere omudukitos. idauni ijo asiomun angin adoketait, ililingik adaun adakika adiope eroko esiomuna bobo acie tetere lu ajaasi asisian edumunete apak aoomoomaar angin adiope ka akiro kangun. Ne idauna ijo asiomar adoketa nuu kere 8, ilipak egurupu ebe opedo Edeke*

elemar awai apipilu naba kobu kanuka amamus ayaiyo ejok kanu iswamainikitai erono nu adautu kesi angetakisi aitim.

Omodukoto kosodete apupokin ido oomoomoi nu ikamunitos aitim akaniberu arai ekilenikon kwape ipupokitor ijo angin adiopet kotoma adokena esiomio.

Ogeutu Bobo Nepepe

AIMOR AITAMITAM OGURUPU LO EPOL

Kosiom angin ekokoro kosodi aseun akirot na epol kotoma angin ekokoro:

- 1 Ikorinton 13:4-5 – Amina engirikinit iboro kere, mam idari akiro nu arokok nu iswamaikitai
- Yakob 5:16 – Alimonosi aitoronikin adikanareta wok, elipanakinok bonik ka bonik asodete aitodikit yenicie wok asianut
- Ipilipin 3:13 – Kemurokinitos nuka okau, kapodokitos aomoom nuejaasi iingaren

Ne idaunia ooni airereun nejaasi aitipipileta / amusungeta, abilakin ailip aitimio ka aitim, apolouke ebe ekoto ooni ainakinok aitegeari bobo ka yenicie wok. Etiono aitor toma oiswamae loo, kanuka angun ekoto ooni aisinapikit ka ailipanakin yenicie wok bonik ka bonik. Kasodete konye, aiboisit na aitoonor nu apotu iswamaunos kokau, ibusakinit ooni apodokin aomoom / asesen nuejaasi iingaren.

- irwana mwasai idilar ijo aitalaenen ariri naka etogo kon?

Kwape ejaar aitalaunun etogo, ibusakinit oni aitalaunun aimusungeta / aitipipileta kotoma odukone wok ka kotoma oidicasinei icie da kangin duc. Arai mam ooni italaununei aimusungeta / aitipipileta ngun duc duc, etukunos kosodete ayangaun ationis naepol noi amunaun eidicane wok! ingarak edukone kon asalakite egogong koipone lo ijo aanyun ebe iducokini ijo atupenen nu ibusakinito nuka aitim ducu duc.

Nungetakinet

Nutupitono Kanu Esisianakinan: Itemutu airereor ibore yeni erai aitim ka yeni mam erai aitim. Kosodete airereor adoketa nutupakina kanu aitim. itemutu airereor adoketa nutupakina 4 kanu Aisiteteunia iidicasinei lu Amunaunos. ingitu arai ejaasi bobo adio aingiseta nu iyatakina nu ejaatatar kesi.

Kotoma Aisisiaeta aarei nu adaunos, apotu ooni eneritos nu ikamunitos iwaiting iwongon lu itemunet aisiteteun iidicasinei lu amunaunos. Biyai ijo itunit aanu bo iwait ngun?

- 1 – isisiau amisiikin aitipipilet / nu imusungito
- 2 – Obilakin ailip aitimio ne itipipilia / imusungia ijo aomisio nuka lucie
- 3 – itim itunga lu itipipilito ijo / imusungito aomisio kon
- 4 – Ogeutu bobo Nepepe

Akaulo na idauna ooni aswamu iboro luu, ibusakinit oni kapodokitos aomoom nuejaasi iingaren mere nu atuboros kokau. Ibusakinit da bobo oni aanyun ebee itori oni adoketa nutupakina neduc itipipilia yenicie wok bonik ka bonik. ibusakinit oni amunokina Edeke aingarakin oni neduc itolosio oni nuu.

OGURUPU LO EDIT / ARAI AILIPAKIN NALU EDUKOKINA (Epedorete Lu Edukokina Aimor Ailipi naa)

Kotoma Ogurupun / arai bo nat kede na owaikon / lo owaikon, ilipakinok bonik ka bonik. ilipa Edeke aingarakin yesi aitim lucie kwape abu Ngesi itimia ijo. ilipata Edeke aitagaleun iidicasinei kus koipone lo atupakinit aswamaenen nuka aitim.

Asisian 5: Aitigogong Edukone Kon

Akiro Nu Epolok

1. Kanu Aitodiar amina nejai yeni owaikon, ibusakinit oni ajenun iponesio / iwaitin lu epupio to kesi aminunio noi.
2. Ne ilipiata lu edukokina nepepe, ibwaikinete Edeke akidingot naka edukone kec.
3. ibusakinit oni itilingite (*aibwaikit kesi kwape lusodit*) yeni owaikon kama ejaasi lucie itunga, naarai toma odukone eraunos itunga iyarei ipe.

Iboro Lu Itwasama

Eitaabo Loka Esisiak:

- a. Angajepa Akany nuka Amina (*Akiro Akany Nu inerasi Amina*)

Nuitegearete

AIMOR AITAMITAM OGURUPU LO EPOL

Nunyoika iswamai akeran / Abolobolon arai ekoto agogongor ka abolia ojokan? (*Na aanyunet, aitetemoonor, ainingenen / adakunun iboro lu elangir, aswamu agogongu*)

Iswama kwape kwangin kotoma odukonesia wok. Erai edukone ainakinet naejok naebunit kama ejai Edeke, ido nejaatatar ikiliok ka angor imorikikina ogogong noi kotoma odukone, epedorete aswamu iboro lu epolok noi kotoma aijaanakin ka Aitopoloorite Edeke. Ejaa ngun da, kanu nuu aiswamaun, ibusakinit idukonesia wok oraasi lu egogong ido ongaleikitos. Aituluor edukone lo egogong ido aidarite ogogong apakio kere nuka aijarakus eyangaikini aswamusioit na egogong noi. Kotoma Asisian kana, ibuni oni asesen iwaitin lu egelegela lu ipedori ijo aitigogonga edukone kon.

iwaitin 3 Lu itigogongoet Edukone kon

- Itodia amina konShow
- Ilipenenete Nepepe
- ibwaikinete Yeni owaikon orai yenisodit adepar lucie (itilingite yeni owaikon adepar lucie)

Nutupitono Kanu Esisianakinan: iwadikaik iwaitin 3 Lu itigogonget Edukone kon Abaoi / arai Apapula na epol olal.

Itodia Amina kon

AIMOR AITAMITAM OGURUPU LO EPOL

Angin itunganan kere ekoto aipup aminunio. Arai isisiau ijo aitodiar amina kon nejai yeni owaikon, ebuni aitigogong edukone kus.

Nutupitono Kanu Esisianakinan: itetemik kesi akirot na itatamuutai naa.

Adaunitos Caleb ka Tamar ikaru 7 kotoma odukone. Eroko kesi edukokina, ayangainikinete apak kec ejaasi nepepe. Alimonokini duc Caleb Tamar eipone lo ebusiar ngesi kosodi Tamar da alimonokin apapero /ipapeo ke eipone lo esianar Caleb ke atemelel da. Ne adukokinotor, akoto

Tamar aijaikite okilenike iyalama, kanuka angun, abu italaununei etogo ka aipoo inyammat angin apaaran. Akoto Caleb arautu ekilokit lo ajokan, kanuka angun, abu iswamaenenei adaun isawan lu epu kanu aituduminikin Tamar ka aanyun ebee ajaatatar ngesi iboro lu epuda. Akaulo na ikaru lu eyatakina, apotu odumutu iduwe kosodete iboro aijulakin apoloor asamu. Ne duc abonguna Caleb ore edau aswamu, akoto adumun apak aiyengaun ka ailajaar. Acie apakio, amina ngesi alosite aurianet acie okanisa / arai bo nat alosite aingarakin auriak ke. Otwaniaari Tamar apak na aminasi kesi ayangainikin ejaasi nepepe eroko kesi edukokina. Karaida erai nepepe kede iduwe iwongon, abu ngesi kopup ebee araun da kwana ngesi bon. Amamei idio kakesi kere arai Caleb arai Tamar yeni eyalama kotoma odukone kec, konye aomitos bala erai kwape kwangin ejaununor ebe emameun amina kanekec kanu ayenicie bonik ka bonik mere kwa kana ajaatatar ileum sek.

Kana Esabiiti, enera ecokon nu ekamunitos edukone kotoma okanisa. Abu iner eipone lo ejokiar aitodianar aisialaminikineta ka amina mama ejaasi lu idukokinar ooni. Abu kotema ejaasi iwaitin ikany (5) lu epedorata ikiliok ka angor aswamu nuu – aijaanakin yenicie kon, alimunun iboro / akiro nu ejokuka mama ejai yenicie kon, ainanakin ainanakineta nupo didik ngun, Atironor / atingiting ka ayangainikin apak na ipeleikit ijo kanuka kayenicie kon yesi bon nepepe. Abu koinak ainingosit mama ejai angin itunganan kere aitam aswamu ingin idiope kotoma iboro kalu mama ejaasi lu edukokinatar kesi kotoma olap ediope lo etupakini kosodete aanyun nu etupakinete.

Apotu Caleb ka Tamar ocamanaros aiswamaun nu abu ecokon isisianakite kesi. Apotu ogeasi aitam iponesio lu itetiak. Adiope apaaran abu Caleb ogwelu aturo osokooni kosodi ayangaun ore ainun Tamar. Abu Tamar isialamik Caleb kanu aswamu agogongu noi kwangen aigangite ekale ke. Abu Caleb ogea aingarakit aidarite ka aitemonokin iboro lu ore / lu otogo kangin abong. Kogeari Tamar aiyogaenen Caleb angin apaaran na ebonguna ore akaulo naka aswamu nepepe ka ainuu. Akaulo na elap ediope lo atamanar iwaitin lu itetiak lu itodiaret amina kec ka aisialaminikineta, apotu Caleb ka Tamar teni bobo itemutu ainumunum edukone kec. Aponi itemunai aisiteteun amina kec kitoni kesi apupun bala imugolen bobo lu awenete epeeta pacupacu eyapie apak.

- Nunyoika apotu kesi isisiautu kotoma okanisa nu ikamunitos iwaitin akany lu itodiaret amina?
- Lunyoika icie owaitin lu etebeinikina lu apotu Caleb ka Tamar itodinikinatar angin idiopet kakesi amina kec bonik ka bonik?

AIMOR ATAMITAM OGURUPU LO EDIT

Aiyeiyea na ijo aidarite amina kon ojari okwenyi ejok kotoma odukone kus, ngesi ijo aisisiaun aitodiar amina kon kotoma oipone lo epupuna na owaikon / lo owaikon aminunio. Kotoma Oitaabo ke Gary Chapman lo anyaritai Angajepa Akany nuka Amina - *“The Five Love Languages,”* itetemit ngesi iwaitin 5 lu idilas lu epupioto itunga aminunio.

Nutupitono Kanu Esisianakanan: Osioma toma Oitaabo loka Esisiak – Angajepa Akany kanu amisiikina aitegelinikineta 5 nuka angajepa nuka amina kosodi aomoom iwaitin 2-4 lu itebeikina lu ipedorita ijo aswamu nuu kotoma odukone kon elopet.

Angajepa Akany Nuegelegela

Egelegela itunga ido ejaasi ka iwaitin lu egelegela lu ijauniata kesi amina. Arai itodia oni amina kotoma owai lo itegelikina kama ejai eipone lo epupiata yeni owaikon aminunio noi kakere, apolouke esubit bala inera oni angajep na itegelikina mama ejaasi kesi ido aticepak, mam eminasu opuputu aminunio.



imina oni enerasi, konye mam kesi emisiikitos. Arai ikoto ooni ainerakin ka yen owai wok (*okilenikon / akoniberu*) apolouke ekoto ooni einer angajepe kec. ikoni kwape kwangin ka Amina da, ekoto ooni aisiaun angajep naka yenicie wok naka amina tetere oni ipedori aitodiar amina mama kec koipone lo epedorata kesi amisiikin kojokan.

Aiyeyea na ijo aidarite amina kon ojari okwenyi ejok kotoma odukone kus, ngesi ijo aisiaun aitodiar amina kon kotoma oipone lo epupuna na owaikon / lo owaikon aminunio.

Ejaa angajepa Akany nuka Amina nu Egelegela. Angajepa. Kosiom angin adiopet kakesi kosodi aomoomoun nuka 2-4 owitin lu itebeikina lu ipedoria ijo aismamaun nuu kotoma odukone kon ilopet.

1. **Aijaanakin Yenicie kon** – itunga icie epupunete aminunio noi arai iswamaik oni ikulepek kesi iboro ngun. Epedorete lu oraasi iboro lu epataka - (*konye ejai apolou kec*) kwape nat aitalaun etogo (*aiputun agoola*), ailot asaanin, igoen, arutonor eduwan, apiyar alaro kacie da.
2. **Akiro Nu itojokaaritos ngesi** – itunga icie epupete aminunio noi ne inerar oni iboro lu ejokuka mama ejai yenicie wok. Eminasi oraasi aisimanareta kwape nat, “ijeni ijo aipoo noi,” arai bo “ijaasi ijo ka itima lu ibusiak,” arai bo “irai ijo toto najokan.” Eminasi oraasi akiro nu aiyalama arai bo nat akiro nu aisilamikite kesi: “Eyalama aipoo inyamat lu abong.” “Eyalama aswamu kagogongu noi kanu aitudumikina ipudesia luka okale.
3. **Ainanakineta** – itunga icie epupunete aminunio noi arai ijainikini ooni iboro mama ejai yenicie wok. Mam ainanakineta iburai oraasi nu epol ebei noi arai bo nat nu eyangaikinete isirigin. Emina oraun ibore yene epatana itorunit ijo orot ibonguni ore arai bo nat ainerasit na emai yenicie kon na iwadikaunit ijo.
4. **Atironoreta / Atingiting yenicie kon** – itunga icie epupete aminunio noi kotoma atironoreta / atinganakin ka kesi. imoriaritos nu iboro kere agear aitingite yenicie kon akan iupasi, aijaun kainu, arai aisimarite ararapaar itima kayenicie kon.
5. **Ayangaikin Apak Na ipeleikit Oni Ber Bon** – itunga icie epupunete aminunio noi ne iyangaikina oni apak naepol ejok nepepe ka kesi. Mam na ekoto orai ebe ijaa oni kere toma agoola adiope konye eswamaete iboro lu egelegela angin itunganan kanuke bon. Ekoto orai ebe ipeleikit oni ainakin yenicie wok apak na erai kanuke bon komamei adio aitolitolet. Kotoma ekalia wok lu epol aswamu, eari apolouke ebee oni aupa nepepe asakasakaete eilate moti- mot amorete eipone lo alositor apaaran na angin idiope kaoni.

imina ijo isisiau ebe ecamanara na owaikon / lo owaikon kede angajep adiope naka amina noi noi adepar nucie. Angin itunganan ejaasi ka aisimaanareta kec ikulepek. Otamak aisiaun aani bo kotoma owaitin kangun lu aitodiar amina erai na iriamara kede etau kana owaikon / kalo owaikon kakere kosodi inyikokin aismamaenen eipone kangon noi noi odukone kus.

INYAKUTU NU IMORATA YESI / ERIPOTA

Nutupitono Kanu Esisianakinan: Olimok angin egurupu aimor acie aomisio nu ibusakinit atupakin koipone lo aitodiar amina kanuka angin adiope kotoma angajepa 5 nuka amina.

Arai ikoto oni edukone lo italakaara, ekoto ooni aanyun ebee lu owaiwok kanu owaiwok epupete aminunio. Karaida mam na owaikon arai lo owaikon ejai aismamaun idio ibore, ne igeara oni aitodiar amina mama ejaasi kesi kotoma owaitin lu eminakitos kesi, epote aisialamikin ngun. ido itiuni ijo aitiun ebe epote kesi da aitoduun aminunio ka aitimio mama ijaa oni. Arai mam kesi epupunete aminunio, epote arautu nu etioko aiboio / arai lu etioko aiboio ido da opatanikite kesi aitaadikin kaoni.

AYANGAIK APAK IJO BER BON AOMOOM NU ISISIAU IJO ARAI KEDE IPAUPA

Arai ikoto oni aitodiar amina mama ejaasi lu idukokinar oni kotoma owaitin lu eminakitos kesi noi kakere, apolouke ibusakinit ooni aisisiaun ka amisiikin ewai bo aani lo aitodiaara amina iriamara noi kakere kanukec, kasodete ainyikokin aiswamaenen kwangin.

- Oomoom nu ikamunitos na owaikon / lo owaikon nunyoika esubitos kesi bala eminasi noi kakere / arai isialamikinitos?
- Lunyoika bo icie kotoma owaitin lu itetiak lu ti ipedoria ijo aitodiara amina mama ejai na owaikon / lo owaikon kwape kwana? (*arasakinio eitena*)?
- Oomoomaata nu ikamunitos yesi ikulepek. Aani bo kotoma owaitin lu aitodiar amina lu isimaarit ijo / ecamanara kajo? Aanu bo iboro lu iswamaenenei na owaikon / lo owaikon lu ijaikitos ijo aipup aminunio noi kakere?

Arai etiono ajenun ibore eminakit lo owaikon / arai na owaikon, ipedori ijo aitam aitetemonor. Adaun elap ediope koseu adiopet kotoma angajepa akany nuka amina kosodi aitetemonor aiswamaenen aitodiara amina koipone kangon. ikoni bo aai ejaune ke? Arai emamei aijulakinet, otam bobo angajep naka amina acie. iyatak atamanar angoli elap aitodol ne iwanyunia ijo acamaara kama ejai na owaikon / lo owaikon.

ilipenenete Nepepe

AIMOR AITAMITAM OGURUPU LO EPOL

Kosiom Ekalimonokinan 4:12. “Auno da naicipitai kauni mam engeda atipet.”


Apirianut bobo acie na epolok nuke noi kotoma adukun edukone lo egogong ngesi aimor ailipenen nepepe. Ne ilipenena oni nepepe, ibwaikini oni Edeke akidingot naka edukone wok. Mam Edeke alosikit ebe ikiliok wok arai angor wok kesi ti epote aisimonikin ipudesia wok kere. Arai ipudakin oni ikiliok wok arai angor wok amisiikin oni ojokan noi teniteni kosodete aisimonikin ipudesia wok kere, akecepolou ebe ibirori oni kasodete aitipipilunun bonik ka bonik. isubunitai oni kanu ajaun toma oidicane nepepe ka Edeke — Ngesi bon epedori aisilosikin ipudesia wok kere.

Nutupitono Kanu Esisianakinan: inomak aputo naa toma abaoi arai apapula na epol noi olal.

Ekoto edukone oputoorite kwa aputo kanata:

- Ekilokit erucokina eitena mama ejai Edeke
- Aberu erucokina eitena mama ejai Edeke
- Ekilokit ka aberu erucokina mama ejai yenicie ke

Eipone ediofet loepol noi lo epedora Edeke ajaun akidingot naka edukone ngesi ayangaikin apak aimor ainerenena nepepe ka Ngesi kotoma ailip yesi kere iyarei ka idiope diopen da.



Ailip nepepe ingarakini ekilokit ka aberu aitigogong edukone kec. Ebuni aingarakin aanyun ebee edukone lo iyalamana eyangaikini apak naka aijarakec kere. Kwape ilipia oni ipedori oni aimo ajenun akote naka Edeke kanuka ainingosia nu itereikinor oni ka asekununeta nu ilosi ooni aitojokaanar. Ailip da bobo ingarakini oni kere luarei aibwaikin ka agongakin amunokina wok mama ejai Edeke.

Nee ngesi ejai acie kotoma aicoretait kanu yesi apedor aimor ailipenen nepepe:

- Oseutu apak adiope na imoratar yesi ailipenen nepepe kosodete airic ailip apak kangipe-kangin

duc. Kwape aanyunet, Nepe ikwenyunete yesi, arai bo eroko eloto apero arai bo nepe edaunete iduwe alosit osomero.

- ilipenenete kangin apaaran. Ejok aitam ailip karaida erai idakikan 5 apaaran, atia ailip adaun atutubet naka esawa (idakikan 30) irwana tipet elap.
- itegeasi kede aimala Edeke kanu ayenicie kon bonik ka bonik, aimala Edeke kanu edukone kus, ekale kus aswamusinei kus, Kacie da.
- itwasamata apak naa kanu ailipia kanu ipudesia kus idiope diopen, mere ipudesia luka akwapu kere.
- ilipi idiope opupokite yenicie ngesi ilipi, do bobo yenicie da kwape kwangin. Ailip na acamanara.
- Koanyutu ebe ilipete yesi mama ejai Edeke. Siri itwasamata ailip kus aitam aijulakina yenicie itunganan.

ibwaikite Yeni idukotor ijo Ogeikite Lucie keere

AIMOR AITAMITAM OGURUPU LO EPOL

Nutupitono Kanu Esisianakinan: Osiom / Arai itetemu Akirot na itatamitai kane.

Ajaasi Caleb ka Tamar aisisiaun aitodiar amina kec mama ejai yenicie kec kowaitin lu ajokak noi kakere. Konye akuware adiope, apotu ojaunos kede epeget lo apol noi kosodi Caleb onyoun ore alosit eilate kede ipapero ke. Abu Tamar onyunyurikin noi. Abu epeget lo ogear ne alimokina ngesi aberu ke ebe abeit ngesi alosit adaun apaarasia 4 aipejokin lucie itunga lu okale kec. Abu Tamar itetematik lo owaikie ebe ikoku kec yeni ilapio 4 edeka ido mam epedorit ajoo. Abu ngesi olimok Caleb ebe kotoma abeit epuda ngesi lo owaikie ojai aingarakite ngesi ore kede lucie iduwe kede da aitemonokin amisirin tetere epatana aira edolu apak. Abu Caleb obongok ebe ajai icie itunganan kotoma kalu okale kec yen adeka, kanuka angun ipudakina ngesi alosit kanu aingarakin kesi.

Obonguni Caleb ore ikuware noi aparangin. Abu olimok akebeberu ebe adautu ngesi einer kede ipapero ke nu ikamanara kede ejautene epeget lo ajauna ore. Apotu kesi ocamutu ebe ekoto ngesi alosit aipejokin lucie itunga lu okale kec. Kanu angun abeit ngesi anyoun alosit tupurucu iwala akwapu. Kwa ajaari Tamar iboyei aitanak imukeru kec, ajai ngesi acamun ebe itei ngesi apodo lo owaikie noi noi lucie itunga lu okale kec. Konye abu ngesi kopup ekokote — kanuinyo mam ngesi asesena ebe epuda na owaikie da ngesi ajaute ore aingarakite aidara ngesi? ingai bodo alosi angarakin ngesi?

- Nunyoika apotu iswamaunos kotoma akirot kana itatamuutai ?
- Biyai akiro kanu iswamasi kotoma atutubet kana da ?
- Nanyoin bo ationis ajai?
- ingai bo iwomit ijo ebucarit? Kanuinyo?
- Nunyoika ti iswamau Caleb kanu aibwaikin akeberu kwape nasodit?

Eroko ekilokit ka aberu edukokina, angin itunganan erai yen ebeit okale loka auriaka ke. Ne edukokinotor luarej, itegearete kesi ekale loitetet.

Kotoma oitaabo loka Marako 10:6-9 inherit Yesu ijulirate ekokoro lo ejai oitaabo loka Ageun, ebe ejalakina etunganan Papake ka Totoke, ido eraunos luarej adiope akuwan; abu da bobo ngesi kotema atiar, “Kanuka angun, lu adau Edeke aimorikikin nepepe, inyek ido itunganan aitiak.” Isisianakinete ikokoron lu ooni ameda naka edukone loo loitetet. Ijulakini ekilokit lu ibusakinit ngesi aisingarenit kotoma aijarake kanyoun okale kalo omojong kitoni okale ke loitetet. Erai ngesi lo ebeit nasodit kakere arautu lo epodokit akeberu ka ikeduwe.

Mam na erai ebee oni aitanang aigangakite ka ayongite auriak wok ka apodokit itunga lu okale wok kwape nat auriak luka auriak wok (Lu Akwaru, lu Atata ka inacan wok) (*idio kangun lu ejaasi okale lo itanyanyaara okale wok.*) (*our extended family.*)

Kosiom 1 Timoteo 5:8.

Naarai kotoma odukone eraunos itunga iyarei akuwan adiope, ibusakinit oni aibwaikin na owai wok / arai lo owai wok arautu yen itegeit oni kama ejaasi lucie itunga. Konye mam ekoto oni aitapalaun / amamus apodokin ngun lu ejaasi okale lo itanyanyaara luka kalo okilenikon / arai luka okale loka akoniberu. Eidicane loka ekilokit ka aberu ngesi epelu loepol kakere lo einakit Edeke ooni. Kanuka angun, erai apolouke ebe ekoto ooni aisisiaun aisingarenit / itaraun okilenikon / arai akoniberu arautu lusodit ber, konye komam itapalauni ngun lu okale lo itanyanyaara luka okale loka ekilokit ka luka okale loka aberu.

- Kotoma akirot naitatamuutai, lunyoika icie owaitin lu abu Caleb ibwaikina lucie kwape lusodit aitelekaar akeberu?
 - *Abu ipejok ipapero ke aiboisit na asalakin aingarakin akeberu*
 - *Abu ocamak ipapero ke aitojokaar asekun arai ibusakinit ngesi alosit arai mam, aboisit na ngesi aitolomuun asekunet ke kotupite ailipa naka akeberu.*
 - *Abu onyou alosite eilate kede ipapero ke, aiboisit naka apaikin aingarakin akeberu nepepe kede ikoku.*
- Nunyoika acie kotoma owaitin lu eraasi aanyununeta lu iminar ooni aitarauun lucie itunga kwape lu epolok nukec noi aitelekaar nu ikamunitos nuka kalu okalia wok (okilenikon / akoniberu)?
- Koipone ti aani itojokaara Caleb akeberu ber kwane na epolok nuke kakere, ido oroko itodiarit apodokite ke nejai itunga lucie lu okale kec?

ipu iwaitin noi lu ibusakinitor oni aige apodokite nuka ikiliok wok arai nuka angor wok kotoma aijara wok. Lolo ilosi ooni asesen iwaitin ber iyarei bon.

1. **Apak** – Mam ne erai apolouke ebe ooni ayangaikit apak kere iboyei kakesi, konye arai ipudasi kesi aingarakinio wok, ooni aitegee nukec aitelekaar nuka alucie itunga.
2. **Aitojokaanareta / Asekununeta** – Ne idukokinor oni, itolomuuni ooni aitojokaareta wok arai kalo owaikon / kana owaikon, arai bo eitoritos nu abu ngesi adaunite alimun kotoma akirot kangin. Aitojokaanareta nu ikamunitos ekilokit ka aberu mam ibusakinit orai itunga icie itolomununete. Ekoto aberu ojai eporoto toma akiro nu ejakai aitojokaar aitelekaarit lucie itunga, ido ekoto ekilokit acamun ayongakin akeberu kotoma aitojokaanareta ke keere. Erai lo eipone lo itodiarit “anonokikin bonik ka bonik kotoma ayongite Krito,” kwape ejaar kotoma Ipeson 5:21. Asekun aitojokaaret naejok erai na itolomuunio kotupitete aimor einer lo ajokan, airereor ka acoite noi, ka ailip kama ejaasi luaree kere ekilokit ka aberu.

Nutupitono Kanu Esisianakinan: *ingarak egurupu amisiikin ebe erai ibore yen epol noi kesi aijulakin agwoetait ka ajenunio kec nepepe ka ipelueik kec idiopie-idiopen anyoun kama ejaasi ikalia luka auriak kec, kwana mama ejai yen edukokinatar ngesi ka ekale kec lo itetet. Ingarak kesi aanyun ajokis na aitegear ekale lo itetet kosodete aisingaren yeni edukotor ngesi noi kakere aitelekaarit idio itunganan bobo kere okale. Kosodete do kesi kere nepepe kwape lu edukokina, ainyikokin ainakite ayongio ka angosibib mama ejaasi ikalia lu yarei – Ne elomunitor aberukon ka Ne elomunitor okilenikon. Ijaik kesi amisiikin akirot naepol mam erai kesi aitapalaun / arai aimorokin/ aijal ikalia lu elomunitotor kesi, konye aisisiaun aitegearit / aisingarenit okilenikon arai ekoniberu oboro keere. Aticepak iminasi yesi okotokinos aiyatakin aimor aitamitam akiro nuu noi kosodete adumun iwaitin lu isingarenit (ibwaikinet) yeni idukotor ijo orai yeni ipodokit ijo nuke kakere **IDO** komam ijali / imorokini / arai itapalauni ikalia wok lu ilomunitor ooni kotoma.*

- Koipone aani ti ijulakina amisiikinet na eipone lo ti abwaikina ekilokit ka aberu yeni owaike kwape yeni isingarenit ijo eroko lucie itunga?
 - *Ngesi kesi itolomuutu ekale loitetet lo ti egeete kesi aitojokaar ka apodokite nukec ka acamun apuponokin nukec ber kakere.*
 - *Kosodete do apodokin ka aidar ngun lu okalia kalu elomunitotor kesi luarei ka airanar aicoreta.*

AYANGAIK APAK IJO BER BON AOMOOM NU ISISIAU IJO

Oyangaik apak aomoom aanyunet adiope kotoma aijarakon otupitete angin adiofet kotoma owaitin lu ti ipedoria ijo aismawaun kojokan noi koipone lo aige aisingarenite yen owaikon eroko ber lucie. Kosodi konye, kangin aanyunet, ilipi Edeke kosodi ekaulo ilip lowaikon / na owaikon aitim ijo. ilip Edeke aingarakin ijo aijulakin ido iituute ebe epelukon losodit lo abu Ngesi oinak ijo erai mama ejai na owaikon / lo owaikon.

- Apak – Biyai ejaa apakio nu obu ijo ijaikina ipaperokon arautu lu ekamaaritos apak kon kakere aitelekaarit na owaikon / lo owaikon?
- Aitojokaanareta / Asekununeta – Biyai ejaa aitojokaanareta nu itolomuununit ijo komam ipodokit aomisio nuka kalo owaikon / nuka kana owaikon arai eipone lo eponiata kesi apupun arai isamaunos akiro ngun?

Nungetakinet

AIMOR AITAMITAM OGURUPE LO EPOL

Lolo apotu ooni asesenata iwaitin iuni (3) lu ipedoria ooni aitagogong idukonesia / idukosinei wok:

1. Itodia Amina kon
2. Ailipenen Nepepe
3. Aisingarenit na owaikon / Lo owaikon

Otamana aitetemoonor aswamu iboro luu kopaana tetere edukone kon da ebuni aicat agogongoor.

Asisian 6: Eraasi Angor Nuepol Ameda

Akiro Nu Epolok

1. Luarei kere ikiliok ka angor ejaatatar ameda naeriana naarai esubitai kesi kere kotoma aputo / asima naka Edeke kosodete alakun kesi kere kotoma Kristo.
2. ibusakinit ooni ayangaarite kasodeete ayaite angor koipone lo abu Yesu iswamator, karaida esubit bala itegelikina kesi noi kotoma oinono wok.

Iboro Lu Itwasama

Eitaabo Loka Esisiak:

- a. Angor ka Apesur
- b. Einono Loka Yesu Ka Eipone Ke Lo Aijaanakin
- c. Itunga Lu Atutubete Wok (Atutubet wok)

Akaadin Nu Melo / Nupiria Ka Nu Dos

Akipi ka Ibore yen inyamanara (Emugati, Ebiskuit.....) lu eponio akoranakin kotoma osawa loka Aswa-
misioit Naka Egurupu Lo Epol

Nuitegearete

ASWAMISIOIT NAKA EGURUPU LO EPOL

Nutupitono Kanu Esisianakinan: Okoranak akaadin nu dos ka Nupiria / Nu melo kwape ebeikina nejai itunganan. Kotoma aanyun ebe epote angor acie ajaun toma ogurupu lo dos ido icie ikiliok da ejaunos ogurupu lo melo / lopiria. Koinak idiope itunganan kotoma ogurupu lopiria / lo melo Aputosia nu isipedoritos asisian nuta: 6.1 Akiro Nutupitono Ogurupu Lomelo / lopiria:

"Olototo kau naka atukot kosodete aigwoo asesen, opupokitos ido iteikitos ejok kwa elosio asisian, konye mam inerasi. Eroko asisian egeara, okoranak akipi ka emugati (ibore yen nyamaara) arai esuit mama ejai egurupu locie je. Siri imatata akipi arai anyamar edio emugati kitoni aswamusioit naa angetakin."

Lolo ilosi oni aswamu iboro koipone kalo itegelikina mot. Angin itunganan olemu akaadi arai nados arai napiria (namelo).

Ngun kere luejaasi kede akaadin nupiria (numelo) olototo kau naka atukot kosodete aisiom nutupitono kus kwape egurupu. Ngun lu ejaasi kede akaadin nu dos, epaikinete nee kanu aimor aitamitam acie na etupakini.

AIMOR AITAMITAM OGURUPU LO EPOL

Kosiomutu angin akirot na iwadikatai kosodete aimor aitamitam arai icamanaros yesi kede akirot ngin / arai egirokinos. Ido kanuka inyo.

1. "Eraasi apesur egaraama mama ejai ekale kec."
2. "Mam ebeiti angor ajautu kede alupok arai adumun airumet."
3. "Eebo ejok aibunga aberu namam erimaana."
4. "Erai angor nu iteio ebeit aite - aite konye mam ebeit kesi airario."

Nunyoika acie kotoma akiro nu eliminuno nu iwomit ijo kotoma oinono kon nu itodiaritos nu egelegela kotoma kanu ipudakinai ikiliok ka ngun nu ipudakinai angor?



Nutupitono Kanu Esisianakinan: Otamak aoomoomoun nu ikamunitos aanyunet kotoma oinono kon, kosodi aisinyikoikin kesi da aoomoomoun nucie aanyununeta.

INYAKUTU NU IMORATA YESI / ERIPOTA

Nutupitono Kanu Esisianakinan: Olimok igurupun aimor akiro nu ewadikautu kesi kalucie. Kosodete aimor airereonor angin adiopet kotoma akiro kangun, kosodi aingitun angin egurupu arai ecamanara kesi kede akirot ngin arai mam kosodete aimor acie kotoma akiro nu mam kesi ecamanaratar ka akiro / alimununeta kangun.

AIMOR AITAMITAM OGURUPU LO EPOL

Kosiom Ageun 1:27-28.

itodikinit ooni ekokoro lo ebe luarei kere esubunitai kotoma aputo / asima naka Edeke.

itolomu aiwadikaet na imarimarit aitijenuneta nuka eipone lo itoduunit angor ka apesur itodikinitos ooni aputo / asima naka Edeke.

Kotoma Oitaabo 1, apotu ooni esisiaata ebee esubit Edeke luarei kere ikiliok ka angor kotoma aputo / asima ke Elopel naka Edeke. Arerengu naronon, ikisila luka oinonosio wok, ka nu ipudakinai mam iriamara kede ajokis ka ameda na abu Edeke ijaik nejaasi angor kwape nu esubitai kotoma aputo / asima Ke Elopel Obee

- Nunyoika iswamaunos arai mam aberu etupakini ikisila luka einono kanu ipudakinai?
- Koipone bo ti aani ejaikinotor itunga lu egitakina kotoma okale ke (ekilokit, auriak, amurak)?

ASWAMISIOIT NAKA AINGITINGIT KA AITETEMIKIN KESI NU ISWAMASI

Nutupitono Kanu Esisianakinan: olimok egururpu lo akaadin nupiria (numelo) abongun aimoriaikin kalu akaadin nudos. Ogea aingitingit aingiseta mama ejai angin egurupu kosodi aitolomuun akiro nungetakinet kotoma ogurupu otupitete nu apotu kesi koanyutu iswamasi.

Adaun adakikan nepetai 15-20 aponi olimokinai egurupu lo akaadin nu melo / nupiria aitup nu ecorakinitai kesi atupakin nu mam apotu isipedosi kesi aimoriaikin ka lucie aimor aitamitam ogurupu lo edit ka ogurupu lo epol da.

- **Egurupu Lo Melo / Lopiria:**
 - Koipone aani apupito nemam emorikikitere kesi toma aimor aitamitam kosodete da amamus acamakite eineri?
 - Biyai yesi ikotosi ti ajaikin toma aimor aomisio kus?
 - Apponi olimokin yesi akoranakin akipi ka inyamam mama ejaasi lucie, ido yesi mam apotu odumutu imodio ibore. Koipone aani apupito itawon aijaanakin egurupu lo dos, konye mam yesi ainyam?
- **Egurupu Lo dos:**
 - Ipupete bo yesi biyai kanu amamus aimorikikin lucie toma ogurupun ludidik ka toma aimor aitamitam na egurupu lo epol da?
 - Biyai ipotu yesi omisiikisi ebe mam locie egurupu je abu kodum akipi ka iboro lu anyamete? Nunyoika iwomit ijo kanu kangun?
 - Biyai ipotu yesi opuputu amamus ainapakina? Kanuinyo? arai bo / Kanuinyo mam?
- **Angin itunganan keere:**
 - inyobo asubit bala mam ajokuna kotoma kanu kere?
 - Nunyoika arerengusio nu aponi otwakiarai kanu amamus aimorikikin lu ogurupu lopiria (lomelo) toma aswamisioit?

Kotoma Asisian kana, ilosi ooni einer eipone lo iwomitor ooni nu ikamunitos angor ka apesur. Ibuni da bobo ooni asesen icie kotoma owaitin lu iyaitor ooni kesi lomam itoduunit ebe iinakit ooni kesi ameda ka aitubusikina

Abeit Na Ikamunit Angor

AIMOR AITAMITAM OGURUPU LO EPOL

Abu Edeke kosub luarei kere ikiliok ka angor kotoma apoto / asima Ke ojaasi nepepe ka Ajokis ka ameda. Luarei kere itodiaritos ejautene loka Edeke mama ejaasi akwapin. Abu Edeke kolimok luarei kere aileleb akwapu kosodete aipuga ka ayaite da nepepe kwape ikamorak luka aicorakinet naka Edeke.

Kosiom Ageun 3:6.

Kapotu Adam ka Keba kodiakasi koipone lo kesi aimwang Edeke ido apotu itereikinos ka akirosinei nu egelegela nu abu aronis kec idupo edoikinete kesi. Eidicane kec loajok noi, abu kotiaaka (abu komunaar).

- inyobo abu ijulakin kotoma oidicane ke Adam ka Keba akaulo naka kesi adiakar koipone lo aimwang Edeke?
 - *Apotu itoronanaros bonik ka bonik (angin idiope abu itoron yenicie ke).*
 - *Ekoto ti aberu ayaite ka aipuga ekilokit, konye ebuni ekilokit ayaite ka aipuga aberu.*
 - *Alosikineta nuka Edeke nu aimorikikina ka eipeone apotu komudiaros.*
- Koipone aani ejaikina adiakar / aronis ka abilibilun kotoma akwapu wok eawi lo eseseniata itunga ongor kotoma oinonosio wok?

Kosiom Igalatian 3:26-29.

- Luangai imarakitai kwape iduwe luka Edeke kotoma Kristo Yesu? (*Kere luejaasi ka aiyuun*)
- Ebala ekokoro lo ebee emamei bobo Eyudayat arai Emoiti, Ebulesit arai lo eosikina (Loijakakai), Lokiliokit arai Naberu. inyobo apaolou kanu? (*Ijaa ooni kere kede arerengu na eriana naka arautu iduwe luka Edeke*)

Kotoma Kristo epedorete luarei kere ikiliok ka angor araun iduwe luka Edeke, ikerumak luka aijar naka ikaru kere, ido luarei kere etemun kaileleba kere ainyakakinio toma oidicane nepepe ka Edeke.

Kosiom Aswamisio 2:17-18, 21 kosodi 1 Petero 4:10-11.

- Nunyoika inera ekokoro lo epote aiswamaun ne ebukokinere Emoyo loka Edeke mama ejaasi itunga kere?
- Biyai isuumuikit ijo ebee aduwe ka angor da imoriaritai kotoma aijaun ainakinet naka aidwar kanu aitwasamao okanisa?
- itwasamaa angin itunganan ainakineta nu einakinit Edeke kesi, Nunyoika iswamaunos?
- Nunyoika ti iswamaunos arai mam angor ka aduwe itwasamaete ainakineta nu einakinit Edeke kesi?

Einakini Edeke ainanakineta mama ejaasi luarei kere ikiliok ka angor kanu aitwasamao adukia Ajakanut naka Edeke ka ayangauna ayongio / aitubusikina ka Aibuses mama ejai Edeke.

- Koipone aani ipedoria ijo aingarakin akoniberu aitwasam ainanakineta keere nu ainaki Edeke ngesi?
- Koipone aani ipedoria ijo aingarakin akoku kon aitopoloun ka aitwasam ainanakineta nu ainaki Edeke ngesi?
- Koipone aani ipedoria ijo aisinyikoikin angor kotoma okanisa kon ka kotoma atutubete kon aitwasam ainanakineta nu einakit Edeke kesi?

Einono Loka Yesu ka Eipone lo abu Ngesi Oyaitor Angor

AIMOR AITAMITAM OGURUPU LO EDIT

Lolo ilosi oni asesen eipone lo eteere ka ayaite angor apakio nuka Yesu ka Eipone lo abu Yesu oyaitor angor. Osiom kotoma Oitaabo loka Esisiak – Einono Loka Yesu ka Iwaitin – Kotoma ogurupun kus lu edisiak, omorata aitamitam Aingiseta nuejaasi apapula na etupakini (Naiyareikini)



Einono Loka Yesu:

Okisila luka lyudayan ka Iromayon nepepe ka iinonosio ainakitos ameda na edite mama ejaasi angor. Eteiyo angor kwape nu adite adoketai na ajokis ido mam araasi nu apolok nukec) mama ejaasi ikiliok.

- **Ayaitai angor kwape “iboro lu ebeitai” (iboro itunganan).** Mam kesi araasi nu ayaikina bon. Araasi kesi nu abeitos togo loka a Papa kec, arai bo nat nu abeitos togo loka Okilenikec. Ikiliok lu Yudayan, mam acamakitai einer ka angor keere iriamakinos kiding orot. Mam apodokitai ejautene loka angor neduc ajaatatar kesi toma akiro acie kere nuapolok nu eswamasi.
- **Araasi angor nu ekisilikitai kotoma Ojautene kec lo Aima Edeke.** Araasi kesi nu acamakitai alosit “aiboisit na atiakakitai Angor” kotoma Oyekalu. Mam apedorete aisiom akirot naka Edeke, arai aimoriaikin kalucie itunga Aima Edeke kotoma naka Eyekalu.
- **Kakere Alemaritai Angor kotoma adumun Asioman.** Kwape araar asioman ne etolosio kotoma osomeroi lu ajaasi toma Atukosia (Aboisio nu Ailip / Aima), mam acamakitai apesur aimoriaikin toma.
- **Amameototor angor kede apedorosio Kokisila.** Mam apedorete aibee alupok araun nukec, adumun airumunet, arai bo nat kesi alacakin ikiliok kec. Mam acamakitai angor arautu ajenak Okootin lu Ikisila aitodol kito ne itogogongooro ekilokit ecie aitijenaar akiroto kec kwape nu abeit.

Kakere, kotoma Oinono loka apakio nuka Yesu, eteiyo angor kwape nu adite amunonut, nu adite aijen, ido nu mam ajenete nu omoyo aitelekaar ikiliok.

Iwaitin Luka Yesu

Eipone lo ajaatatar aomisio nuka Yesu mama ejaasi angor etegelikina noi kakere aitelekaar eonono Ke. Abu oyaite ikiliok ka angor nepepe ka angosibib ka aitubusikina naeriana. Angor kotoma apakio Ke nuka Yesu, mam ajenutos arai ariamun ka Etunganan lokilokit bala nat Yesu.

- **Abu Yesu oyaite angor nepepe ka angosibib ka aitubusikina na apol noi.** Abu ineranansi ka angor kotunga. Abu Yesu inerata ka aberu na Asamariat na arai olongwau ido “akadiakanaran naepol” (Yokana 4:7). Abu iner ka Asianut, Abeit ka Ajokis naka Eta mama ejai aberu na ekamunitai kotoma adoteu (Yokana 8:1-11).
- **Abu Yesu ijaanakini mama ajaasi angor ido oyaite angin adiopet kakesi kwape itunganan.** Abu Yesu odolonokini ijautenesia luka angor kwape itunga lu ajai kesi da ameda eirian kwape ka ikiliok lu epudasi aitangaleunio ka aitajario. Abu itapalau ikisila lu ainakit Musa lu etikokitos atiror aberu na edeka elap (*Alele naka aokot*) (Marako 5:25-34). Abu itangaleu aberu na etwangelit adeka adaun ikaru itomon akany kauni kapedorosio nuka ajokin kosodi anyaara ngesi “Akoku naka Aburaam” (Luka 13:10-17). Abu itangaleu akoku naka aberu na Akanaanit (Matayo 15:22-28).
- **Abu kisisianak Angor.** Abu opodokite aingiseta kec ka Aikanikaneta kec ka etauke kere. Abu Yesu omunokiner akiro nu epolok nuka omoyo nu abeit mama ajaasi luarei kere angor ka ikiliok. Abu Yesu isisianak Mary, inacike Marita (Luka 10:38-42). Angor kesi nusodit aanyun Ejakait lo Ajarunan Okatwak ido aponi kolimokinai ayangaar akiro nuka Jokak mama ejaasi Ikisisiak (Yokana 20:1-18). Epuu noi angor nu aupasi ka Yesu ka aigangite Aijaanakin Ke (Luka 8:1-3) Kwa ajaar isisianakini Ikisisiak Ke ka ikodeta.

Aingiseta Nu'moran Aitamitam:

1. Koipone bo ti aani itetemuuna ijo eipone lo ayaitere angor kotoma oinono loka Yesu?
2. Biyai Yesu abu Ngesi da oyaite angor oipone kangope kongon, arai bo etegelikina atia Einono Ke?
3. Biyai ejaasi acie nu eputooritos kiding eipone lo eyangaaritor einono kon angor ka eipone lo ayangaaritor einono loka Yesu angor?
4. Nunyoika acie kotoma aitegelikineta kiding naka eipone lo abu Yesu oyangaaritor angor ka eipone lo abu einono Ke oyaitor angor?
5. Koipone aani iwomitor ijo apotu angor opupuniata ne abu Yesu oyaitor kesi koipone kalo?



INYAKUTU NU IMORATA YESI / ERIPOTA

Nutupitono Kanu Esisianakinan: *itemu aingitaanar aingiseta ngun nu okuju kosodi alimokin angin egurupu aimor abongonokineta kec.*

Kwape Ikristayon, ibusakinit ooni aitup aanyunet naka Yesu atia naka Einono wok. Yesu Ngesi aanyunet wok.

Ipedori Ooni Aitolomuun Aijulakinet

AIMOR AITAMITAM OGURUPU LO EPOL

Abu Yesu itolomuu aitegeliinet kotoma oinono Ke ido ipedori ooni aitolomuun aitegelikinet kotoma oinonon wok.

Kosiom akirot na abeit naa na itatamuutai (ijulakinitai ikiroria):

Mam Sojib abu oomite nepecep ebe ikiliok ka angor esubit Edeke nepepe ka ameda na eriana. Mam abu koomite kanu ikamunitos akeberu nepepe cep. Ekidioko isirigin lu ejaatatar ido mam epedoritos agwalun inyam lu edolitos. Kanuka angun, angin akuware kosawan lu ainyam lu abong, ibore ngipengin eswama. Arai Sojib aiboikin omeesa ngesi bon agear ainyam emuceeri kere ka ediya (*Ekari*) ka ekotor. Arai edau ngesi, onyouni elopet, akeberu arai do ainyam lu esalenenete/ ararasia. Adiope apak abu Sojib ojaikin aitutuonoro na ikamunit akiro nu itojokaaritari nu ameda ko Obaibuli ka edukone. Abu obongu ore kosodi aitojokaar aiswamaun icie ibore aitodiara ebee etojokaarit ngesi ekeberu ka ameda. Kosawa lo ainyama lu abong, abu olimok akeberu aiboikin ka ngesi nepepe omeesa ainyam. Abu kolemu emuceeri lo epoit akeberu kosodi aitiak kokiding iinerio iyarei lu eriakasi, ediope eineri loke kosodi locie kanuka akeberu. Abu iswama kwangin kanuka ediya da. Abu akeberu oumok! Kangin akuware, abu Sojib inyikok aiswamaenen ibore ngipengin. Abu iboikinos ka akeberu kosodete aimor angin ibore kere eirian. Kwape enyikokinia aiswamaenen kwangin, abu itiik aanyun ebe etojokaar eidicane ke nepepe ka akeberu. Apotu koraunos lu emorikikina noi adepar, kosodete lucie kotoma atutubet agear aitup aanyunet kec najokan naka edukone lo engaleikit ejok ido iyalamana.

- Nanyoin aswamisioit na angin apaaran na abu Sojib itojokaa aijulakin kanu aitodikina ebe etojokaarit ngesi akeberu ka ameda?
- Aani bo eipone lo abu akeberu ojaunor nejai aijulakinet na?
- Koipone aani abu aijulakinet naa otirora lucie itunga (akeberu, lucie lu atutubet)?

inonosio luipu lolo apakio nuu mam esesenete / eyaito angor ka apesur koipone lo elosikinitor Edeke. Egogong eipone lu etupitere italesia ka inonosio lu atekerin wok ido eomitos itunga luippu bala eraasi lu ecamuna. Ejaa ngun da, ayaite idio itunganen yen esubitai kotoma apoto / asima naka Edeke mam edolit (*mam ejokuna*). Itipipilit / itunyunyurikit Edeke ido ekot ooni ailip Edeke aingarakin ooni aijulakin iponesio wok / irotin wok.

ibusakinit ooni airereor inonosio wok ka eipone lo itolosere kesi kasodete aisiaun numam edolitos kotupitete eipone lo esesenia Edeke. ibuni ooni aitwasam **Eitaabo loka Esisiak 5.3** kanu aoomoom nu akamunitos icie owaitin kotoma atutubete wok.

Nutupitono Kanu Esisianakinan: *Eroko egeara aimor aitamitam kotoma ogurupu lo edite, itetemik iwaitin luu iwongong lu inomunitai apapula kana tetere ingarakini kesi aoomoom nu ikamunitos aanyununeta nu kane atutubet /arii kana.*







- **Ekale** – Owaitin bo aanu eyaitere angor kede apesur koipone kalo itegelikina kama ejaasi ikiliok ka isap kotoma ore? Toma owaitin aanu eyaitere kesi erono / koipone lomam ejok?
 - Naanyunet – Ne abu eitutuoron ingisia egurupu loka Imurok lu Adekis Lu Kristayon arai ibungatotor kesi angor kec, 18 kakesi apotu ikiyasi akanin kec kuju aitoduun ebe ebungatotor nukec. Kosodi bobo eitutuoron aingit ebe idi bo kayesi acamunitos ebe edoloit aibunga akoniberu arai iswamau ngesi ibore yeni eyangauni ileuc luipu toma okale — keere apotu ikeutu akanin kec kuju.
- **Esomero** – Owaitin bo aanu eyaitere apesur koipone lo itegelikina adepar isap kotoma osomero? Nunyoika bo arerengusio numam kesi edunete nu aticepak ejaatatar isap?
 - Naanyunet – Isomeroi icie mam ecamakitos apesur alomar aisia ikoosin icie arai bo nat aitutuonoreta acie kwape nat araun Amuron na Adekis arai bo Aetoporan idegei arai adukon.
- **Ekanisa** – Owaitin bo aanu eyaitere angor ka apesur koipone kalo itegelikina kama ejaasi ikiliok ka isap kotoma okanisa? Nunyoika mam ecamakitali kesi kanu naarai eraasi nungor?
 - Naanyunet – Enaaba loepol loka Ikristayon erai angor ($\frac{2}{3}$) (*itunga iyarei kotoma angun itunga iuni araasi angor*)— inyoin iswamaun arai mam ecamakitali kesi ido komam isinyikoikitali aitwasam ainanakineta kec.
- **Kotoma Atutubet** – Owaitin bo aanu eyaitere angor ka apesur koipone kalo itegelikina atia kwa ikiliok ka isap kotoma atutubete wok? Owaitin bo aanu eyaitere angor ka apesur koiponesio luma ejojuka (koipone kalo aronon) kotoma atutubete wok?
 - Naanyunet – Kotoma akwapu adiope na amunaa ejie noi kotoma Africa, aibuc nepetai atutubet naka etiai (enamba) loka angor kere kotoma akwapu angin ebuitere aisiol, karaida imarakitali akwapu ngin kwape na ibucit kere arautu na Ekristayone. Kotoma akwapu acie naka Arii naka Olugai (**Asia**), akaulo na angin idakikan 8 ejai apese na eoliori ido ekokuwaritali kanu agwelario toma obulesene.

Luarei kere ikiliok ka angor araasi lu epol ajokis noi. Ekoto Edeke ooni ayaite luarei keere ka angosi-bib ka ameda. ikoto oni aanyun luarei luu kere ikiliok ka angor ikeunos kaitojokaario.

AIMOR AITAMITAM OGURUPU LO EDIT

itwasam Eitaabo loka Esisiak –Atutubete wok. omorata eineri nepepe nu ikamunitos angoli ewai kosodete ailleleb aiwadikainikin toma apapula ngin na elal atiokisio nu isesenete yesi kotoma atutubete kus kotupitete eipone lo eyaitere angor nepepe ka apesur, kosodete asekun akirot / aomisioit adiopet arai aarei (1-2) kangoli ewai nu ipedorete yesi aiswamaun kanu ayaiya angor ka apesur nepepe ka aitubusikina, ayongio ka ameda.



Ewai	Eyaitene lo Aronon ka Amamus Ainakite Ajokision Eirian kotoma Atutubete wok	Nu ipedori Ooni Aiswamaun (akiro / aomisioit 1-2 kangoli Ewai)
 Ekale	<i>Koinak aanyunet na ideleluut ibore ilopet kotoma atutubete kon (kwanat, ainanakite nu einakinio ne euruunere / idounere iduwe lu eraasi isap; iduwe lu eraasi isap kesi egeete ainyam ido kesi epodokitai ayangaar osomero ka aigee aitac isirigin lu Esomero).</i>	<i>Ainumunum ne euruunere luarei kere lusap ka lupesur. Aisinyikoikit ayaite kesi kere eirian lusap ka nupesur – Ainyam, Asioman, Adumun Airumunet ka acie da.</i>
 Ekanisa		
 Esomero		
 Toma Atutubet		

- Lunyoika ti iboro iyarei lu iswamau ijo itegelikina kotoma orekon kanu ainakin akoniberu angosibib, ka aduwe kon nupesur?
- Lunyoika ti iboro iyarei lu iswamau ijo itegelikina kotoma atutubete kon kanu aitubusikina angor ka apesur kotoma atutubet?

Komorata kayenicie nu iinakina ijo aiswamaun. Aso ilipakinos bonik ka bonik ido ilipata Edeke aingarakin yesi aiswamaun iboro luu.

INYAKUTU NU IMORATA YESI / ERIPOTA

Nutupitono Kanu Esisianakinan: *imaniman aanyanar igurupun kanu aanyun ebe epedoritos kesi aoomoom aanyununeta nu akiro nu idilasi / iboro lu idilasi kotoma atutubet, ateker ka icie kotoma owaitin lu oyaete angor ka apesur ojokan. Ocamak igurupun apak na epol noi ejok kanu kesi aileleb akiro ngun apapula na alalan ngin (acaati ngin.) Arai edautu igurupun luipu, ilipu lu epedorete ainakin aimor aomisioit adiopet kangoli ewai kotoma owaitin angun kere iwongon – Ekale, Ekanisa, Esomero ka toma Atutubet. Koanyu ebee epedoritos kesi aoomoomoun iwaitin icie lu iyatiyataikina lu itubusikinet angor ka apesur. Isinyikoik kesi ailip Edeke koinak kesi aomisio Ke ka Acoa Ke.*

Ooni kere isubitai kotoma aputo / asima naka Edeke — ikiliok ka angor. Emina Edeke ooni noi kwanata

abu ijuku Okokuke atwanere kanuwok tetere luarei kere ikiliok ka angor epedorete araun iduwe Ke. Emameete itunga lu ikeikina ameda ka lu ijesaritai ameda kec kotoma Ajakanut naka Edeke. Esubit Ngesi angin idiopet kaoni kotupitete eipone lo akotor Ngesi ooni ajautu, ido ejaatatar alosikineta nu itegelikina kanu kalu iyarei kere ikilok ka angor.

Ipedori ooni aitolomuun aijulakinet koipone lo aitodiar aanyunet na isisiaunete lucie da koipone lo ayaite angor ka apesur kwa abu Yesu oyaitor. Ebuni aswamisioit na aitopoloor Edeke ka aingarakin lucie da asesen ebee eraasi angor nu ameda na epol noi. ipedori ooni aitegear ka iboro lu edisiak aingarakina itunga aanyun ebe eraasi angor nu epol ameda noi. ikoto ooni luarei luu kere angor ka ikiliok aijar kwa apeleikitor Edeke kesi (*alosikitor Edeke kesi ajaria*).

AYANGAIK APAK IJO BER BON AOMOOM NU ISISIAU IJO / ARAI NEPEPE KA IPAUPA

Itopoloorio Edeke ne ibwaikina ooni nu isisiau oni toma aswamusioit. Nunyoika bo ipedori ijo ainakin aismamaenen kotoma kanu isisiau ooni?

- Lunyoika ti iboro iyarei lu iswama ijo itegelikina kotoma orekon kanu aitubusikina akoniberu, ka aduwe kon?
- Lunyoika ti iboro iyarei lu iswama ijo itegelikina kotoma atutubete kon kanu aitubusikina angor ka apesur kotoma atutubet?

Komorata kede lucie nu iinakina ijo aismamaun . Aso kilipakinos bonik ka bonik kosodete ailip Edeke aingarakin yesi aswamu iboro luu.

Nutupitono Ogurupu Lo melo

*Olototo kau naka atukot kosodete
aigwoo asesen, opupokitos ido
iteikitos ejok kwa elosio asisian,
konye mam inerasi.*

*Eroko asisian egeara, okoranakisi
akipi ka emugati (ibore yen
nyamaara) arai esuit mama ejai
egurupu locie je. Siri imatata akipi
arai anyamar ido emugati kitoni
aswamusioit naa angetakin.*

Asisian 7: Epelu Loka Aurian

Akiro Nu Epolok

1. Eraasi iduwe Ainakinet Kama Ejai Edeke.
2. Eraasi Auriak lu ikamunitos nu Aituduminikin ipudesia luka iduwe kec ka Aitetenanar kesi kwape epolootor kotoma omoyo, aijen, aismamaanara ka lucie, nepepe ka kotoma akuwan.

Iboro Lu itwasama

Eitaabo Loka Esisiak:

- a. Aingarakin iduwe Apoloor (Angin itunganan ekopi Ediopet)

Nuitegearete

AIMOR AITAMITAM OGURUPU LO EPOL

Kanu angun lu eraasi Auriak:

- Koipone aani ejulakinor aijarakon agear ne iraunor ijo aurian? Nunyoika aijulakineta nu amunokinai ajaun? Nunyoika aijulakineta numam amunokinai ajaun?
- Koipone ti aani etetemuuna ijo epelukon kwape aurian?
- Nunyoika aicoreta nu ejaikin ijo kama ejaasi ngun lu ajena naka ekiliokit ka ngun lu ajena naka eberu kanu ikamunitos arautu aurian (aicoreta nu ajokak ka Aicarote nu arokok)?

Erai ibore yeni etiono arautu aurian. Emamei eitaabo lo kanu tupitono tetere ingarakini ooni ajenun nu ibusakinit aswamu. Ikoto ooni iduwe wok oraasi lu iyalamasi / lu italakaara ido ojokuka iponesio, kosodete apoloor apedor moolo aidar ikalia kec ka arautu itunga lu atutubet lu ejokuka oraasi Ikristayon lu egogong. Konye koipone aani iswamaa ooni nu? Arerengu na aronon, emameete abongonokineta nu epataka.

Lolo ilosi ooni agear asesen epelu loka aurian kotoma aingarakin iduwe apoloo komoyo ka kotoma Aijen / acoa. Kotenan, angin itunganan yeni apoloor itiunete aanyun eebe ejaasi kesi nepepe ka epelu lo aidarun ka aitopoloun iduwe. Lolo igeari ooni asesen epelu loka aurian aingarakin iduwe apoloun kotoma omoyo ka aijen (*apoloun kotoma adam*). Kotoma aisiaaeta auni nuu nu etupakinete, iponi ooni aisiaun nu iswamaa ka apirianut na aingarenikin iduwe wok ka aingarakin kesi ajaute ka iponesio lu ajokak.

Epelu Loka Aurian

AIMOR AITAMITAM OGURUPU LO EPOL

Nutupitono Kanu Esisianakinan: *itunga luipu epote aomoom nuka ipudesia lu akuwan. isinyikoik kesi aomoom ipudesia icie da luka ikoku. Isitit kesi nuka Luka 2:52 ka iwaitin iwongon lu abu Yesu Kopolooror —Toma akuwan, Kalucie itunga, kotoma omoyo ido kotoma Acoa.*

- Lunyoika icie kotoma oipudesia lu ejaatatar ikoku?
- Ingai bo ebeikitos nu aisilosikin ipudesia ngun?

Epelu loka auria lo aitudumikin ipudesia luka iduwe kec erai epelu lo epol noi kakere ido imina duc ooni aipup bala ijaa kede ekadakada lomam ipedoritor aismamaun kwangin.

AIMOR AITAMITAM OGURUPU LO EDIT

Nutupitono Kanu Esisianakinan: iwadikaik ikokoron ikany luu toma abaoi /arai apapula na elal noi /arai bo nat toma akaadin kanu angin egurupu..

Kotoma ogurupun kus, kosesenata ikokoron luta: Nunyoika inerasi ikokoron lu nu ikamunitos epelu loka aurian?

- Awaragasia 22:6 – Ebeit ooni aingarakit aitetenanar iduwe wok
- Ipeson 6:4 – Ebeit ooni aitutuonor iduwe wok.
- Ikisila 6:6-7 – Ebeit ooni aitopoloun / adukun iduwe wok kotoma omoyo.
- Awaragasia 1:8 – Ebeit ooni aitopoloun /adukun iduwe wok kotoma aijen (adukun adam kec).
- Awaragasia 31:15, 21 – Ebeit ooni aituduminikin ipudesia luka iduwe wok luka akuwan.

INYAKUTU NU IMORATA YESI / ERIPOTA

Nutupitono Kanu Esisianakinan: ingit angin egurupu nu inera ekokoro nu ikamunitos epelu loka aurian kosodi aitagogong akiro ngun nu epolok iwadikatai opungete kotoma angon ekokoro kangun lu okuju.

Kwape Auriak, iinakitai ooni epelu lo Aitutuor arai Aingarenikin iduwe wok. Ainaki Edeke ooni epelu lu aitopoloun / aitutuor kesi kitoni araun ikiliok ka angor nuka Edeke lu egogong. Epelu loo einakitai luarei kere ekilokit ka aberu aitutuor ka aitopoloun iduwe kec. Karaida esubitos lu okale loka ekilokit ka lu okale ke aberu (*Ekale lo itanyanyara ~ extended family*) bala eminasi ingarakisi, Auriak kesi ejaatatar epelu ngon losodit lo aitopoloun ka aitutuor iduwe kec.

Elimokit ooni Ebaibuli ebee epelu loo erai lo epolok nuke noi. Ne ajaar Paul elimokini Timoteo nutupitono esekunio lu angai epotu araun ingarenok kotoma Okanisa, adiopot kotoma aibecokinio kec ngesi ekoto kesi ojaasi ka iduwe lu ejokuka iponesio (*lu itopoloutai ejok*) (1 Timoteo 3:4-5)). Kwape auriak, ibusakinit ooni aituduminikin ipudesia luka iduwe wok luka akuwan ka luka aingarakin aijen kec / aitopol adam kec ejok. Ebala Ebaibuli da elimokit oni ebe auriak, mere ekanisa, kesi eraasi losodit kotoma opelu lo aitutuor ka aisisianakin iduwe kec Ebaibuli.

Kwape abu Yesu opolouna owaitin iwongon luka aijara Ke (Luka 2:52), ekoto ooni aingarakin iduwe wok da opolooto kotoma owaitin angupe-kangun iwongon —komoyo, kaijen / kadama kec (Acoa), kotoma akuwan nepepe ka lucie itunga.

Apoloo Komoyo

AIMOR AITAMITAM OGURUPU LO EPOL

- Lunyoika icie kotoma oboro lu ipedori ijo aswamu kanu aingarakina iduwe kon apoloo komoyo?
- Koipone aani iwomitor ijo ebe erai ngin ibore yeni epol emeda noi na aingarakin iduwe apoloun komoyo?
- Nunyoika acie kotoma kanu etioko nu itereinikinotor oni kotoma aingarakin aitopoloun iduwe wok komoyo?
- Koipone aani ipedoria ooni aipikor atiokisio nuu?
- Lunyoika icie bobo kotoma owaitin lu ipedoria ooni aingarakin iduwe wok apoloo komoyo?

Nutupitono Kanu Esisianakinan: Koany kotoma Oitaabo Loka Esisiak – Aingarakin iduwe Apoloo. Olimok ngun lu epodorete aingarakin asiemunun akiro keere nuka angin akirot na ipedori oni aswamu aingarakina iduwe



wok apoloo kotoma omoyo. Ibuni ijo aitwasam Eitaabo loo Loka Esisiak kanuka ewai lo isisia lo etupakini. Oinak Esisiak apak aomoom iwaitin lu ibwaikinet nuu toma aswamusioit okalia kec akaulo naka angoli ewai.

Kosiom Ikisila 6: 6-7.

Iwaitin iuni (3) lu ingarakinet ikoku apoloo komoyo:

1. **Aimor Ailipenen Okale arai Asiomenen Ebaibuli Nepepe kwape Ekale** – Kotam adumun apak angin apaaran aisom Ebaibuli ka Aitataminikin iduwe kon akiro nu aswamasi ko Obaibuli / Awragaasia nu Obaibuli. Ingarak kesi amisiikin nu itatamit Ebaibuli. idau ijo aitatamikin kesi ewai lo isiimakit ijo kesi, ingit kesi aingiseta kwape nat –
 - Nunyoika ipedori oni aisiaun nu ikamunitos Edeke kotoma akirot kana / awaragan kana / kotoma okokoron kalu?
 - Nunyoika ipedori ooni aisiaun nu ikamunitos eipone lo ebeitor oni ajaria? (*Eipone lo ebeitor oni ajautor oponesio wok*)?
- **Ailipenen nepepe Keda iduwe wok** – ibusakinit ooni duc atiakunit apak na ailipenen nepepe ka iduwe wok. Koseu esawa lo duc ejaar ijo apak. Koany ebe ayangaikini ijo apak ngin apupokin nu ekotosi iduwe kon aimor einer ka ijo, nu eomitos kesi, nu itapasete kesi, ka ijo da aimor ka kesi kosodi aimor ailip nepepe ka kesi. Ne erokotor edisiak, eminas olimokisi ijo nu ekotosi kesi ijo ailip, kosodi ijo ailip ailipasit na euriana. Kwape epolooto, epedorete kesi da kwana ageari ailipenen koipone kec bon. Ingarak kesi ojenutu / arai koanyutu ne ebongokina Edeke ailipasia kec.
- **Adumunun Apak Na Aiboyenen Nepepe** – ineranana nu ikamunitos Edeke angin apak keere na ijaatatar yesi nepepe. Isisianak kesi nu ikamunitos Edeke. Ne ilomara ijo kinga kosodi aanyun ekitoi, ipedori ijo alimun nu akirot adio na ikamunit eipone lo eminar Edeke ooni noi kosodi ainakin oni ikito kanu ainakite oni etolim, akito nu ipoere, ka inyamata, nepepe ka aitubusite akwapu wok. iner nu ikamunitos eipone lo eraar akwapu kere naka Edeke, ido ainakin ooni epelu loka aidarenen ngesi. Ekoto ijo duc aanyun iwaitin lu aingarakin iduwe kon aanyun Edeke kotoma angin ibore kere
 - Aanu bo kotoma kanu nu ijai ijo kope-kwana aswamu?
 - Aanu bo kotoma kanu nu ikoto ijo aiyatakin aiswamaenen koingaren?

Apoloo Kotoma Acoa / Kotoma Adam / Kotoma Aijen

AIMOR AITAMITAM OGURUPU LO EPOL

Ekoto da bobo ooni aingaraking iduwe wok apoloo Kotoma acoa / apoloo kaijaen / apoloo kotoma Adam.

- Lunyoika icie kotoma owaitin lu ipedoria ooni aingarakin iduwe wok apoloo kotoma Acoa / apoloo kotoma Adam / apoloo kotoma aijen?
 - *Ne erokotor edisiak, ibusakinit ooni aisisianakin kesi ore. Ne epolokotor, ibusakinit oni ayangaar kesi osomero tetere kesi epedorete aisiaun nuipu.*
 - *Ejaasi iduwe ludidik ka aingiseta nuipu Otamak abongonokin aingiseta ngun nuipu noi kwape epedorotor.*
- Nunyoika bo acie kotoma atiokisio nu itereinikinor ooni kotoma atamit aingarakin iduwe apoloo kadam / apoloo kacoa / apoloo kaijen?

- Koipone aani ipedoria ooni aipikor ainingosia nuu?

Ediopet kotoma opelueik wok ngesi aingarakin iduwe apoloo kotoma acoa,/ apoloo ka Adam,/ apoloo kotoma aijen. Arai kisesen oni Eitaabo loka **Luka 2:52**, iwanyuni ooni ebe abu Yesu opoloor kotoma acoa. Ikoto ooni da iduwe wok opolooros kotoma acoa.

Nutupitono Kanu Esisianakinan: *Olimok ngun lu epedorete aingarakin aisiom akiro kere kanu angin akirot na epol nu iswamaa.*

1. Isisianak iduwe lu eroko edisiak noi ore.

Kotam aiteteminikin kesi iboro ne erokotor edisiak ido ipu aingiseta. Isisianak kesi **ABC's**, ka isuulai 1,2,3,..., ikiroria luka iriagin, ka iboro lu isadai (Lo isongotot "triangle", Lo isomelel oriakasi isodai "square", Lolungur "circle", ka icie da "etc"). Kane ejaasi iduwe ludidik, ocamak kesi aseun kokiding naka aomisio aarei numam epolok nukec noi. Kwape na aanyunet, "Biyai ijo ikoto lolo ainap esaati lo arengan arai bo esaati lo Bululu?" oyangaik apak abongonokin aingiseta kec!

2. Oyangaa iduwe lu adol Asioman alosit Osomero.

Acie apakio ibusakinit ooni acamun aipal icie iboro luipu kanu ayangaar iduwe wok toma osomero, konye erai bobo nada ewai lo epolok nuke noi kakere lo arautu aurian. Kotoma asioman iinakini ooni iduwe wok arerengusio nu koingaren. Mam ooni ijeni ainapeta nu ejaatatar Edeke kanuka iduwe wok, konye ekoto ooni aanyun ebee ejaatatar kesi arerengu na airereor nu elosikinitos asekun. Emina Edeke oseku ikokukon ayangaun aijulakinet naepol noi toma atutubetekus. Irwana duc, ipudasi kesi asioman ka aitutuoro kanu aismamaun ngun. Nu ipali ijo nuipu kanu ikokukon alosit osomero lolo emina ocamak ngesi apedor iyatakin aticepak kitoni O' Univasiti kosodi koingaren aingarakin ekale kon. Kanu aiyareikin aitopololoun eidicane nepepe keda Edeke, erai asioman ediope ewai lo epolok nuke kakere kanu aingarakin kesi ajaun ka aijar naejok noi koingaren. Koanyu ebe ijaikini ijo ikokukon iwaitin luu kere iyarei.

- Koipone aani kopekwana ipedoritor ijo aismamaun iboro / iwaitin luu kere iyarei kojokan?
- Aanu bo kotoma kanu aomisio aarei nu ationikitos ijo kakere ?

Apoloo iswamaanara / Enaanara Kalucie itunga

AIMOR AITAMITAM OGURUPU LO EPOL

Ibusakinit da bobo ooni aingarakin iduwe wok apoloo kotoma oidicane kec nepepe kalucie.

- Lunoika bo icie kotoma aanyununeta nuka eidicane nu ejaatatar iduwe nepepe kalucie itunga?
 - *iinacan lu akoik adiope*
 - *Ipapero (iidunyeta, okanisa, osomero)*
 - *itunga lu apolok (ipajan, iidunyeta, isisianakinan, ingarenok luka Ateker / ingarenok luka atutubet)*
 - *Auriak*
- Kanuinyo iwomitor ijo ebe erai ibore yeni epol ajokis noi aingarakin iduwe wok apoloo kalucie itunga — Kanu ajautu ka iidicasinei lu ejojuka kalucie itunga?
- Nanyoin ameda / arai ajokis na iduwe kon ajautu ka eidicane loejok nepepe kalucie?
- Nunyoika bo acie kotoma atiokisio nu idilasi nu ejaatatar iduwe kalucie itunga?

AIMOR AITAMITAM OGURUPU LO EDIT

Okale ngesi aiboisit na isisiaata iduwe aimor einer kalucie itunga. Kanuka angun, ibusakinit auriak ayangainikin apak nepepe ka iduwe kec kosodete aitanakin / aijaikin kesi aanyunet na amisiikin iponesio lu ejokuka noi kakere lu iswamaanaret kalucie itunga. Itwasam Eitaabo loka Esisian 7.1 kanu aisiom nu ikamunitos iwaitin iuni (3) lu ingarakinet iduwe wok apoloo kalucie. Kotupak nutupitono nuejaasi Oitaabbo loka Esisiak.



1. Isisianak iduwe eipone lu ekotor Edeke kesi aiswamaanara nepepe kalucie itunga.

Kisiom angin ekokoro. Nunyoika isisiauni ooni kotoma okokoron kalu nuejokuka noi aisisianakin nejaasi iduwe wok?

- *Ipilip 2: 3 – Siri ibitiono (siri ipodokit nukon ilopet bon) kopodokite nu aluciekon (kitopoloorite angin itunganan oupake) aitelekaarit nukon bon.*
- *Ikolosain 3: 13, 15 – kisioni / kitima lucie ne itipipiliatar / aimusung aomisio kon, kojaunos kainapakin nepepe kalucie ido kimalaenenete da.*
- *Matayo 5: 44 – Kominasi luka asurupo kus ido kilipanakinete itunga lu ireitos yesi.*
- *1 Ikorinton 13: 4-5 – Engirikinit amina ido Esiana. Mam amina edakunun, mam amina epogana. Mam itunyunyurikinio, ido mam idari akiro nu arokok nu iswamatai.*
- *Matayo 7: 12 – Bon bon iswamainik itunga iboror lu ti ikoto ijo kesi aiswamaikin ijo.*

Ingarakit Ebaibuli ooni amisiikin ajokis na aiboyenen kainapakin / ajautu kainapakin nepepe kalucie, kominanena angin itunganan, kotitingikite, kosiana, ka aitmenen, kasodote ayaite lucie kwape ikotor oyaitete oni. Erai ibore yeni ibusakinit noi ainerenen nu ikamunitos akiro ngun nepepe kede iduwe wok ne erokotor kesi edisiak ido da kwape epolooto, ejaun iidicasinei kec da aijulakin.

2. Korai aanyunet. Isisiaunete iduwe eipone lo aiswamaanara kalucie itunga koipone lo asesen kama ejaasi lucie, noi noi kakere, auriaka kec. Eipone lo iswamaanaratar / inaanaratar ijo kalucie itunga ngesi erai aanyunet na angin apaaran mama ejaasi iduwekon.

Kiito eipone lo iswamaanaratar ijo kalucie itunga ido ti eipone lo ekotor Edeke ijo aiswamaanara / anaanara kakesi kwape kanu isisiai ooni kotoma Obaibuli.

- Owaitin bo aanu iraar ijo aanyunet najokan mama ejaasi iduwekon?
- Toma owaitin bo ti aanu ikotor ijo araun aanyunet na ejokuna noi kotoma aingarakinio naka Edeke?

3. Ingarak iduwe kon aitemonokin ainingosia / atiokisio kotoma oidicasinei kec ne elomuniata.

Irwana ipu, mam iduwe elimokinete ijo nu ikamunitos ainingosia / atiokisio nu ejaatatar kesi nepepe kalucie itunga, konye eminasia ogeasi aijulakin koipone lo iswamaatar kesi iboro. imina ijo omisiik aiyatakina na anyunyura, amumuu kalucie, arai bo aililing komam ekotosi einer ka idio itunganan, agitar aiboi awai bon, agola ke bon, kwap na ekitoi bon mere kalucie. Erai na aanyunet ebee emina ojaasi ka ationis nepepe kalucie itunga. Ipudasi iduwe aingarakinio ka aisinyikoikinio einer nu ikamunitos akiro ngun ka aisisiaun ayaite lucie ejok karaida ne epupiotor kesi aitipipilio, anyunyura arai bo nat ne eyaitotor lucie kesi erono. Ocamaki kesi omorata aitatamuun nu eswamaunos, eipone lo epupotor kesi ka eipone lo eswamaunatar kesi kanu aitemokinia ainingosit ngin. Aimor kakesi einer kaalo, erai aanyunet mama ejai ikoku naka eidicane lo eminana, acamunit ka ajautu ka etau lo esiana neke. Eraasi nu nuepolok noi kotoma okaru lu eiditeu kec tetere kesi emunokinos ijo aingarakin kesi kotoma akirosinei kanu.

- Lunyoika bo icie kotoma owaitin lu ipedoria ijo aingarakin ikokukon aomoom nuejok nu ikamunitos lucie ka ayaite kesi nepepe ka amina ka asianut naka etau?

INYAKUTU NU IMORATA YESI / ERIPOTA

Nutupitono Kanu Esisianakinan: *ingit igurupun nunyoika enera angin ekokoro kanu ikamunitos aisisianakin ka aitodiaarit aanyunet najokan kotoma oidicane. Itigogongoo akiro ngun nu epolok nu iwadikatai opungete kotoma okokoron lu ijaikitai kokuju.*

iidicasinei wok nepepe kalucie erai ibore yeni epol noi. Arautu yeni ibitiono / yeni ipodo nukon bon erai eipone loejaenena toma angin itunganan, konye mam erai lo italakaarit Edeke. ikoto ooni aisisianakin iduwe wok aomit nuejok kanuka kalucie ka ayaite kesi koipone kalo ejok noi adepar eipone lo ekotototor kesi oyaitete kesi. ibusakinit da bobo ooni aisisianakin kesi eipone lo aitemonokin ingungeta. Iboro kalu ibusakinit orai lu ejenunete iduwe wok owaitin iyarei kere; kotoma aisisianakinio ka kesi aisiaun kama wok kwape aanyunete kec.

Apoloo Kotoma Akuwan

AIMOR AITAMITAM OGURUPU LO EPOL

- Lunyoika bo icie kotoma owaitin lu ipedoria ooni aingarakin iduwe wok apoloo kotoma akuwan?
 - *inyamat Lu Edukete Akuwan*
 - *Ajoo Nu Edolitos*
 - *Neperon Nejok / Etogo, igoen ka icie da.*
 - *Atupakinite iwaitin luejokuka lu ingarakinete aidarite angaleu – Ailosenen akanin, aitwasamaenen acolooni, aitikitik adekasinei*
 - *Aswamisioit nu erionorete amoori (aswamisioit ka abolia (abolisio)).*



Iboro luu keere ingarakinete iduwe wok arautu lu angaleikitos kotoma awatekec. Idiope oboro luepolok noi lu ibusakinit ooni aswamu kanu aisipedororia iduwe wok apoloo kongaleikitos ngesi ooni aanyun ebe edumununete kesi inyammat lu edukete awate kangin apaaran. Kanu adama kec adukun apoloo ejok, ibusakinit ooni aanyun ebe ejaununos kesi kede aijulanakin ainyam naejok (*Aijulul Eode Loejok*).

Nutupitono Kanu Esisianakinan: *Arai idaunit ijo aisisianakin Eitaabo Lo ikamunit nuka Angaleu, ipedori ijo aitemun airereor Nutupakina / ekisil 1+3, arai bo Amor Aitijenaar Aomisioit naka igurupun iuni (3) luka inyammat kosodi aitememikin kesi ebee epote kesi aisia nui pu kotoma Aitutuoro nu epote koingaren nu ikamanara kede angaleu. Eraasi nuu nu itetemitai ka aidules Oitaabo lo Aitutuor Loka Angaleu.*

Inera Eitaabo lo Itutuorere nuka angaleu nu ikamunitos aitwasam **ekisil (Nutupakina) nuka 1+3** kanu aisitoikina ooni eipone lo itudumikinet inyammat lu edukete akuwan angin apaaran kanuka ekale wok.

Kwape eipone lo aitemun aisiitunio nu esisianakin kanu esisiaun, nu ikamunitos inyobo ekisil lo 1+3? Ijaasi igurupun iuni (3) luka inyammat lu ekoto ooni aimorikikit angin apaaran toma ainyama wok.

- idiopet (**1+...**) egwoikit emuceeri / arai inyammat lu idilas ateker kangin / arai lu eputooro kanges (emuceeri). Ibusakinit ooni ainyam emuceeri arai icie onyammat lu eburokitos ngesi kangin apaaran nepepe kede icie ibore kotoma angin idiopet kotoma ogurupun lucie iuni (3) luka inyammat.

- iuni (.+3) egwoikitos lucie igurupun iuni (3) luka inyam lu ebeit aitam ainyalanakin angin apaaran:
- **Egurupu lo 1 – Protein** (lu edukete akuwan) kwape nat: Abee, Akile, emaroge, agaria ka akiring.
- **Egurupu lo 2 – Arait** ka idiasio lukuwii / ibogai (ileleba kede **vitamins** ka iinyaleta lu egelegela “**nutrients**”).
- **Egurupu lo 3 – Akinyeta** ka asiapai (ipudai orai na edite noi).

Omorata Aitamitam:

- Nunyoika acie ainongosia nu itereinikitor itunga kotoma atutubete kon kanu aituduminikin ainyam naejok na engaleikit?
- Koipone aani ipikoria ooni ainingosia nuu?

iduwe lumam ejaunos kede ainyam namam ijulanakinio eminasi odumutu adeka naka abukuny, aligirir naka akoikes, arautu lu ekweele, eminasi oraunos iput (amamus apoloo) ka adekasinei nu emunarete ejautene loka akuwan, aomisio, amamus apoloo naka adam / arai bo aiyap naka aomisio ejaa acie da.

Nungetakinet

AIMOR AITAMITAM OGURUPU LO EPOL

Epelu loka aurian ngesi angarakite aitetenar iduwe wok, aituduminikin ipudesia kec, kasodete aingarakini kesi apoloo Komoyo, kacoa, kalucie itunga kosodi komoyo.

Koyangaik adakikan adis aomoom nu ikamunitos iduwe kon obe (arai ejaasi ijo iduwe) kede eipone lo ijaar ijo aingarakite kesi apoloo kotoma owaitin iwongon kere kalu. Biyai ejaa icie owaitin lu itei ijo ebe ibusakinit ijo ainakin apakikon naepol noi toma? ilipi Edeke ingaraki ijo apedor aingarakite aitetenar iduwe kon, aituduminikin ipudesia kec, kosodi aingarakin kesi apoloo kotoma owaitin keere luka aijara kec.

OYANGAIK APAK AITONOR KWA LEM ISWAMAA IJO KEDE KWA KWANA ISISIAUNA IJO

- Iboro inyoika lu ijai ijo ilemu sek iswamai ojokan kanu aingarakina iduwe kon apoloo?
- Aanu bo iwaitin lu ikoto ijo aiyatakin apodokin aismawenen noi noi kakere?
- Nunyoika aomisio nu itetiak nu idumu ijo kotoma aisisianakin kana nu ikamunitos nu ipedori ijo aswamu kanu aingarakinia iduwe kon apoloo?

Asisian 8: Aingarakin iduwe Ajautu Ka iponesio Luajokak

Akiro Nu Epolok

1. ipudasi iduwe aingarakinio aitodiar eipone lo epupiata aomisio kec tetere kesi epedorete aitemonokin atiokisio.
2. Itwasamai apirianut / aijen naka aiirar ojokan atia eresiaar erono kede akiro nu itoronaaritos ka aicaarite kesi, arai iira / ipupok ooni kesi ojokan, ingarakini na iduwe aisiaun aitemonokin atiokisio kec kwape itunga kalu apolok.

Iboro Lu itwasama

Aputosia Nu Isipedoritos Asisian (Ejaasi kau naka Eitaabo / angetakinet naka aisiaanakineta):

- a. Aboliasit na ikamanara kede Apupokin / Airanar iduwe ojokan noi ka Acoite (ikopis 2 kanu alu einakinos acamun aitodiar abolia)

Eitaabo Loka Esisiak:

- a. iwaitin lu iiranaret ka abongonokin iduwe
- b. Akiro Nutupakina kotoma Airar / kotoma apupokin

Nuitegearete

AIMOR AITAMITTAM OGURUPU LO EPOL

- Biyai ijo itakadikitere kanu ikamunitos akirot acie kosodi ijo abongokin oipone kalo aronon / arai bo nat koipone lo abu ijo itemu aitunia ekaulo ibore abu ijo obongokinia kwangen / arai iswamauna ngun?

Irwana duc, ne inyunyurar oni / arai ne itikadikitere, ipedori ooni aiswamaun iboro koipone kalo itemuni ooni apupun erono kanu abongokinet wok. Ejaunos kanu amamus aijen eipone lo ongirikinet akiro nu epipil / arai nu itikadikitos aomisio. Ido eraasi nu etioko do noi kama ejaasi iduwe. Irwana duc mam iduwe epedoritos alimokin ooni kotenan eipone lo epupiata aomisio kec — mam kesi da ikulepek emisiikitos ojokan kanu angun mam epedorete alimokin mama ejaasi lucie. Kanuka angun, kotoma amamus aijen nu ibusakinit aswamu, egearete aimwang ka aipaliikin arai einer iboro lu mam ibusakinito koipone lomam ibusakinit. Arai ikoto ooni aingarakin iduwe ajaun ka iponesio lu ejokuka, ekoto ooni aingarakin kesi apedor aitijenuun kwa epupiootor kesi kotoma aomisio kec.

Awaragasia 22:6 ebela ebe “itanaik / itutuo iduwe cut orot lo ibusakinit alosenena, karaida emojongata mam enyounete kotoma.”

- inyobo iwomit ijo apolou naka akirot kana?

Erai na apolou ke ebe arai iyangaik ooni apak aingarakin iduwe wok aisiaun eipone lo ojaunet kede iponesio lu ejokuka, iswamai ooni nuu koipone lo aingarakin kesi amisiikin eipone lo epupiata aomisio kec

ka abongokin kotoma owaitin lu ejokuka. Ngesi nen epedoriata kesi apoloo ojokan ka iswamu iboro kwape ka itunga lu apolok. Karaida epolokoto, epedorete kesi aiswamaunun iboro ka aomisio nu etiokitos kotoma akiro nu itakidikinet ka akirosinei nu etioko.

awaitin Lu iiraret ka abongonokin iduwe

Nutupitono Kanu Esisianakinan: *ocamak apak kanu itunga aimor abongonokineta nu idilas mama ejai angin akirot na elimunitai. Itwasam Eitaabo loka Esisiak – awaitin lu iiranaret ka abongonokin iduwe kanu aitoduun abongonokineta nu idilas ka aisinyikoikit egurupu aomoom acie bobo kotoma aanyununeta nuka angin idiope kotoma owaitin lu ebongonokinere.*



- ikote ai ti abongonokineta nu ibusakinitos kama ejai aurian nejai ikoku yeni ikaru 6 yeni ebal ebe: What would be a normal response of a parent to a 6-year-old child that says:
 - Mam eong akoto imukeru yen ! Esili ngesi noi !
 - Ebangana emwalimu ka !
 - Abu ngesi onang ! Mam bobo eong ecaki abolia kede ngesi nepecep da !

Ejaasi awaitin lu egelegela lu duc irasanakina ooni abongonokin arai itodiasi iduwe iponesio lu arokok lumam ejokuka. irwana duc, mam ooni iomoomoi nu ikamunitos eipone lo epupiata iduwe eringa ooni ebongokina. Kanuka angun, mam ooni itami aingarakin iduwe amisiikin eipone lo epupiata aomisio kec. Abois na angun, idila duc ooni aiswamaunun adiopet kotoma kanuta:

- **Apegakin:** ‘Aaah ijo ba ijo. Mam epedori oroko noi kwangin.’ ‘Musiki mam ijo ipeleikit ngun.’
- **Atiakite itunga ibongonikini:** ‘Emamei ber ibore ipedori ijo aiswamaun kanu angun da — inyek aitepeg eong.’ ‘iisu ! Ejai ijo alosite osomero.’ ‘Arai moolo ikoto ijo adumun aswamu na ajokan, erai ijo alosite osomero.’
- **Aicoretait:** ‘Ekoto ijo aswamu agogong aanyun ebe esalakinete ipaperokon ka ijo, konye tai, isalakini ijo isilikinit ido orai obonipe.’ ‘Ekoto ijo da aisiaun ainyanganar.’
- **Etube:** ‘Erono bo lolo alimunet ngin biyai !’ ‘ibusakit ijo iswamaute ngesi icie ibore.’
- **Aingiseta:** “inyobo abu ijo iswamau?” “Kanuinyo ilimuna ijo iboro lu arokok kwangin?”
- **Ayuario naka itungan ayii:** ‘Arai ngesi apese najokan.’ ‘Ajeni eong mam ngesi apeleikit.’

Ne ibongokinia ooni kesi koiponesio kalu, mam ooni ijai aingarakin ikoku aisiaun amisiikin eipone lo epupiator aomisio kec nu itipipiluna ka abongokin koipone lo ajokan. Dimi –arai ebuni ikoku apupun aiturur, aisurumio ileic, apupun aitisilio, aitoronio ka aticepak anyunyura. Konye ne icamunia ooni apupokin /airar iduwe wok, ipedori ooni aingarakin kesi amisiikin eipone lo epupiator aomisio kec kosodote aitemokin ngun koipone loejok.

OYANGAIK APAK IJO BER BON AITONOR AOMOOM NU ISISIAU

- iwomit ijo biyai ti ejaunor abongokinet kon mama ejai ikokou yeni ejaasi nepepe ka angin adiopet kotoma aanyununeta kanu? Biyai ijo iwomit ti ijo ijaatatar abongonokineta nu eputosi kwa adio kangun nu imor oni aitamitam?

Apupokinite (Airar) Ojokan

AIMOR AITAMITAM OGURUPU LO EPOL

Kosiom Ipeson 6:4

- Lunyoika icie owaitin lu eyaitotor lu a Papa iduwe kec lu ijaiknete kesi amuno alemar, anyunyurikin ka ajaun ka adwaris?

Apupokinite (Airar) ka acoite noi ojokan mama ejai ikoku ingarakini kesi aitereikin kede eipone lo epupiotor aomisio kec koipone kalo ajokan, aibois na kesi aitodiar iponesio lu arokok. Ingarakini kesi aisisiaun eipone lo itemonokinet atiokisio kosodi ainakin kesi apirianut na ipudasi kesi kanu aisipedor kesi moolo araun itunga lu apolok lu etiokitos aomisio. Ingarakini kesi aiput ojokan noi nu ikamunitos ejautene kec ka aisisiaun ajautu ka iponesio lu ejokuka otunga. Erai adiopet kotoma apirianuto nu epol ajokis noi kotoma aitopoloun iduwe.



ASWAMUSIOIT NA EGURUPU LO EPOL - ABOLIASIT

Nutupitono Kanu Esisianakinan: Ask two people in the group to help you do the following role play. Give the two volunteers Visual Aid – Listening Carefully to Children Role Play. Ask volunteers to prepare in advance so they feel confident. Olimok itunga iyarei kotoma ogurupu ingarakisi ijo aitolomuun Aboliasit na etupakini. Koinak lu iinakinis aingarakin ngun iyarei Aputosia nu isipedoritos Asisian – **Apupokinite (Airar) ka acoite noi mama ejaasi Iduwe (Aboliasit).** Olimok ngun lu alemunos aingarakin aitodiar Aboliasit, Alingakin aisikapikin kede nu ibusakinit aswamu kotoma Aboliasit tetere aomisio kec esipokina / tetere kesi epupete atitingu.

Papa ejai iboiyei osiomi apapula na iyemuto

Okoku akeriar kitoni agoola ocelaanar noi ebe, ‘mam bobo eong ecaki abolia kede ngesi nepecep da ! Agiri eong etau ngesi !’

Papa ebwaiki apapula na asiomi ngesi kwapu, ibelokin nejai Okooke kosodi atemar atiar, ‘etei eong inyunyura ijo noi.’

Okoku ebala atiar, “Mam ngesi ibusakinit ajautu kede idio ipapero da !”

Papa ebala, “Oh?”

Okoku ebala, “Aboliata maa ber eong elopet ejok da kasodi eong ainom iigoolon 2. Do konye aibuc do angetakinet na abolia do cut, ne ebeitor ti eigoolo bobo, ebuci eong.”

Papa ebala, “Mmmm.”

Okoku ebala, “ido ekaulo ke ebala bobo Mika elimuni oingaren naka itunga kere ebe arai aibucaret ka ngesi ejaikini iso emeni aitelekaar. Abu ibore ngin ijaik eong aresiaikin ngesi kede eong anyoun alungar kinga...”

Papa ebala, “etakani abu ibore ngin oyangau ileic noi noi mama kon.”

Okoku ebala elimuni kaiyapepeara noi, “Eeba, arono noi. konye orai mam eong adolokit adoketait ngin na anyunyurikin kede Mika. Mam ajok ba. Erai ngesi opaperika lotau noi kakere.”

Papa ebala, Oooh, “amisiikit eong.”

Okoku ebala, “Mam acie, abongori ber bobo aanyun arai adumuni eong Mika eroko ejai ngina. Etei eong erai abeite, akotor ngesi isio aitelekaar.”

Papa imuriemuriaikin Papa.

AIMOR AITAMITAM OGURUPU LO EPOL

- Ekote bo ai eipone lo apupiata aomisio nuka ikoku kotoma ageunet?
- Koipone bo aani apotu ijulakinotor?
- Lunyoika bo icie iboro lu itegelinikina lu abu Papa iswama kanu aingarakinia Okoku kotoma apak na etipipilunatar aomisio ke ka apedor aisinapikin nges?
 - *Abu ibwaik apapula na iyemuto kwapu tetere inyakuni aomisio ke epupokini ojokan nuka Okooke*
 - *Mam abu itolitol Okooke inera*
 - *Abu ocamu eipone lo apupiotor aomisio ke (ne abalar, “Oh,” “Mmmm.”)*
 - *Abu ingarak okooke ajenun aomisio nu ejaatatar ngesi (na aanyunet, “etei eong inyunyura ijo noi.” “etakani abu ibore ngin oyangau ileic noi noi mama kon.”)*
- Nunyoika apotu isuumuikisi ijo kotoma kanu apotu iswamaunos?

Ne itamakitor ooni aisinyikoikit ikoku alemar awai aomisio nu arokok nu enyunyuraka, idala duc ikoku aiyatakin aitikadikin noi. Epedorete iduwe anaikin aitereikin ka aomisio nuipu nu itipipilete kesi ka kesi da ikulepek amoun abongonokineta kec ne ipupokinia ooni kesi kacoite ojokan kasodete aitetemoonor atupakin Akiror nutupakina nuu.

Akiro Nu Epol Atupakin kotoma Apupokinite (Airar) Eipone Lo Epupiotor Aomisio nuka Iduwe

AIMOR AITAMITAM OGURUPU LO EPOL

Kosiom akirot na itatamuutai naa:

Abu Chun ocamunite ebe ajok duc okooke lu atumunan arautu lo ainakina aswamisinei nu egelegela kotoma okanisa. Edila duc ngesi aiyakianar okooke ajainikin atukonokineta nu egelegela asisian naka Ebaibuli, oomite ebee nuu kesi ejokuka noi kanuke. Konye okooke Chun mam alalakinit adio kangun keere. Arai lo asubit bala eleucono, ido mam apupi ainapakina kanu ngesi ajainikin atukonokineta kangun ngesi bon. Konye ne ebeikitor atukonokin na epol noi ajaikin otaun, abu Chun itapalau (*mam abu opodok eipone lo apupiata aomisio nuka okooke*) eipone lo apupiata aomisio nuka okooke, kosodi aiketakin ebe ibusakit okooke alosit alosite ba. Abu okooke ocamu alosit amairon nuipu noi kanu ajaikin toma atukonokin. Amamei nepetai ido itunganan yeni ajeni ngesi angina, aso abu oraun lo ajurungungit angina. Abu opas okooke Chun abuinikinio aloseneta kaa nu apakio ngun keere. Ne ebongunia ngesi ore, eleleba anyunyura noi kitoni aigir einer kede Papa ke da.

Nepetai toma apak ngipengin, abu Chun ojaikin Aitutuor naka **TCT** na ikamanara kede **“Edukone Ka Ekale.”** Abu isisiau nu ikamunitos abilakin ailipi aitimio. ilemu sek, mam ngesi nepecep da ecaki ber aomoom ebe ebusakinit ngesi abilakin mama ejai okooke. Kotoma oinono ke, acamunitos itunga ebe Auriak ka imakio araasi duc lu adilitos, kanu angun, amamei ajokis na abilakin ailip aitimio kama ejaasi iduwe. Mam okooke eneritos ka ngesi adaun isabiitin lu eyatakina, konye ageun apaki kangin abu anyunyura ke ogea aibong kwapu. Abu do bobo ogea ainerenena nepepe ka a Papa ke, ido moti-mot kwangen, abu eidicane kec ogea apuconor ka angaleikin.

- Kanuinyo abu Chun okotor okooke alosit atukonokin naka atumunak?
- Kanuinyo mam okooke akotor ajainikin aswamusinei kwape nat atukonokin naka atumunak?

- Nunyoika apotu iswamaunos ne mam Chun abu opupokina (airar) okooke ka amisiikin eipone lo apupiotor aomisio ke?
- Ne abu Chun omisiikina ebe mam ngesi abu opuponokini ojokan, nunyoika abu ngesi iswamau? Koipone aani abu nen ijulakina ejautene?

Akiro Nu Epol Atupakin kotoma Apupokinite (Airar)

Apupokinite (Airar) Kacoite Ojokan

Nutupitono Kanu Esisianakinan: *Osiomaa toma Oitaabo loka Esisiak – Akiro Nu Epol Atupakin kotoma Apupokinite (Airar). Obongonok adio aingiseta keere.*



Apupokinite (Airar) Kacoite noi ojokan mama ejai ikoku ingarakini kesi aitereikin kede eipone lo epupiata aomisio kec koipone loejok atia aitodiar iponesio lu arokok. Ingarakini kesi aisisiaun eipone lo itemonokinet atiokisio kosodi einakini kesi apirianut na ipudasi kesi kanu araun itunga lu apolok lu etiokitos aomisio. Ingarakin kesi aipup ojokan nu ikamunitos aijarakec ka aisisiaun eipone lo ojaret ejok ka lucie itunga. Erai adiopet kotoma apirianut nu epol ajokis noi kotoma aitopol iduwe.

Ne itamakitor ooni aisinyikoikit ikoku alemar awai aomisio nu arokok nu enyunyuraka, idala duc ikoku aiyatakin aitikadikin noi. Epedorete iduwe anaikin aitereikin ka aomisio nuipu nu itipipilete kesi ka kesi da ikulepek amoun abongonokinet ke ne ipupokinia ooni kesi kacoite ojokan kasodete aitetemoonor atupakin Akiror nutupakina nuu:

Akiro Nu Epol Atupakin kotoma Apupokinite (Airar) Ka Abongonokin Eipone Lo Epupiotor Aomisio nuka Iduwe

Kanu apupokin kacoite noi Ojokan mama ejaasi iduwe wok, ibusakinit ooni aismamaun iboro iuni (3):

1. **Opupok / iira Ka Aomisio kon Keere** (*Aanyunet kotoma Aboliasit: Abu Papa ibwaik apapula ke na iyemuto kwapu*)
 - Epatanikini ikoku arai iswamau ijo ibore yen itoduunit ebe iinakit ijo ngesi aomisio kon kere. Kwape na aanyunet, aibwaikin apapula na iyemuto kwapu, kosodi aitee ikoku, aibelokin aiteikin kede ikoku, alomun ojokooni / opimbiri kosodi aiboikin kwapu apupokin nuke.
 - Etionikit iduwe aitereikin ka aomisio nu epipil koipone kec bon. Arai emameun yeni ingarakini kesi, epedoreke aomisio ngun ainuun kesi noi ido iwanyuni ijo duc itodiario kotoma oponesio lu arokok.
2. **Omisiik Eipone lo epupiata Aomisio kec:** (*Na aanyunet kotoma Aboliasit: “Oooh,” “Mmm,” “Amisiik / Ajenu do eong”*)
 - itwasam alimunet / arai akirot kwape – ‘Oooh’, ‘Eiii’ arai bo ‘Mmm’, ‘Otukuii’, ‘Ehee, Eeba’ / arai bo ‘Amisiik do eong / Ajenu do eong.’
 - itwasam acie kotoma aitodiareta nu apupokinite kon komam alimun akirot – Aimunganikin akou, aiteikite akonye kus, aitodiar ka ereete kon kotupitete nu elimunit ngesi.
 - Siri ijaik kesi apupun erono kanu kesi ajautu ka aomisio nu itipipiluna kwangin, ka nejaasi iduwe, ibusakit ooni acamun eipone lo epupiatar aomisio kec kasodete aingarakin kesi aitereikin ka aomisio nu itipipiluna komam itodiarete iponesio lu arokok.
3. **Ingarak kesi ajenun nu epupete kesi:** (*Na aanyunet kotoma Aboliasit: “Etakani abu ibore ngin ayangau ileic noi mama ijai ijo.”*)
 - Ingarak kesi aitwasam akiro nu itodiaritos eipone lo epupiatar aomisio kec kanu aitoduunia nu

itodikitos iponesio kec ijo.

- Mam duc iduwe epedoritos alimokin ijo eipone lo epupiatar kesi. Arai iswamaa ijo nuu kwangen kanu kec, epupunete ebe imisiikit ijo ido icamunit ijo kesi. Eminas duc apupun aisinapikininio ido inapakinos atipet. Mam iyalongongo arai mam ijo irasakini adeyaar kwa ebeitor. ilimokini ijo iko-kukon arai mam ijo abu omisiik.
- Aanu bo acie kotoma aanyununeta nu idilas nu aomisio nu itipipiluna nu ejaatatar iduwe?
 - Aiturur
 - Esibiroros nu aomit ngesi
 - Itipipiluna / imusunguuna aomisio
 - Itisilitai / isurumaaritai ileic
 - Anyunyura
 - Abilakinio Ebotet / Angopikininio
 - Isumuikin
 - Aiyalama

Omorata Aitamitam:

- Aanu bo ti icie owaitin lu apedoria Chun apupokin okooke ojokan?
- Koipone aani bo ti ijulakiniata nuu nu apotu iswamaunos kotoma ojautene kangon?

ASWAMISIOIT NA EGURUPU LO EDIT (itunga 2 - 3

Itolomu Aboliasio Aarei.

1. Kotoma Aboliasit nasodit, itodia nu duc iswamaunos atutubete kon ne itikadikinor ikoku kede eipone lo iirariatar auriak ojautene kangon.
2. Kotoma Aboliasit naiyareit, iwaitin lu apiirikit Airar / apupokin ka Akiro nu Epol Atupakin kotoma Airar nu isisiau ijo ilolo. Ipedori ijo aitwasam icie kotoma ojautenesia lu ainanakitai kwape aanyunet kotoma aisian / arai bo aoomoomoun ejautene ecie lo idila aiswamaunun.

Nutupitono Kanu Esisianakinan: Koinak igurupun idakikan 10 aisikapikin Aboliasio kec kosodi aingitun ngun lu ekapakina aitodiar aboliasit kec koingaren naka egurupu. Akaulo na angin aboliasit aitwasm amisiikinet naka apupokin / airar ojokan, ingitu lucie kere lu ogurupu aanu bo akiro nu epol atupakin nu apaoni itwasamai kotoma aboliasit. Arai ejaasi adio kotoma akiro nu epol atupakin kotoma airar numam etodiaritai, koany arai ejai ido itunganan yen epedorit aitodiar abolia katipet itwasamai adio ka apirianuto kangun nu airar.

Nungetakinet

AIMOR AITAMITAM OGURUPU LO EPOL

Kanu aingarakin iduwe wok ajautu ka iponesio lu ejokuka, ibusakinit ooni aingarakin kesi aitereikin ka eipone lo epupiata aomisio kec. Kanu aiswamaun nuu, ibusakinit ooni apupokin ka airar kesi noi ojokan. Kanu Apupokin ka airar ojokan, ibusakinit ooni aiswamaun iboro iuni:

1. Opupok (iira) ka aomisio kon keere.
2. Omisiik eipone lo epupiotor aomisio kec.
3. Ingarak kesi ajenun / amisiikin nu epupete kesi aomisio kec.

OYANGAIK APAK IJO BER BON AITONOR AOMOOM NU ISISIAU

Oomoom eipone lo ipedoria ijo aibwaikin asisian naa toma aswamisioit kotoma osabiiti kalo nepepe ka iduwe kon, / arai bo kalucie iduwe lu iriamununotor ijo kwape nat iidunyeta, ipajan ka icie da.

Aboliasit Na Apupokin (Airar) Ka Acoite noi Ojokan Mama Ejaasi iduwe

Papa ejai iboiyei osiomi apapula na iyemuto.

Okoku akeriar kitoni agoola ecelaanar ominyi noi, “mam bobo eong ecaki abolia keda ngesi cut ! Angara eong ngesi ! (Agir eong etau ngesi !)

Papa ibwaikini apapula na iyemuto kwapu, ibelokin nejai okooke kosodi atemar atiar, “etei eong inyunyura ijo noi.”

Okoku ebala, “Mam ngesi ibusakinit ajautu nepepe keda idio ipapero da!”

Papa ebala, “Oo?”

Okoku ebala, says, “abu eong aboliata ejok kasodi ainom igoolon iyarei. Kosodi do osaawa lo awasia ne ti abeitor ainom bobo eigoolo ecie, adiaki eong ainom eigoolo.”

Papa ebala, “Mmm”

Okoku ebala, “ido akaulo ke, abu Mikah olimu koingaren naka itunga keere ebe arai aibucaret ka ngesi edupori isio amamus aitelekaar. Kanu angun, abu eong aresiaikin ngesi keda anyouun alungar kinga....”

Papa ebala, “Etakani abu ibore ngin oyangau ileic noi noi mama kon.”

Okoku ebala elimuni kaiyapepara noi, “Eeba arono noi, konye orai omam eong adolokit adoketaitt ngin anyunyurikin kede Mika. Erai ngesi opaperika noi lo otau.”

Papa ebala, “amisiikit .”

Okoku ebala, “Euta eong etau aomoom abongor aanyun arai eroko Mika ejai ngina. Etei cuti eong akoto ngesi ti isio aitelekaar.”

Papa abu imuriemurieikin

Asisian 9: Apolous Naka Akiro Wok

Akiro Nu Epolok

1. Ejaasi Akiro Wok Ka Apedor Adukun / arai Aitipipil iduwe Wok.
2. Einer Lo itojokaarit ka Akiro Nu isinyikoikinet ingarakinete iduwe araun ngun lu elosikit edeke kesi araun koingaren.

Iboro Lu itwasama

Eitaabo Loka Esisiak:

- a. Einer Lo itojokaarit

Nuitegearete

AIMOR AITAMITAM OGURU LO EPOL

Ejaatar Ebaibuli nuipu nu inherit nu ikamunitos akiro wok / “Alimunet wok” ka eipone lo itwasamaa ooni angajep wok ka akiro nu inera ooni. Ikokoron lu etupakitos iwadikaikitai lu a Papa naarai kesi eraasi akou naka ekale, konye eraasi lu iriamara kede idio itunganen keere yeni ejai idari iduwe.

Kosiom Ikolosain 3: 21

- Iponesio lu eipone enyoin ka aswamusinei bo nu ikotete ai ijaikinet iduwe araun lu itunyururikininos (v. 21)?
- Iponesio lu eipone enyoin ka aswamusinei bo nu ikotete ai ijaikinet iduwe araun lu ejaunos kede adwaris ka aipirisaar naka amuno (v. 21)?

Edipe koipone lo itunyururikinia ooni iduwe wok ngesi lo amamus apuponokin / airanar kesi ojokan, kwape apotu oni amoriatar aitamitam kotoma asisian na atubor. Eipone ecie erai kotoma akiro nu itwasamai ooni. Kotoma Asisian kana, ibuni ooni airereor eipone lo ipedoria oni itwasam akiro wok aitipipilia / arai adukunia iduwe wok.

Kosiom Awaragasia 12:18.

Kotoma okokoro kalo, isiitikitai ooni ebee epedorete akiro aicum aipelor kwape ka ekileng / arai bo nat ayangaun angaleu.

- Akiro nu eipone enyoin eminasi aicum aipelor kwape ka ekileng?
 - *“ibangaana ijo noi”*
 - *“Emamei ajokis kon”*
- Akiro nu eipone enyoin eminasi ayangaun angaleu?
 - *“irai ijo na atalanta / lo atalanta naejok noi”*
 - *“aminakit eong eipone lo iyaitor ijo inaci kon etau lo esiana noi”*
- Biyai ijo iitunit idio ibore yeni aponi olimokitere ijo irai ijo ikoku — Yeni etipipili arai bo yeni etangalei? Aticepak kama ejaasi auriak kon, iinacan kon / ainacan kon, imwalimun kon, ka icie da.
- Nunyoika apotu akiro ngun iswamaikisi aijar kon?

Nutupitono Kanu Esisianakinan: Koinak egurupu apak na ejok cut kanu aomoom ka acoite noi nu ikamunitos

apedor naka akiro wok. ingarak kesi aanyun ebe icie oboro lu kolo alimonokinio kesi eroko edisiak (erai ikoku), eroko kesi iitutos. Apotu akiro ngun ojaunos kede aijulakinet aijarakec ido eroko aitodol ilolo. Oyangaikisi apak ka aurianut ailipanakin ngun lu eroko iitunitos akiro nu aponi olimonokitete kesi nu arokok.

Aso elipata Edeke aitangaleun ooni kotoma aitununeta nu adio akiro kere nu arokok nu apotu lucie kolimokitotor ooni kosodi Edeke aingarakin ooni aitim kesi kanu akiro kangun. Ibuni da bobo ooni ailip Edeke aisiitikin ooni akiro nu ajokak nu apotu itunga inheritos nu ikamunitos oni kosodi noi kakere, nu inera Edeke nu ikamunitos ooni.

Akiro Nu itipipilete

AIMOR AITAMITAM OGURUPU LO EPOL

Nutupitono Kanu Esisianakinan: *itwasam Eitaabo Loka Esisiak – Einer Nu itojokaaritos. itemu aitor toma akiro nu isisianakina oitaabo kalo kanuka iwaitin lucie keere kotoma asisian kana.*



Einer Lo itojokaarit

Akiro Nu itipipilete

Akiro nu itipipilete kesi iboro lu ilumununei ooni lu imusungete aomisio nuka ayenicie. Irwana ipu, mam ooni ipeleikini aitiipil itungan. Kotoma abeit, iboro luu eliminuno kanu ti aisinyikoikina ikoku aijulakin, konye nu ejaunos kesi nuta ebe itipipilete ikoku. Aiboisit na aijulakin, iyuuni ikoku nu alimokin / nu apupu, itikadikinos aomisio ke / ipirisaar amuno ke ido itanangi aitam araun yeni ejokunar adapar.

Akiro nu itipipilete noi kakere elomunete kotoma odiopet kowaitin kaluta:

- **Akiro nu elimunio kotoma anyunyura ka Amuno na etikadikin**
Irwana ipu, mam ooni ipeleikit nu ilimunit ooni (na aanyunet, “Orai kolo omam ourutete da!”).
- **Amainikinetu nu iinanakini Ooni iduwe**
Ne iswamaunatar iduwe idio ibore yeni mam ooni isialamikit, imina duc ooni aipaun alimun icie ibore yeni ikamanara kede ikoku, aiboisit na iponesio (na aanyunet, “Tai emameun ajokis kon oingaren (Yeni tai, ibiroro owaikon sek),” arai bo “ibangaana ijo,” (“Yen imajingign yen”).
- **Aitupusitor**
Erai ibore yeni epatana aitupusoor ikoku kede inacan ke arai ainacana ke (na aanyunet, “Orai ijo da ikoni bala onacekon,” arai bo “Mam ngesi ecoo bala inacike”).
- **Adrwaranakineta**
imina oni aticepak alimonokin kesi nu epote aiswamaun koingaren (na aanyunet, “mam ijo icaki adu-mun aswamu nepecep da,” arai bo “isubit ijo bala Mamai kon. Ibuni ijo aputoor cut bala ngesi”).
- **Einer nu mam itojokito mama ejaasi lucie**
Acie apakio inera oni numam ejokuka nu ikamunitos iduwe wok mama ejaasi lucie itunga opupete kesi oni inera (na aanyunet, “Okooka abu ibiror bobo aingito ke. Ijalijalana tai, mam iswamai ka agogongu,” arai bo nat “Erai na Akooka. Erienguut tai ikoni nen / ipaliono noi ikoni nen!”).

Irwana duc akiro nu itipipilete nuu iswamaunete nu arokok numam oni ikoto kotoma aijara naka iduwe wok.

Kwape na aanyunet, ikoto ooni aanyun iduwe wok iswamaete agogong, konye ne epupuniatar akiro nuu ijaikini kesi acamun ebee mam kesi epedorete aiswamaun idio ibore ojokan. Kanu angun, itanangete atamanar aswamu ejok.

Akiro nu itipipilete epedorete aitanang iduwe wok kotoma araun ngul keere lu etemokit Edeke kesi araun.

KOYANGAIK APAK IJO BER BON AITONOR NU ISISIAU / ARAI NEPEPE KA IPAUPA

Koomoom nu ikamunitos aingiseta nuu aarei kosodete ailip kaiyeiyea (otau kon) ebe ebuni Edeke aingarakin ijo aisisiaun iwaitin luejokuka lu inerenenas kede iduwe kon.

- Nunyoika akiro nu itipipilete nu inerenena ijo mama ejaasi iduwe kon?
- Kotoma ojaute ne lo eipone enyoin ilimununa ijo kesi?

Einer Lo itojokaarit

AIMOR AITAMITAM OGURUPU LO EPOL

Erai ibore yeni epedor kanu ooni ainerenena ejok nepepe keda iduwe wok.

Kosiom Awaragasia 15:1.

“Abongokinet Naiyapepara iriebori awai anyunyura, konye akiro nuededeng isidikete anyunyura.”

Nutupitono Kanu Esisianakinan: *ingitu lu einakinos aisiom kangin akirot kotoma Oitaabo loka Esisiak owaik loka ‘Einer Lo itojokaarit.’ Olimok egurupu apupokin ojokan noi kosodete aomoom eipone lo epedoratar aibwaikin aomisio nuu toma aswamisiot mama ejaasi ikalia kec. Olimok itunga omorata aomisio nu ikamunitos eipone lo epedoratar kesi aitwasam angin adiope kotoma Nu Epol Atupakin.*

Akiro Nu Epol Atupakin Kotoma Oiner Lo Itojokaarit

1. **Itetekim ikoku ibore yen erai abeit atipet arai ibu ijo olimunite yeni mam arai yeni abeit.** Arai da yeni abu ijo olimunite, mam ijo ipeleikit. Ebuni nen aitanang amamus amisiinikinio na eyangaikini aojau.
2. **Obilakin ailip Aitimio kosodi Einer ka Aitojokaarit akaulo na Alimun / einer akiro nu itipipilitos kotoma anyunyura.** Einakini na ikoku kon aanyunet naka abilakin ailip aitimio na epedori ngesi atupakin. Einakini da ngesi arerengu na abilakin ailip aitimio arai iriamara kanu aiswamaun nu apotu ijaikisi ijo anyunyurikin. Epote iduwe ainakit ijo angosibib noi arai ibilanikin ijo ailip aitimio ne duc ibucara ijo ido edumunete kesi aisinyikoikinio na aitalakaarit ijo.
 - litu akirot na ekamanara kede Chun ka okooke lo atumunan kotoma Asisian 8? *(Itemu aisiom bobo Aitatamuunet ngin arai ibusakinit / arai epatana).* Nunyoika eyuunit einono kec nu ikamunitos abilakin ailip aitimio kama ejaasi iduwe?
 - Nunyoika nu idilasi nu iyuunit einono atutubete kon / arai ekale?
3. **Itetemu iponesio lu mam ijo iyalamar / arai lu itikadikitos ijo aiboisit na aimarakit ikoku.** Obala ebe, “Erai ngin ibore yeni abangaanut noi aiswamaun !” Erai nuejok aitwasam ido mam itipipili aomisio kec atia atemar, “ibangaana ijo !”
4. **Siri ituputoo iduwe kon ka yenicie kakesi.** Aituputoonor iduwe ijaikini kesi aipup erono nu ikamunitos aijarakec ido eyangauni aitikadikinio. ijaikini iduwe kon amamus aminanara ka amamus aimor aiswamanara nepepe ojokan.
5. **Inerenena iboro lu itojokaarit ijo bon kanu ikokukon kane epedoritor ngesi apupokin (airar) ijo.**
6. **Siri itodiari ikokukon nepepe ka iponesio / arai aswamusinei numam ejokuka.**



ASWAMISIOIT NA EGURUPU LO EDIT (itunga 2-3)

Kotoma ogurupun kus, olemutu adiope kotoma akiro nu epol atupakinit kosodete aitolomuun aboliasit na itoduunit eipone lo ti itwasamaa ijo kotoma okale kon.

Nutupitono Kanu Esisianakinan: Koinak igurupun idakikan 5 aitemonokin aboliasit kec kosodi aingitun ngun lu einakina aitodiar iingaren naka egurupu. Akaulo naka angin aboliasit, ingita lucie igurupun aanu bo kotoma akiro nu epol atupakin nu itwasamitai kotoma aboliasit.

Akiro Nu Isinyikoinikinete

OYANGAIK APAK IJO BER BON AITONOR AOMOOM NU ISISIAU

Nutupitono Kanu Esisianakinan: Kitwasam Eitaabo loka Esisiak - Ainanakin Akiro Nu isinyikoikinete. Isinyikoik kesi aitebeinikin nu ekotosi kesi kosodi aanyun ebee angin itunganan ejaatatar apak naedolit aomoom nu ikamunitos iboro lu isialamikitos kesi kama ejaasi iduwe kec ido arai epedorete kesi, isinyokoik kesi aiwadik iboro ngun / arai iwaitin ngun.



Ainanakin Akiro Nu isinyikoinikinete

Aiboislt na aitwasam akiro nu itipipilete, ibusakinit ooni adumun arerengusio nu aisinyikoinikin iduwe wok.

Oyangaik idakikan 5 aomoom iboro lu ti ilimunun ijo lu isinyikoikinete angin idiope kotoma iduwe kon. Ne iyatakina ijo aitebeinikin iboro ngun lu ti isinyikoinikinet kesi, ngesi do ejokunaror noi. Kanu angun lu emameototor iduwe, arai iseunete aomoom nu ikamunitos lucie iduwe lu iriamununotor ijo, arai bo nat icie itunga lu okale kon.

Kwape aanyunet, “Esialamikit eong eipone lo duc iminari ijo abunere aingaranakin eong ojokooni / opimbiri aipoo akaulo na ibonguna ijo ore osomero. Ejok aiboi nepepe kede ijo noi, ido itebebenit ijo aswamuka” Ejok noi ijo alimokin ikoku kwangin adepar atemar ebe, “irai ijo apese najokan.”

IJO KEDE IPAUPA (Arai Epatana ijo Kana Owaikon / kalo Owaikon)

Omorata aitamitam aanu bo iboro lu iswamaete yesi ejok koipone lo einer nepepe kede iduwe kus? Akiro aanu itwasamitor ijo nu aticepak apotu itipipilitos iduwe kus? Komorata bonik ka bonik icie kotoma owaitin lu ikapakinar ijo aisinyikoikina iduwe kon arai iduwe ngun lu idila ijo airiamununor kwape nat lu oidunyet, arai bo okanisa, arai bo nat osomero.

Nungetakinet

AIMOR AITAMITAM OGURUPU LO EPOL

Akiro wok epedorete arautu nu itwasamao aisinyikoikina iduwe wok arai aitipipilia kesi. Karaida mam ooni aticepak ipeleikit aitipipil kesi kede akiro wok, epedorete akiro wok aitikokin iduwe wok adolokin araun ngun lu ekoto / epeleikit Edeke kesi oraunos. Ipedori ooni aisiaun eipone lo itwasamaet einer loejok lo itojokaarit nepepe kede iduwe wok. Eyangaikini aitetemoonor kanu ooni aijulakin iipone wok (lo lem inaikitor oni aswamu iboro) ka eipone lo inerenenar ooni kede iduwe wok, konye ebala Ebaibuli elimokit oni ebe erai ibore yen epol noi ooni aitwasam angajep wok ejok kanu aisinyikoinikina ka adukenena lucie wok ojokan.

Otamanak adumun arerengusio kowaitin kere lu ipedora ijo aisinyikoinikina iduwe kon osabiiti lo etupakini. Otamak nu ipedori ijo kere aitanang aitwasam akiro nu itipipilete, ido arai esub bala ilimuni ijo akiro nu itipipilete, katipet obilakin ailip aitimio kosodi aitetemikin ngesi nu ti ipeleikit ijo alimokin ngesi / kesi.

Asisian 10: Aminanena ka Alecor Na ingarakini

Akiro Nu Epolok

1. Alecor apolouke ebe aicoranakin ka aitetenaanar iduwe aisiaun aswamu iboro kotoma owaitin lu ayongite Edeke. Mam do erai ebe aiticanaenen.
2. Alecor Na ingarakini iswamaeneno kotoma amina ido iducokinitete.
3. Aiticanaenen naka akuwan **MAM** erai ngesi bon eipone lo elecorere iduwe /arai bo nat ebe ngesi bon eipone loejok kakere aitetenaanara iduwe.

Iboro Lu Itwasama

1. Aputosia Nu isipedoritos Asisian – Abolia na ikamunit ipenesio / iwaitin icie luka Aleconor (*iwaitin icie luka aleconor*)
2. Eitaabo Loka Esisian – Aleconor iduwe

Nuitegearete

AIMOR AITAMITAM OGURUPU LO EPOL

Kosiom Awaragasia 29:17 Kosodi 13:24.

- Nunyoika isisianakinete ikokoron lu ooni kanu ikamunitos Alecor?
- Koipone aani eraar ibore yeni ejok ooni aleconor iduwe wok?
- Biyai arai imina ooni iduwe wok, oni ibusakinit aleconor kesi?
- Biyai alecor naejok na ejok, arai bo erono kanu ikoku?
- Ne inerar ooni nu ikamunitos Alecor, Lunyoika bo iwaitin lu ejenasi noi lu ileconora ooni iduwe wok?

Kosiom aitatamuneta nuta Aarei:

Ajaasi Set ka inacan ikanyikape lu apolok ka ainacan. Adiope apaaran ajaasi ainacan ke amwangit aitapasaenen ngesi kotoni ne eupiatar ngesi akiro ngun (esaraon ngon). Abu onyonyurikin noi kosodi acakakin kesi agalon na akipi naepol noi. Abu agalon ngin ibir aarei kotoma ainacanake kosodete kwa agear aimongy? Abu ijaake koany nu abu ngesi iswamau kosodi aiworokin Papa ke. Abu Papa ke odolu atipet noi kosodi agear iretanakin Set. Angin itunganan keere akuriana, kitoni iidunyeta da lu asesenete. Abu inom Set irwana 4 arai 5 ka arokoba kosodi alimokin ebe siri ngesi etamaki bobo nepecep da aismamaun kwangin, arai irucaki bobo, emeni alosit iwala akwapu. Abu Set onyonyurikin noi mama ejaasi ainacan ke. Iwala akwapu, abu adiopot kotoma ainacana ke ogea emwangit ka aitapas ngesi. angin itunganan keere abu okweni. Kosodi Set aibap inacike. Lolo kana, abu Papa kokwenia akweniar nepepe kalucie Itunga.

Arai Dinah na amina ainom aputosia noi kede ekalamu toma apapulai / oitaaboi (mere kede akamera). Mam ngesi aminakit adio aswamu keere naka ailotantar iboro lu ore lu akotosi aitalaununo. Ajai Totoke aisiitinikin ngesi angin apaaran nu ikamunitos ngesi aswamu na ailotantar iboro lu ore. Ebala elimokini Dinah, ebe lolo arai mam ngesi ebuni ailotar ka aitalaun iboro lu ibusakinit ngesi aismamaun, mam

ebuni acamakin Dinah apak na ainom aputosia ke adaun esabiiti keere. Akaulo na abongun osomero, abu obongu ore kosodi arasakin agear ainom aputosia ke. After school, she came home and started to draw. Abu imoroki ngesi akirot naka ailot ka aitalaun iboro lu ore nu ibusakinit ngesi aiswamaenen. Akaulo ainyam lu abong, abu Totoke ingit ngesi nu ikamunitos iboro arai ilosit ngesi, abu Dinah omisiik ebe abu imurok ngesi aiswamaun ngun. Abu totoke ingit ngesi nu abu olimokinite ngesi (Dinah) inan tupurucu. Abu ingit Dinah arai aroko iitunit nu apote aiswamaun arai mam ngesi iswamauni nu ailot ka aitalaun iboro lu ore. iituni do Dinah. Abu Toto olimok ngesi ayangaun iboro ke keere lu itwasamai ngesi kanu ainomia aputosia. Kosodi Totoke alimokin ngesi ebe arai edau ngesi esabiiti keere iswamai ailot ka aitalaunun iboro lu ore, inyakakinio ngesi iswamaeta ke keere osabiiti ngon lo etupakini. Konye ejaa ngun da, angin apaaran na imurokina ngesi aswamu na ailotanar iboro lu ore, ejaun ngesi atwaniar bobo apaaran kwape kangin (*arai apaarasia nu itia nen*) osabiiti lo etupakini mam ngesi ainom aputosia.

- Aani bo akiro kanu itetemuutai na ibucit airiamara kede atutubet kon?
- Lunyoika iwaitin / iponesio lu egelegela lu apotu auriak lu olecoratar iduwe kec?
 - *Papa ke Set abu inomonom ngesi adiope apaaran kosodi akwenar ngesi apaaran bobo acie, ido Totoke Dinah abu ijaa ka aimikaar ngesi arerengu ke keere na ainom aputosia*
- Oseu aani bo kotoma aitetemuuneta kangun itodiaritos acie kotoma aanyununeta nuajokak nuka alecor? ido itetemuu Kanuinyo?
 - *Abu Totoke Dinah oleco ngesi kede amina, abu koinak ngesi amisiikin ebe nu aswamat ngesi aroko, ido nu abeit atupakin ngesi arai emwang ngesi atupakinit nu ekotoi ngesi aswamu, kosodi da bobo abu Totoke Dinah otupakite nu ikamanara kede alecoret (angin apaaran na emurokina Dinah ailot iboro, ejai ngesi atwaniar ainom aputosia ke osabiiti lo atupakini)*

Kotoma aisian kana, ibuni ooni aanyun eipone lo ingarakinia ooni aitetenaanar iduwe wok aitotoria kotoma aleconor na eyongin Edeke. ibuni da bobo ooni airereor icie kotoma owaitin lu aingarakin kesi acamun arimaarit atupakin nu einakitai kesi tetere mam ooni idolokini aitakan kesi koipone lo aitipipil akuwan. Arai itwasam ooni iwaitin luu ka lucie kwii lu itwasamaa lu idau ooni aisisiaun, apolou ke ebe mam ebeit bobo ooni aicebokit aiticanaenen iduwe wok ducu duc.

Aiyeiyea na ejok kanu Aleconora ikoku

AIMOR AITAMITAM OGURUPU LO EPOL

Nutupitono Kanu Esisianakinan: *itwasam Lu epedorete aingarakin osiomunun nu iwadikautai ikamanara kede Aiyeiyea kanu Aleconor na Ingarakini.*

Alecor apolouke ebe aicoranakin ka aitetenaanar iduwe aisisiaun aswamu iboro kotoma owaitin lu ayongite Edeke. Mam Alecor erai do apolou ke bon aiticanaenen. Ejaasi iwaitin lu egelegela lu aleconor iduwe. Erai alecor ibore yen ejok arai iswamai kotoma amina ido orai ibore yen inyikokitai atupakinite.

ileconori ooni iduwe wok naarai imina ooni kesi ido ikoto ooni kesi aisisiaun eipone lo ojurete kotoma ayongite Edeke ka aitolomuunun asekununeta nuajokak, ido aisisiaun ayaite lucie ejok. Apakio acie eipone lo ileconora ooni iduwe wok mam erai lo ingarakini naarai emina ayangaunun aimwang ka aipaliikin oni, adwaris, aitipipilio naka itawon, ileuc, akurianu ka ajurungungit (*amamus aipup ayuwaara*). Erai ibore yeni epol ameda noi ooni amisiikin nu ipedori ooni aiswamaun kanu aijaikin alecor wok orai naejok na

ingarakini aitetenaar ka aisipedor iduwe apoloo kitoni ationere / agogongor kotoma oidicane kec kalucie nepepe ka Edeke.

Aiyeiyea kanu Alecor Na ingarakini:



1. Koany ebe ejenete iduwe ebe imina ooni kesi karaida ijaa oni alecor kesi
 - Mam ekoto ijo alecor ikokukon nepecep da apak / osawa lo ipupia ijo anyunyura. Arai na nu isisianakine ikoku aibunga arai aresianakin lucie ne enyunyurar. Arai ipupi ijo anyunyura noi, otam ber adumun ainapakin, kosodi alimokin ikoku iboikin osiepi je laiye aitodol ne inapakinor ijo ka akapakin einer kanges.
 - isiitik kesi alosikine naka alecor / ainakin kesi aitanet erai aisisianakin kesi eipone lo ajautu ka iponesio luajokak mama ejaasi lucie. Itetemik kesi ebe erai lo epelu kon kwape aurian ido kanu naarai imina ijo kesi, ileconori ijo kesi.
 - Akaulo na alecor ikoku, erai ibore yeni epol noi aitodiar aminakon na mam ogongakina mama ejai idio ibore kere kanukec. Ipedori da bobo ijo einer akiro nu isinyikoikine mama ejai ikoku, kwape nat, “acamuit eong ibuni ijo apedor asekon asekonet naejok noi koingaren,” arai bo “acamunit eong ibuni ijo aisisiaun amina / aiswamainikin onacekon ajokis.” Amina erai aisinyikoikine na ejok noi adepar akurianu. Erai da bobo na na ingarakini ikoku aipup ayuwaara ka ajenun ebe erokoi emina kesi.
2. Orai yeni iducokinit / itupakinit kotoma Aleconor kon.
 - Arai icamak ooni iduwe aswamu icie ibore yeni mam ejok lolo ido alecor aciepak, itolitolikini ibore ngin iduwe amamus ajenun aani bo ibore ebeit kesi aswamu, dobo aani bo mam kesi ebeit aswamu. Eraunete lu ekuriakata ebe aticepak ibucasi aiswamaun ibore yeni aronon.
 - Arai irai ooni lu itupakinit nuka alecor, epote iduwe aisisiaun ibore yeni ajokan ka yeni aronon. Epote kesi apupun ayuwaara naarai ejenete kesi ebe ejaasi auriak kec idarete kesi / epodokitos kesi ido eminas kesi.
3. Koany ebee emisiikini ikoku nu abu iswamaute nu adiakara / arai nu arokok.
 - Ingitu ikoku arai ejeni ngesi nu iswamat ngesi eroko / erai adiakaret. Arai mam ejenete, itetemik ka ainapakina.
 - **MAM NEPECEP** ilecori ikoku / arai ibitar komam inerakina kede ikoku nu ikamunitos nu iswamatos kesi numam ejokuka / nu ediakaritos iswamaun.
4. Itetemik nu ipudakinai kanuka iponesio luajokak lu ikoto ijo.
 - Apakio acie, mam iduwe ejenete nu ipudakinai kesi. Koinak iduwe ne ibusakinit kesi onangakinitos ka ne mam ibusakinit ido itacaunite ojokan (*eikoru kanu ecamakitai ka numam ecamakitai*).
 - Koany ebe emisiikit ikoku nu ikoto ijo kesi aswamu apak na ebunit koingaren (*eroko apak*).
5. Eipone loka alecoret / arai aitananio ekoto itegelikina otupitete apolou / arai ikaru luka ikoku.
 - Iduwe ludidik ikaru (2-10) epedorio duc aiteten kede akongu na imikit ngesi aswamu ngun, koipone lo abitar, arai aisiboikin ngesi okoona je adaun apak adio na iriamara kede ikaru kec (aanyunet, idakikan 10 kanuka ikoku yeni ikaru 10).
 - Iduwe lu epolok ikaru (11-18) emisiikine arai imikaar kesi iboro lu eminakitos kesi noi, kosodete aitereikin kanu ayangautu iponesio (epali) kec / arai bo aseunet kec.
6. Alangiru / Apipilu naka alecoret ekoto oriakanara kede alangiru naka aibucaret na iswamaunitai.

- Arai erono aibucaret noi, ekoto alecoret da opipil noi. Arai mam aibucaret erono noi, ekoto alecoret odite / orai na ebenen.
- Mam erai na iriamara aimikaar ikoku ibore yeni emina ngesi noi adaun elap ediope, arai ibucarit ikoku irwana atipet bon. Ti eraun na iriamara ejok arai imikaar ngesi adaun apaaran adiope konye do arai iyatakin eipone ke ngon, ipedori do ijo aiyatakin apaarasia nuka aimikaar ngesi lu elalakinit ngesi.

7. Otupakinite nu ikamanara nepepe kede alecoret

- Aiswamaenen nu inerenena ijo epedori orai nu etioko noi kopaana, konye erai nu epedorete aingarakin noi ido itolomunete ayongio ka amunokina. Itoduunit da bobo ebe ipodo ijo kesi noi ngesi iswamauna ibore icie.
- Aimanite alecor / ainakin ikoku aitakanet kanuka iponesio lu arokok (*aswamisioit na aronon*), konye komam itupakini aiswamaun ngun akaulo na ibucara, itolitolikini ikoku akou ido mam ingarakini.

8. Ne epatanar, itwasam eipone / ewai ecie loka alecor lo iriamara kotenene kede aibucaret.

- Apeleikinet naka ewai kalo loka alecor, erai kanu aingarakin ikoku acamun aibwok egarama lo ayangau aibucaret ke ka ngesi amoun eipone lo aitemokin ipenesio ngun lu mam ejokuka.
- Kwape aanyunet, Arai emina Sara aingaranakin Toto ke aipoo inyamat, konye abu iretanakini onaceke lo akoto ngesi da aingarakite oipone ecie, Ekoto Toto ke Sara alimokin ngesi ebe mam ijo kwana iyatakin aingarakin eong aitodol ijo acamakini onacekon da obu aingarakit. Arai bo, abu Petero onanga emeesa kosodete akipi abukor kwapu, ejaun Toto ke alimokin ngesi alemun aipuset kosodi ngesi aitalaun aiputar aiboisit ngin ojokan.

AIMOR AITAMITAM OGURUPU LO EDIT

- Aanu kotoma kanu aiyeiyea nuu (*koipone lo alecor*) idau ijo aitwasam nepepe kede iduwe kon?
- Aanu bo kotoma kanu aiyeiyea nuu mam lem ijo iwomoomotor nuked da, arai bo mam ipupuutor da?
- Kosiom akirot (aitatamaet) naka Seth bobo ageaun kotoma kanu itegearete ke. Aso otupak angin adoketai kosodete aimor einer nu ikamunitos nu ti iswamau Papa ke Seth koipone kalo itegelikina kanu aibwaikin aswamisioit nu aiyeiyea nuu toma ojautene.

KOYANGAIK APAK IJO BER BON AITONOR NU ISISIAU / ARAI KEDE IPAUPA

- Aanu bo iboro lu teni iswamaenenete iduwe kon lu itunyunyurinkinete ijo? Aanu bo iboro kotenan lu ipedori ijo aiswamaun kanu aisinapikinia anyunyura eroko ijo elecoro iduwe kon?
- Nunyoika ipedori ijo aiswamaun kanu aitodikina iduwe kon ebe ijai ijo alecor kesi naarai imina kesi?
- Aani bo idiope ibore yeni itetet ibuni ijo aswamu ne ilecoria ijo iduwe kon koingaren?

Iwaitin icie lu Alecor Lumam araasi Aiticanenen / Aibunga

AIMOR AITAMITAM OGURUPU LO EPOL

- Lunyoika icie kotoma owaitin lu aleconor iduwe ilema aitwasam nuka aibunga, aipot, (*aitipipil akuwan*)?

Iwaitin icie kanu Aleconora iduwe (*Mere Aibunga*)



Nutupitono Kanu Esisianakinan: Itorio Esisiak toma owaitin icie luka Aleconor lu idumakini ijo Oitaabo Esisiak- Iwaitin icie Luka Aleconor. Koinanikini aanyununeta ka aitetemununeta kanu angin adiopet kakesi.

Konye komam Erai Ducu duc, Erai ibore yeni iriamara abitar ikoku yen didi (ikaru 2-10). Abitar itegelikina kama ejai ainominom / aibungaa ikoku. Arai ebeit ijo abitar ikoku, idarak ber aitodol ne ipupunia ijo ebe enapakin anyunyura kon, oyanga kesi aiboisit na egitara awai kama ejaasi lucie, itetemik kanuinyo ijaar ijo abitanar kesi, kosodi konyet do abitanar kesi. Siri kibitana ikoku oingaren naka lucie. Epedori eipone ngon araun lo isurumaari ileic, ido eyangauni (edukuni) adwaris naka etau. Akaulo naka alecor, ekoto ijo ainuu kesi kosodi aisiirikin (aitigogongikin) kesi ojokan nuka amina kon. Abitar iswamaunio kanuka alecor ido **erai amina ijaikini iswamaunio** tetere ijulakinio ipenesio ke lu amoi oingaren. Mam ekoto oyangau aimusungio naka akuwan arai bo nat mam abitar ngin ekoto orai na etenyunit anyunyura. Arai itwasamai ka acoa, epedori araun eipone lo ingarakini aitikokin ipenesio lu arokok kosodi aisinyikoikin arimaarit ka apupio naka ayuwaara. Arai icebok ijo abitanar ikoku ducu duc, epedorete itawon kec araun lu itinikikitai ido ipalioko (*omwangaka*).

Aleconor ikoku kon **MAM** erai apolouke ebe aipot kesi / aibunga kesi. Aitipipil akuwan **MAM** erai ngesi bon eipone lo aleconora iduwe. Luu kesi icie kotoma owaitin lu epedorio aitwasam aburokina aibunga / arai bo aipot iduwe (aitipipil akuwan) lu epedorete arautu lu ingarakinete noi ojokan:

1. Koinak ikoku **aswamisioit na ingarakini**, atia ipenesio lu mam ecamuna.

Noi noi kakere kanu iduwe ludidik, ipedori ijo aijulakin iponesio lu itikadikitos / arai iponesio lu mam ejokuka koipone lo aitapaar ikoku nepepe ka aswamisioit naejok kwape nat aingaranakin auriak, arai iinacan / ainacan arai bo nat aiswamaun icie ibore yeni ijeni ijo ebe eminasi ti kesi aiswamaenen. Erai ibore yeni ejok / iriamara ijo aitijenikin ikoku ojenu ebe mam ijo isialamikit iponesio kec.

2. Itodia **amamus acamunit naepol** (komam isurokit eipone loka ikoku).

Kwape na aanyunet, Kanu iduwe kaludidik, aiteikin kede akongu na egirokit ngesi/ arai bo alimokin akirot na egrit / na mam ecamunit iponesio kec epedori araun ediopet owaitin lu ejokuka noi aingarakin aiteten / alecoria naarai ekoto ikoku ominatete ka acamunio. Itereik nejai eipone lomam ejok, ido siri itwasam akiro nu ededeng / arai nu icaaritos ka amunaun ikoku. Olimu nu esubitos kwanat, "Mam duc eong akoto ne (itetemu eipone ngon /, arai aswamisioit ngin)."

- Lunyoika icie kotoma oboro lumam ejokikitos ijo ikoni iduwe aiswamaenen ? (itetemoono alimunun ngun kwape kangun alimun kokuju)
 - *Ainominom lucie itunga - "Mam eminakit eong cut ne inomina ijo lucie itunga "*
 - *Aitwasam Angajep Na Aronon - "Mam eminakit eong cut ne itwasamaa ijo angajep na aronon"*

3. **Olema / imikaa iboro Lu eminakitos kesi noi .**

Kwape na aanyunet, ipedori ijo aimikaar ngesi idool ke / ibore yeni aboliasi ke adaun apaarasia acie / arai mam, aisimik kesi asesen Etelevision adaun apaarasia nu iriamaros kede emwangit. iitu ebe ekoto aojau naka apak na imikaarere oriakasi kede adoketai na eroniar aibucaret kec na ekotoi ijulakin ido ekoto iriamara kede ikaru kec.

- Lunyoika icie kotoma oboro lu eminasi iduwe aiswamaenen ageun okaru 2-5, 6-11, ka 12-18?

- *ikaru 2-5 – abolia kede itoys kec ka abolia kede ipapero ka acie.*
- *ikaru 6-11 – abolia okinga kede ipapero, asesen etelebision, aisiom ka acie da.*
- *ikaru 12-18 – ayangaikite apak eilate / aiboi kede ipapero (apapero), einer osiimun kec, asesen isineman ka acie da.*

4. Itodik ikoku eipone lo ebeitor ngesi **aibwok ngun nu iswamaunit ngesi.**

Kwape na aanyunet, arai ebwangang icie ibore, arai bo amunaun nen / epwokun nen, (karaida aticepak mam arai apeleikinet) elimokinio ikoku aitemokin nen / arai bo aiputar ne amunaa aswamusioit ke. Isisianakini na ikoku aitemonokin atiokusio nu egwaunits kesi/ nu eduposi kesi iswamaunos. (Na aanyunet: abu Adam onangak onaceke lodidi kwapu omisiri. Kosodi Papake alimokin ngesi ingarak itonyou onacekon, owanyu arai ilunyara, kosodi olimok onacekon **“sore”**, idiaka ijo.)

- Lunyoika icie iboro lu iswamaete iduwe lu epedorete aingarakin aitemokin / aitalaun nen?
 - *Ne abukokinos akipi / arai ne abukokinos inyamat*
 - *Ne amunaara icie iboro otogo*
 - *Aibwang icie ibore / arai aibil icie ibore*
 - *Emusung icie itunganan / Etipipil icie itunganan*

5. **Ogita ikoku awai kama ejaasi Lucie** – “Apak Na ngesi ajaun awai.”

Na aanyunet, ipedori ijo aibwaikin (aisiboikin) ikoku oicolong, agoola arai aiboisit na epeedoria ngesi ajenikina nu eswamau ka ibore aroniar. Erai ngin na Ecamakini ikoku anyunyura ke ajonior kede aina-pakin kosodi ngesi adumun aitikokina. Aso oyangaik adakikan adis einer nepepe kede ikoku toni ijo aanyun ebe amisiki ngesi nu abu ngesi iswamaute, kanuinyo aroniar (mam ajokunar ngesi aiswamaun kwangin) kosodi aseununeta acie nu aticepak ebuni ngesi aseunun apakio acie koiangaren. iitu, ekoto nuu oyangaikisi idakikan lu eriakasi kede ikaru luka ikoku. Kwape aanyunet, ikoku yeni ikaru 6, ajaun aisiboikin ngesi okoona ngina adaun idakikan 6, eroko ijo eloto adakun, ka ainerakin kede ngesi bobo idakikan 6 kitoni amisikiin aibucaret ke.

- Aojau (Apak) bo na itiya ai ebeit alimokin ikoku yeni ikaru ikanyikape (6) adaun ibyei okoona angon? *idakikan 6*
- Aojau (Apak) bo na itiya ai ebeit ikoku yeni ikaru itomon adaun mam ecamakitai abolia kede ipapero ke? *idakikan 10*

6. **Koinak / Ocamak Aseunet** – ipenesio luajokak (*iponesio lu ecamuna*) arai bo nat nu iduporete ipenesio lu arokok iswamaunos / arai aitikokinet.

Apeleikinet erai aijaikin ikoku asekunet kiding nu ejokuka kede nu iswamaunos arai ejaun aseunet na aronon. Erai ibore yeni ejok aitacaunit nu iswamaunos, ido orai yeni itebeikina, ido obuni ajaun, konye mam ekoto orai ibore yeni imusungi, ekoto orai ibore yeni etwaniari ikoku (yeni imikaario ikoku), / arai yeni mam ikoku ekoto irucakinai aiswamaikinio. Kwape aanyunet, arai mam ikokukon iswagi ikela ke, ipedori ijo ainakin ngesi aseunet iswag ikela ke kopaana, konye arai mam ngesi ecamuni aiswag ikela, mam ngesi ainyam esuit ke adaun apaaran keere. Iriamaros alecoret na kede iduwe lu ikaru kere lu egelegela.

7. **Ocamak ikoku itereikonos kede alecoret na ayangau aswamisioit ke** kanuka iponesio kec lu mam ejokuka.

Kwape aanyunet, arai mam ikoku idari iboro ke ojokan, nu ejaunos kesi nuta, emunaaros atipet, arai bo nat Aolio ibore (itoiy / Toy) yeni emina ikoku kakere naarai mam ngesi apodokit alemunun aingadanakin

edau aboliar, ojalakini kanen. Akiro ngun nu iswamaunos bonik kwangen, isisianakinete ikoku apodokit iboro ke aingadanakin ka aidarite ejok. Eraasi nuu nu iriamara kede iduwe lu apolokoto. Mam nuu iriamaros arai ibwaikini ajar naka ikoku toma atonis / kede arai idupori nu arokok aismamaikin lucie kwii itunga. Mam da bobo erai na ingarakini arai iduposi nu iswamaunos ibore yeni iriyaari apak na eoja noi/ arai bo ikoku araun yeni mam ber epodokini da.



ASWAMISIOIT OGURUPU LO EDIT

Nutupitono Kanu Esisianakinan: Otubunun angin **Abolia** kotoma aputosia nu isipedoritos asisian – Abolia Na ikamunit Iwaitin icie Lu Aleconor kosodi ainakin angin aboliasit mama ejaasi igurupun lu egelegela. Oinak idakikan 5 kanu kesi aisikapikinar. Akaulo na angin aboliasit, omorata aitamitam aingiseta nu okwapu kane:

- Lunyoika iwaitin luka Aleconor lu abu aboliasit na itodia?
- iduwe bo lu ikaru idi iriamarotor aitwasamaa alecoret kana kakere?
- Nunyoika nu aiyeiyea nu ikamunitos alecor na ingarakini nu abu aboliasit na itodia?

Aboliasit 1 – Oinak aswamisioit na ingarakini

Ikoku ejai ananganakini asaanit kwapu ido ojai iburai (ekoto) inyamat

Toto iworoori: “inyekik acelaanar kwangen. Aso ingarak oyangau akipi kanuka aipounia inyamata wok.”

Aboliasit 2 – Angerokin naepol noi kanu ipudakinia nu itacaunitai ojokan

Ikoku ejai eutonori akwaras nu ebwuino arapeta kec ocakanari tai tai lailo ka laiye.

Toto ebala: “mam ngon eerai eipone lo ejokiar ijo ayaite akwaras nu ebwuino nuka inacikon. Arai ilipu ijo idio ibore, amunokina eong ijo aidar kesi ejok. Olemunun arapeta ngun atipet inyakanak akwaras ngun atipet noi kede ainyakakin toma abokis.”

Aboliasit 3 – itodik eipone lo ebeitor ngesi aibwok ngun nu abu ngesi iswamau

Ikoku Kotoma oiduuka kosodi aitiikin ebe abwang ngesi icie ibore (komam epeleikit).

Toto ebala kainapapaara: “aso irarunun abwangabwangaeta ngun kere, kasodete alosit nejai olope eiduuka ido ibusakinit ijo abilakin ailip aitimio. Ekaulo ke ataci eong.”

Aboliasit 4 – Oinak / Ocamak Aseunet, itigogongoo nu epote aismamaun ido ijalak ikoku iticanuun kede nu ayangau aseunet ke

Mother is getting ready to go to market. Toto ejai akapanakin alosit osokooni.

Child asks: “Ma, can I go too?” Ikoku ingituni: “Toto, biyai, eong da alosi?”

Mother says: “Last time you behaved badly and screamed for a new car as we passed the toy shop. You may come this time but you have a choice. Behave properly with no crying or next time you stay at home. Do you understand?” **Toto ebongokini:** “kolejet abu ijo itodia iponesio lu arokok kosodi ijo agear aimony ebe emotoka lo itetet ne ingoliara itoys lu imotokan egwelanario oiduuka. Obiya bo ijo bobo, konye ejai ijo aseunet. Aitodiar iponesio lu ajokak, mam aimony, arai imony ijo bobo, mam aupar kede eong, apaikin ore. imisiik ijo ejok nu abala eong? (ipupi ijo?)?”

Ikoku Adelo aimony: akote emotoka lo itetet ne adoliotor oiduka lo itoys lu imotokan elosete kesi osokooni.

Toto Ka ainapapaara, abu inyaka ngesi ore.

Apaaran na atupakini **Toto** ejai akapakin alosit osokooni

Ikoku ekeriari nejai ngesi kosodi atemar, “Biyai eong da auparos kede ijo?”

Toto Kotema atiar “Mam — biyan abu eong ainak ijo aseunet: aitodiar iponesio lu ajokak, arai mam apaikin ore lolo kede Tata. Aipar oni aciepak arai itodia ijo iponesio lu ejokuka.”

ASWAMISIOIT OGURUPU LO EDIT arai bo IJO NEPEPE KA IPAUPA

1. Oomoom ejautene nepepe kede iduwe kon ore ne duc ipaliokotor / itodiaritotor emwangit arai ne itodiaritotor kesi iponesio lu mam ejokuka.
2. Koseu ejautene ediope kosodi aomoomoun iwaitin icie lu ejokuka lu alecora komam erai aitipipil / aibunga akuwan. itemonok aboliasit itwasamai iwaitin lu itetiak lu isisiau ijo kotoma ojautene kangon.
3. itolomu aboliasit kanu egurupu keere.

Nutupitono Kanu Esisianakinan: *ingit ngun lu ejaasi esesenete lunyoika iwaitin icie lu aleconor lu aponi itodiaarai kotoma aboliasit.*

Aitemun Aisiitikin Ngun Nu Esisiaun Kotoma Aurianut

AIMOR AITAMITAM OGURUPU LO EPOL

Nutupitono Kanu Esisianakinan: *Koyangaik apak aanyun ebe aanu bo akiro (Aomisio) kotoma Oitaabo kalo nu iitunitos itunga kosodi eipone lo ekapakinatar kesi aitwasam nu esisiautu kesi. Aticepak ejaasi Akiro (ITOPIS) icie lu ikotokinos yesi bobo aitemun airereor (Aisiitikin). Kosodete ayangaikin apak akaulo na engetakinor Asisian na ailip Edeke aingarakin kesi Aitetenaanar iduwe kec ka aingarakin kesi aibwaikin asisian nalolo toma aswamusioit kotoma okalia kec.*

Kotoma osabiitin idis lu atuboros imor ooni aitamitam iwaitin luipu lu egelegela ka akiro nu epol atupakin.

- Aani bo iwaitin arai akiro nutupakina nu ikamanara kede alecor nu iitunit ijo?
- Aanu bo apedosi aingarakin ijo noi kakere?
- Inyobo ikoto ijo aitam aswamu noi kakere? ido inyobo mam ijo ikoto aiswamaun bobo cut?
- Nunyoika aijulakineta aticepak imina ijo aanyun kotoma ikokukon ne itwasamaa ijo iwaitin luu?
- Inyobo ti ingarakini ijo amunokin Edeke kanu aitwasam iwaitin luu kosodi aitolomuun aijulanakineta nu ejokuka kotoma oduwe kon?

Ne ileconora ooni iduwe wok, ijai ooni aitetenaanar kesi aijar aijara na eyongit Edeke. Aleconoreta nu eyongitere Edeke, erai nu iswamaunio kotoma amina (*amina ijaikini ngun iswamaikinio yeni ebucaa*). Kanu alecor araun na ingarakini ojokan, ibusakinit ooni arautu lu itupakinit aiswamaunun / aiducokinite aitetenaanar ido araasi luka acoa koipone lo ileconora oni iduwe wok tetere mam kesi edukunete adwaris arai bo araun lu itodiarete anyunyura ka etau lo itipipiluna. Iduwe lu isisiaunete aswamu iboro koipone lo ayongite Edeke, eraasi arerengu mama ejai Edeke, itunga lu atutubet kec, ka mama ejai Ekale kec.

Aboliasio Nu itodiari iwaitin icie Luka Aleconor

Aboliasit 1 – *Oinak aswamisioit na ingarakini*

Ikoku ejai ananganakini asaanit kwapu ido ojai iburai (ekoto) inyamat
Toto iworoori : “inyekik acelaanar kwangin. Aso ingarak oyangau akipi kanuka aipounia inyamata wok.”

Aboliasit 2 – *Angerokin naepol noi kanu ipudakinia nu itacaunitai ojokan*

Ikoku ejai eutonori akwaras nu ebwuino arapeta kec ocakanari tai tai lailo ka laiye.
Toto ebala : “mam ngon eerai eipone lo ejokiar ijo ayaite akwaras nu ebwuino nuka inacikon.
Arai ilipu ijo idio ibore, amunokina eong ijo aidar kesi ejok. Olemunun arapeta ngun atipet inayakanak akwaras ngun atipet noi kede ainyakakin toma abokis.”

Aboliasit 3 – *itodik eipone lo ebeitor ngesi aibwok ngun nu abu ngesi iswamau*

Ikoku Kotoma oiduuka kosodi aitiikin ebe abwang ngesi icie ibore (komam epeleikit).
Toto ebala kainapapaara: “aso irarunun abwangabwangaeta ngun kere, kasodete alosit nejai olope eiduuka ido ibusakinit ijo abilakin ailip aitimio. Ekaulo ke ataci eong.”

Aboliasit 4 – *Oinak / Ocamak Aseunet, itigogongoo nu epote aishwamaun ido ijalak ikoku iticanuun kede nu ayangau aseunet ke*

Toto ejai akapanakin alosit osokooni.

Ikoku ingituni: “Toto, biyai, eong da alosi?”

Toto ebongokini: “kolejet abu ijo itodia iponesio lu arokok kosodi ijo agear aimony ebe emotoka lo itetet ne ingoliara itoys lu imotokan egwelanario oiduuka. Obiya bo ijo bobo, konye ejai ijo aseunet. Aitodiar iponesio lu ajokak, mam aimony, arai imony ijo bobo, mam aupar kede eong, apaikin ore. imisiik ijo ejok nu abala eong? (ipupi ijo)?”

Ikoku Adelo aimony: akote emotoka lo itetet ne adoliotor oiduka lo itoys lu imotokan elosete kesi osokooni.

Toto Ka ainapapaara, abu inyaka ngesi ore.

Aparaan na atupakini abu Toto ejai akapakin alosit osokooni

Ikoku ekeriari nejai ngesi kosodi atemar, “Biyai eong da auparos kede ijo?”

Toto Kotema atiar “Mam — biyan abu eong ainak ijo aseunet: aitodiar iponesio lu ajokak, arai mam apaikin ore lolo kede Tata. Aipar oni aciepak arai itodia ijo iponesio lu ejokuka.”